

## Jesucristo Pia Pexeinya Diwesi Jume Tatsi Juan Petinae Diwesi

*Meje yabara poxonae Mesías jiwi forotatsi, pon pewun “Pejume”, baraichi*

<sup>1</sup> Poxonae cataunxuae daxita nacuan jopa forot-siyo, bapoxonae iruru caena bayatha Mesías popona, pon Nacom Pexanto tatsi, pon pewun “Pejume”, baraichi. Bapon Nacom caena bayatha baru poponeiba. Bapon apara bara Nacom.

<sup>2</sup> Poxonae aena copiya, bapoxonae bapon caena bayatha Nacom baru popona. <sup>3</sup> Nacom cana exana xua Mesías daxita nacuan foforota. Dapocotsiwa aibi xua yaseicanaya xua pocotsiwa bapon jopa exanaeyo. <sup>4</sup> Bapon Mesías, pon “Pejume” baraichi bapon asu cana exana daxita jiwi tsipei bapon ataya xeina peasu coyenewa. Matautano bapon pena juntu coyeneno cana catsiya taexanano jiwi xua jiwi yaputaena po coyene pexainyei coyenewa.

<sup>5</sup> Icha pecoicha ichi xua jiwi yaweinchi xua beta pejinompaenexa poxonae quirei, bara juta ichi Mesías. Bapon jiwi yaweinchi xua beta xanepanaya pejiinaponaenexa poxonae bapon Mesías cuiduba jiwi. Caurimonae pia pentacaponaein tatsi bequein ichichipa xua Mesías peamanayabiwatsi, ichitha caurimonae pia pentacaponaein tatsi jopa itacupaetsi xua Mesías peamanayabiwatsi tsipei bichocono Mesías peayapusuwa xeina.

6 Bapoxonae iru Nacom itoroba pebin, pon pewun Juan. 7 Bapon patopa xua Mesías peyabara paebinxatsi, po wun xua jei “Pon Nacom itorobica”, jei. Bapon Juan daxita jiwí juntu coyene cui tsacaraba xua jiwí Mesías pewunaeya tatsi, penajuntu cui wunaetsinexa xua daxita jiwí Mesías pejume cowuntsinexa tsainchi. 8 Juan apara Mesías aibi. Apara saya pia Mesías wunae yabara paebichi xua Juan peitorobixaetsi baxua. 9 Bapon Mesías patopeica po cae pin nacuathe tsique peyawenaenexa daxita carepaya jiwitha pia pecuidubi coyenewantha.

10 Bapon popona barapo cae pin nacuathe tsique. Bara bequein bapon exana pia coya barapo nacue, po cae pin nacuatha tsica pona, daichitha barapo cae pin nacuathepiwi jopa Mesías yaitaetsi po coyene xua bapon po cae pin nacuathe tsique forota daxita. 11 Bequein bapon bara pia nacuatha patopeica, daichitha barapo cae pin nacuapiwi bapon jopa weiweinaya matenta wabichi. Matautano jopa yaputaetsi xua po coyene bapon Mesías apara pon Nacom itoroba. 12 Ichitha ichamonae pomonae bapon matenta weiweinaya wabatsi xuano xua bapon jume cowuntatsi, barapomonae Mesías cana exana xua po coyeneya barapomonae Nacom piamonae tatsi penaexanaewa tsane. 13 Tsipei barapomonae jopa naexanaeyo Nacom pia pexui xua poxoru be jiton coyeneya penaexanumenaponaexae. Matautano barapomonae jopa naexanaeyo Nacom pia pexui xua poxoru pebin peichichipaexae xua pepichiwa piowa. Matautano barapomonae

jopa naexanaeyo Nacom pia pexui xua poxoru coxiy<sub>u</sub>n peichipaexae xua pexeinaewa pia pexui. Saya jame barapomona<sub>e</sub> Nacom pia pexui tatsi naexana, tsipei Nacom cana exana baxua.

<sup>14</sup> Barapon Mesías pon pew<sub>u</sub>n “Pejume”, baraichichi, bapon poxona<sub>e</sub> naexana po cae pin nacuathe tsique bara bapon yatsicaya pepa jiton. Matautano naca bar<sub>u</sub> popona bapon. Bapon w<sub>u</sub>n ununatatsi “Jesús” baraichichi. Matautano bapon pejut<sub>u</sub> coyene wetsina bichocono jiwi antobetsi. Matautano bapon xainyeya pepaebin. Matautano paxan pacui tan xua Jesús exaneiba pia pexeinya peayapus<sub>u</sub>watha po pexeinya peayapus<sub>u</sub>wa Jesús Paxa catatsi. Bapon Nacom Pexanto tatsi, bara yatsicaya compa tatsi pepa Pexanto. <sup>15</sup> Juan yabara paeba, Jesús yabara paebatsi. Juan jeye: “Bara barapon apara pon bayatha yabara paeban xua poxona<sub>e</sub> janje: ‘Pon cotacaya patopa xua xan tsiwana patopan, bapon jame bichocono peainya cuin, beyacaincha xan. Tsipei bapon caena bayatha popona poxona<sub>e</sub> xan aibin xua poxona<sub>e</sub> ab<sub>u</sub> cataunxuae jopa naexanaeinyo’, janje”, jei Juan.

<sup>16</sup> Bapon Jesús naca cata daxita pia peyaputae coyenewan. Jopa juniya amanaya naca catsiyo baxuan, xua pocotsiwa nantawenonatsi j<sub>u</sub>ntema watsita jinompaenexa tsane bapon. <sup>17</sup> Moisés naca cata Nacom pia peitorobi coyenewan tatsi. Baxuan bichocono jopa juniya ayapubeyo. Ichitha Jesucristo, pon “Mesías” baraichi xua pocotsiwa naca cuiduba xua pinae Nacom jopa juniya antobeyo jiwi, xuano xua pocotsiwa naca cuiduba bara baxua yatsicaya pexainyei jume.

18 Dapon aibi pon Nacom petaewatsi. Nacom Pexanto tatsi, pon yatsicaewa compa tatsi bapon naca cana exana xua Nacom wayaputaewatsi, paxa imoxoyo pebaru poponaexaetsi.

*Meje yabara poxona Juan pon jiwi Pebautis-  
abin Jesucristo yabara cueicueijeichi  
(Mt 3.11-12; Mr 1.7-8; Lc 3.15-17)*

19 Judi monae pomonae ena Jerusalén tomaratha barapomonae sacerdotemonae itorobatsi iruru levitamona itorobatsi Juan beya, xua Juan peyainyabinexatsi xua pejeinexatsi: “¿Xam jintamamda?” pejeinexatsi. <sup>20</sup> Juan beta nayabara paeba, jeye:

—Xan Mesías apara aibin, pon Nacom itorobi-caena, pon wanaca capanenebiwa tsane, jei Juan.

<sup>21</sup> Nexata equeicha Juan yainyabatsi, jeichichi:

—¿Metha nexata xam jintamamda? ¿Bara xam bapom pon Nacom peitorobi jume pepaebim pon pewan Elías, pon bayatha tupa? jei barapomonae. Juan jume nota, jeye:

—Xan bapon apara aibin, jei.

Equeicha Juan yainyabatsi, jeichichi:

—¿Nexata jintam metham? ¿Xam bapom pon Nacom peitorobi jume nepaebim pon bewa patope-icaena juinya pata tanecuidubinexa tsane Nacom Pejume Diwesi? jei barapomonae.

Equeicha Juan jume nota, jeye:

—Jume, xan apara aibin dapon, jei Juan.

<sup>22</sup> Nexata daxita barapomonae Juan baraichi, jeye:

—¿Eta pom metham? Tsipei xua pata tanejume notsiwam pata tha xuya tsipaebichi pomonae

pana nejume caitoroba. ¿Etabe pana nejumichim tsane xua jinya coutha nenayabara paebiwam? jei barapomonaē.

<sup>23</sup> Nexata Juan jume nota, jeye:

—Xan bapon aparan pon wawan ichaxota ira xuepana susato tsurucuae nacua beya, xua jan: ‘Patsi naj<sub>nt</sub> cui coyene w<sub>na</sub>ere, pon jiwi pia pepa Pecanamataxeinaeinchi nexa pia pepatopae w<sub>na</sub>eya tsane’, xua jan ponxaein xua wawan ira xuepana susato tsurucuae nacua beya. Bay-atha Isaías pejume diwesitha taneyabara jume cui w<sub>na</sub>e tsiwanaya paebixae pon Nacom peitorobi jume pepaebin, jei Juan.

<sup>24</sup> Daxita pomonaē Juan bar<sub>u</sub> cueicueijeichi, barapomonaē fariseomonaē itoroba. <sup>25</sup> Daxita barapomonaē Juan yainyabatsi, jeichichi:

—Icha xam bapon Mesías aibim xuano xua icha Elías aibim, yawa icha xam bapon aibim pon Nacom peitorobi jume nepaebin, ¿nexata jintam cacui itoroba xua nebautisabiwa jiwi? jei barapomonaē.

<sup>26</sup> Juan jume nota, jeye:

—Xan meratha bautisaban, ichitha ich<sub>u</sub>n beta exanaena beyacaincha xan. Bapon bara bequein painyamonaē pia xantha tatsi popona ichitha bapon jopa payaitaem. <sup>27</sup> Bequein bapon nepuna patopaena, ichitha pocotsiwa bapon exana bichocono ainya cui beyacaincha pocotsiwa exanan. Bichocono pin ura tsita xeinan xua tataxu m<sub>u</sub> isanaxubiwa tsane pia penataxu xatatsiwa tatsi, jei Juan.

<sup>28</sup> Daxita baxuan Juan yainyabatsi ichaxota po tomara pew<sub>n</sub> Betania. Barapo tomara eca

icha pocotsiwa xometo weecoina xua icha mux-unenetha eca Jordán mentha. Barapo mux-unenetha Juan bautisaba jiwi.

*Meje yabara xua poxonae Jesús pon “Cordero”, baraichichi*

<sup>29</sup> Icha mataqueitha Juan tane, Jesús tainchi xua Juan pexainya tarenatsi. Bapoxonae Juan jiwitha jeye: “Incane pataema pon pejunt<sub>u</sub> coyene xeicaein pon Nacom itorobica, pon ‘Cordero’, baraichichi xua oveja pebto pen<sub>u</sub>n. Apra bapon pon jiwi petsit<sub>u</sub>paewa tsainchi xua abe pia peexanae cuiru coyenein tatsi icha poxonae ovejiyo ichi poxonae tsit<sub>u</sub>pa jiwi abe pia peexanae cuiru coyenein tatsi. <sup>30</sup> Bara bapon apra pon bayatha yabara paeban poxonae janje: ‘Pon cotacaya patopa xua xan tsiw<sub>u</sub>na patopan, bapon jame bichocono peainya cuin, beyacaincha xan. Tsipei bapon caena bayatha popona poxonae xan aibin xua poxonae ab<sub>u</sub> cataunxuae jopa naexanaeinyo’, janje. <sup>31</sup> Xan copiyatha jopa yaputaeinyo xua Jesús bapon barapara Mesías, pon icha w<sub>u</sub>n Cristo, pon Nacom itorobica. Ichitha xan patopan tabautisabinexa meratha Israel piamonae susato saineiwi xua barapomonae bapon peyaputaewa tsainchi”, jei Juan.

<sup>32</sup> Juan yawa namchi, jeye: “Poxonae bapon bautisaban bapoxonae tan Nacom pia Pejumope t<sub>u</sub>nax<sub>u</sub> tatsi xua peitaboco weruneica xua be topiboto yaruneica. Barapo Nacom pia Pejumope t<sub>u</sub>nax<sub>u</sub> tatsi, bapon pexantha tapatopatsi. <sup>33</sup> Xan cataunxuae bapoxonae xaniwaicha jopa yaitaeinyo bapon. Ichitha pon xua necui itoroba

xua jiwi bautisaban meratha, nejei bapon: ‘Tae-name tajumope t̃nax̃x̃ xua be topiboto tsecae xua peitaboco weruneica, po tajumope t̃nax̃x̃ bapon pia xantha tapatopatsi. Poxonae baxua tae-name bapoxonae yaputaename xua barapo pebin apara pon jiwi pebautisabiwa tsainchi tajumope t̃nax̃x̃tha. Bapon barompaya pia pebautisabi coyenewa exanaena xua poxonae barapo tajumope t̃nax̃x̃ catsibina pomonaetha pomonae pi- amonaethaxae. Barapoxonae barapo tajumope t̃nax̃x̃ barapomonae yanaba jinompaeinchi’, jei Nacom. <sup>34</sup> Bapoxonae bapon yaitan xua deta cou apara Mesías, yaitama tan xua poxonae bayatha Nacom netsipaeba. Daxota paca tsipaebatsi xua bapon barapara Nacom Pexanto tatsi”, jei Juan jiwitha.

*Meje yabara xua poxonae Jesús itapeta pomonae copiya pomonae Jesús pijimonae tatsi*

<sup>35</sup> Icha mataqueitha equeicha Juan pon jiwi Pe-bautisabin pecoutha patopa xuano xua pebinbe nacueyatabe puna poinchi ponbe xua pia pepuna ponaewichi jiwanabe tatsi. <sup>36</sup> Poxonae Juan tane xua Jesús dawerena ichaxoyo Juan dena, bapoxonae Juan jeye xua Jesús yabara jeichi:

—¡Pataema apara bapon pon ‘Cordero’ baraichi xua oveja pebto peñññ pon Nacom itorobica xua petsit̃paenexa jiwi abe pia peexanae cuiru coyenein tatsi! jei Juan.

<sup>37</sup> Barapo pebinbe ponbe Juan pia pepuna ponaewichi jiwanabe tatsi, baraponbe Juan jume tainchibe xua Juan baxua paeba. Bapoxonae barapo pebinbe Jesús puna poinchibe. <sup>38</sup> Nexata

Jesús napatomeicha necota caibeya yawa tanebe xua barapo pebinbe Jesús puna poinchibe. Bapoxonae baponbe Jesús yainyaba, jeye:

—¿Painya eta xuatsi?

Jesús jume notatsibe baponbe, jeibe:

—Pon jiwi Necuidubim, ¿exota poponame? jeibe.

<sup>39</sup> Jesús jume nota baponbe, jeye:

—Anetha, matha pataema, jei Jesús.

Nexata napuna ponabe yawa natanebe ichaxota Jesús popona. Barapo mataqueitha naecabe ichaxota Jesús popona. Jopa nawiyaebe tsipei xometo tabopiya tsanaichaba.

<sup>40</sup> Ponbe Juan pejume taexaetsibe xuano pepuna ponaexaetsibe Jesús, caein pew<sub>HN</sub> Andrés, Simón Pedro peweicho tatsi. <sup>41</sup> Andrés copiya matha peweicho wenawenei pon pew<sub>HN</sub> Simón. Andrés barai peweicho, jeye:

—Paxan pacaxinan pon pew<sub>HN</sub> Mesías, jei Andrés. (Barapo w<sub>HN</sub> yabara caunuta xua jei “Cristo”, jei.)

<sup>42</sup> Bapoxonae Andrés peweicho capona, Simón capoinchi ichaxota Jesús uncuca. Poxonae Jesús tane xua poxonae Simón tainchi, jeye:

—Xam Simón Juan pexanto tatsim. Ichitha xam anoxuae new<sub>HN</sub> Cefas tsane, barapo w<sub>HN</sub> Cefas w<sub>HN</sub> jei: ‘Iboto’, jei, jei Jesús. Seicaya griego jume w<sub>HN</sub> ‘Pedro’, jei barapo w<sub>HN</sub> ir<sub>U</sub> jei: ‘Iboto’, jei.

*Meje yabara poxonae Jesús Felipe wabatsi, ir<sub>U</sub> Natanael wabatsi*

<sup>43</sup> Bapoxonae icha mataqueitha Jesús ichichipa xua peponaewa Galilea nacua beya. Bapoxonae Jesús, Felipe caxinatsi, yawa jeichichi:



—Nepuna ponde, jei Jesús.

<sup>44</sup> Barapon Felipe Betsaida tomarapin, po tomaratha iru Andrés popona iru Pedro. <sup>45</sup> Nexata Felipe Natanael wenaweneichi, yawa Felipe barai bapon, jeye:

—Pebin pacaxinan, pon bayatha Moisés yabara tsiwanae cui tina pia peitorobi diwesi jume coyenewatha. Matautano pon bayatha iruru Nacom peitorobi jume pepaebiwi yabara tsiwanae cui tina. Bapon apara Jesús, José pexanto tatsi. Bapon Jesús pon Nazaret tomarapin, jei Felipe.

<sup>46</sup> Natanael jeye:

—Dapon pebin pon pejantu coyene xanepanaein Nazaret tomara weya bapana jopa pona. Tsipei daxita barapo tomarapiwi apara peajantucuiruyapubewi, jei Natanael.

Felipe jume barai, jeye:

—Anetha incane matha taema, jei Felipe.

<sup>47</sup> Poxonae Jesús tane xua Natanael imoxoyo caquita pona, Jesús jeye:

—Patopa pebin pepa israelmonaepin, pon jopa jiwi pemuxuitorobin, pon xaniwaicha pejume cowantsin Nacom, jei Jesús.

<sup>48</sup> Nexata Natanael Jesús yainyabatsi. Natanael jeye:

—¿Eta ichim xua taneyaitaewam? jei.

Jesús jume nota, jeye:

—Bayatha catainchi poxonae higuera nae tabacatha uncuame poxonae cataunxuae Felipe jopa cawabiyo, jei Jesús.

<sup>49</sup> Bapoxonae Natanael jume nota, jeye:

—Pon jiwi Necuidubim. ¡Apara xam bara Nacom Pexantom! ¡Apara bara xam Israel nacuamonae itorobiya pia pepa Neewatsim! jei Natanael.

<sup>50</sup> Jesús jume nota, jeye:

—Xam nejume cowantame poxonae xua saya catsipaebatsi xua cacataewatsi higuera naetha. Ichitha bexa necotsiname xua exanaein pocotsiwa pexeinya peitupanae tsita itutsiwan, beyacaincha xua saya aunxuae catsipaebatsi, jei Jesús.

<sup>51</sup> Equeicha Jesús jeye:

—Xaniyan paca tsipaebatsi paxam pataename xua Nacom peitaboco saranaxuicaena. Matautano pataename matatsunpiwi xua jujuneibicaena xote tsique taxantha pia taneyawenaetsi. Matautano pataename xua equeicha caibe jujuneibiyaena taxainya weicha, ponxaein Nacom Tananeitapetsin, jei Jesús.

## 2

*Mejeyabara poxonae jiwi tsinacaetuta pexaewa Caná tomaratha xua penabanaenexa xua poxonae pebin pita pecotsiwa*

<sup>1</sup> Poxonae acoibi po matabibe yapucaewa, baroxonae irurur pexaewa tsinacaetuta Caná tomaratha xua Galilea nacuatha xua pebin pecotsiwa pepichixae. Jesús pena tatsi irur baxota natane pewabixaetsi. <sup>2</sup> Irur Jesús wabatsi, irur pijimonae tatsi wabatsi xua penaponaewa tsane barapo pexaewa petsinacaetutsiwatha xua poxonae pebin pecotsiwa pita. <sup>3</sup> Vino mera omeicha mene weranapenta tsipei daxita jiwi apa. Daxota Jesús pena baraichi, jeye:

—Nama equeicha ameneibi vino mera omeicha mene weranapenta, jei Jesús pena tatsi.

<sup>4</sup> Jesús jume nota, jeye:

—Ena, ab<sub>u</sub> bexab<sub>u</sub> ab<sub>u</sub> jopa yabara neyainyabinde baxua. Canta daxua aichica xua petsita itubiwa taexanaewa, jei Jesús.

<sup>5</sup> Bapoxonae barapowa barai pomonaetha pomonae pexaewa carena tsaibi, jeye:

—Moya paexande xua pocotsiwa bapon paca itoroba, jei barapowa.

<sup>6</sup> Baxota iratha ena seis po juruwatobe sayawan. Barapo pin juruwaton barompaya cae juruwatontha tsiniya cincuenta po mera bosib<sub>u</sub> matab<sub>u</sub>x<sub>u</sub>yobe tutu cana<sub>u</sub>pa. Icha juruwatontha tsiniya setenta po mera bosib<sub>u</sub> matab<sub>u</sub>x<sub>u</sub>yobe tutu cana<sub>u</sub>pa. Barapo juruwatontha ba judiomonae mene yaebeiba xua barapo merantha penacobe quiateibinexa xua daxota jopa Nacom petsita naj<sub>u</sub>nt<sub>u</sub> coyene taxobeibinexatsi. <sup>7</sup> Pomonae pexaewa carena tsaibi barapomonae Jesús barai, jeye:

—Barapo saya juruwatontha paw<sub>u</sub>n<sub>u</sub>bare mera, jei.

Bapoxonae barapomonae barapo juruwaton w<sub>u</sub>n<sub>u</sub>ba. <sup>8</sup> Bapoxonae Jesús barai, jeye:

—Anoxuae barapo juruwaton tsiwixi pajiwana mene wenore xua po mera equeicha vino mera exanan. Pacaponare pontha pexaewa mata canabane, jei Jesús.

Daxota barapomonae bara baxua exana xua Jesús peitorobixae. <sup>9</sup> Pon mata canabane pexaewa, bapon mene pana barapo vino mera, po vino mera copiya saya mera. Ichitha bapon jopa

yabara yaputaeyo xua barapo vino mera xua eta werena metha mene capona. Saya meisa pomonae mene eepacapona barapo juruwatontha barapomonae yaputane xua barapo juruwatontha jiwana mene nota xua po mera vino mera naexana. Bapoxonae pon mata canabane pexaewa waba, pon pecotsiwa pita bapon wabatsi.  
<sup>10</sup> Bapon barai, pon pecotsiwa pita baraichi, jeye:

—Daxita jiwi ba poxonae aena copiya matha apata po vino mera mene xeica. Poxonae jiwi ba wenaxuba po vino mera xeica, bapoxonae ba barapo jiwi ba equeicha apatatsi po vino mera be conotha xaexaeca. Ichitha nama xam icha coyene exaname. Po vino mera be conotha mene xaexaeca matha copiya apatame jiwi barapo vino mera. Poxonae barapo vino mera jiwi wenaxuba po vino mera be conotha mene xaexaeca bapoxonae apatame po vino mera bichocono xeica, jei bapon.

<sup>11</sup> Baxua xua Jesús exana Caná tomaratha xua Galilea nacuatha. Barapo pexeinya petsita itatsi coyenewa poxonae xua aena copiya matha exana pia peayapuswatha. Poxonae baxua Jesús pijimonae cui tainchi, Jesús jume cowantatsi pijimonae.

<sup>12</sup> Poxonae baxua pexaewa najain weta bapoxonae Jesús pona Capernaum tomara beya. Bapon pena baru pona yawa peweicho jiwi baru pona, mataantano pijimonae baru pona. Baxota Capernaum tomaratha daxita Jesusbaru be caentacabiyobe ena.

*Meje yabara poxonae Jesús aisowa benapuna*

*torobabiya pomonae Nacom pin pia botha pecae-naetsiwi*

*(Mt 21.12-13; Mr 11.15-18; Lc 19.45-46)*

<sup>13</sup> Tsipei poxoru imoxoyo barapo maticabi tsaneba xua Pascua wun maticabin daxota Jesusbaru Jerusalén tomara beya pona. Barapo Pascua wun maticabin, po maticabin poxonae judiomonae yabara nanta xeina xua pinae caena bayatha pia pamo susato jiwi tatsi panenebiya Egipto nacua weya. <sup>14</sup> Baxota Jesús caxina Nacom pin pia botha pomonae baxota caenaeta buey duweimonae, yawa ovejamonaeno yawa topibomonae caenaetano. Matautano Jesús tane xua pomonae ena pexaethopaewantha ichaxota paratixi nantiya nacatsiba jiwi. <sup>15</sup> Poxonae Jesús tane barapomonae, Jesús bapoxonae exana xua pocotsiwa xota cuainta xua duwein perumato. Daxita barapomonae Jesús Nacom pin pia bo wenapuna torobabiya. Yawano Jesús muxuna itaweta xua barapomonae piawanxae, bueymonaeno, ovejamonaeno. Pomonae xua ena pexaethopaewantha xua ichaxota nantiya nacatsiba paratixi Jesús iratha tabebai paratixi, yawa irabe tayebabareca torobabiya pexaethopaewan. <sup>16</sup> Pomonae baxota caenaeta topibo, Jesús barai barapomonae, jeye:

—¡Daxita baxuan panore barapo Nacom pin pia bo weya pocotsiwan pacaenaetame! ¡Barapo Nacom pin pia bo jopa pacana exanaeinde xua be pocotsi bo jiwi ichaxota caenaeta pexaewa! ¡ei Jesús.

<sup>17</sup> Bapoxonae Jesús pijimonae tatsi yabara jume cui nanta xeinarucpa xua Nacom Pejume Diwe-

sitha namchi xua Cristo yabara jeichichi xua jeye: “Yabara nejunt<sub>u</sub> coyene y<sub>u</sub>ca xua yabara nanta xeinan xua pocotsiwa Taxa pia pin pia botha tatsi xeina. Daxota jiwi necaseba”, jei Nacom Pejume Diwesitha xua Cristo yabara paebatsi.

<sup>18</sup> Nexata judiomonae Jesús yainyabatsi, jeye:

—¿Eta po pexeinya petsita it<sub>u</sub>t<sub>u</sub>tsi coyenewa pana netsita it<sub>u</sub>t<sub>u</sub>siname? Bapoxonae xain payaputaen xua bara cou xam deta xeiname Nacom pia peitorobi coyenewa tatsi xua daxota jiwi cui itawetame Nacom pin pia bo tatsi weya, jei.

<sup>19</sup> Jesús jume nota, jeye:

—Icha barapo bo weraweraca paexanaename, equeicha acoibi po matabibetha beta caewa xanebin, jei Jesús.

<sup>20</sup> Nexata barapo judiomonae Jesús tsipaebatsi, jeye:

—Jiwi barapo Nacom pin pia bo tatsi acaba ainya wei, cuarenta y seis po weibetha nacobe weta. ¿Eta pocotsiwa baxua paebame xua jinya saya acoibi po matabibetha equeicha w<sub>u</sub>nae exanaetsi? jei judiomonae.

<sup>21</sup> Po bo xua Jesús yabara paeba apara xua nayabara paeba pia pepon. <sup>22</sup> Daxota poxonae Jesús equeicha as<sub>u</sub> juina pet<sub>u</sub>pae cuariyatha Jesús pijimonae yabara jume cui nanta xeinatsi xua bayatha Jesús paeba. Daxota jume cow<sub>u</sub>nta Nacom Pejume Diwesi. Yawano Jesús jume cow<sub>u</sub>ntatsi pocotsiwa xua paeba.

*Meje yabara xua po coyene Jesús daxita j<sub>u</sub>nt<sub>u</sub>  
coyene yaputane jiwi*

<sup>23</sup> Poxonae Jesús Jerusalén tomaratha popona xua Pascua w<sub>h</sub>n matabintha bapoxonae pin bicheitomonae Jesús jume cow<sub>h</sub>ntatsi. Daxota barapo bicheiton jume cow<sub>h</sub>nta tsipei tane Jesús pia pexeinya petsita it<sub>h</sub>tsi coyenewan tatsi. <sup>24</sup> Jesús jopa yabara jume cow<sub>h</sub>ntsiyo barapomonae bequein jume cow<sub>h</sub>ntatsi taetha. Tsipei Jesús daxita j<sub>h</sub>nt<sub>h</sub> coyene yaputane jiwi xua ainya j<sub>h</sub>nt<sub>h</sub> coyene pexeinaewa. <sup>25</sup> Daxota jopa nantawenonaeyo xua ichamonae Jesús petsipaebiwatsi icha jiwi yabara. Tsipei bapon Jesús daxita j<sub>h</sub>nt<sub>h</sub> coyenein yaputane jiwi.

### 3

*Meje yabara poxonae Nicodemo Jesús tsipae-batsi*

<sup>1</sup> Ir<sub>h</sub>h<sub>h</sub> pebin popona pon fariseomonaepin, pon pew<sub>h</sub>n Nicodemo. Bapon judiomonae canamataxeinatsi. <sup>2</sup> Bapon Nicodemo merawi Jesús siwa poinchi, yawa Jesús jeichichi:

—Pon jiwi Necuidubim, bara paxan payaputan xua Nacom caitoroba xua jinya pata tanecuidubiwam tsane. Tsipei ich<sub>h</sub>n jopa itac<sub>h</sub>paetsi xua pexeinya petsita it<sub>h</sub>tsi coyenewan peexanaewa Nacom pia peayapus<sub>h</sub>watha tatsi icha Nacom jopa yantsiyo bapon icha be xua poxonae ichim poxonae xua exaname Nacom necayantsixae, jei Nicodemo.

<sup>3</sup> Nexata Jesús Nicodemo jume notatsi, Jesús jeye:

—Xaniyan catsi paebatsi. Pon equeicha jopa caewa naexanaeyo xua pena jiton penaexanaenexa, bapon jopa itac<sub>h</sub>paetsi xua

Nacom piamonae tatsi penaexanaewa pomonae  
Nacom itorobiya peewatsixae, jei Jesús.

<sup>4</sup> Nicodemo Jesús jume epa notsiya yainyabatsi.  
Nicodemo jeye:

—¿Eta bichi xua pebin pon bayatha pinyo xua  
equeicha caewa pena jiton naexana? ¿Metha bara  
itacɥpatsi xua pena equeicha tsiperɥ wepatopa  
xua equeicha caewa penaexanaenexa pena jiton?  
jei Nicodemo.

<sup>5</sup> Jesús jume nota, jeye:

—Xaniyan catsipaebatsi. Pon meratha jopa  
bautisabichi xuano xua icha jopa xeinaeyo Na-  
com pia Pejumope tɥnaxɥ tatsi po jumope tɥnaxɥ  
bapon icha jɥntɥ coyene xeina pecana exanaenex-  
atsi, bapon jopa itacɥpaetsi xua Nacom piamonae  
tatsi penaexanaewa pomonae Nacom itorobiya  
peewatsixae. <sup>6</sup> Pomonae pena jiwi tsiperɥ we-  
naexana bara jiwi coyeneya yacuiya naexana.  
Pomonae naexana Nacom piamonae tatsi bara-  
pomonae Nacom pia Pejumope tɥnaxɥ tatsi cana  
exana xua barapomonae pexeinaewa icha jɥntɥ  
coyene. Barapomonae yacuiya naexana Na-  
com piamonae tatsi tsipei exana pocotsiwa Na-  
com pia Pejumope tɥnaxɥ tatsi itoroba. <sup>7</sup> Jopa  
najɥntɥ coyene cabenaecaeinde xua tacatsipaebi-  
watsi xua tacajeiwatsi: ‘Daxita jiwi bewa pena  
jiwi naexanae equeicha’, tacajeichiwatsi xua.  
<sup>8</sup> Joibo ba pona ichaxota ichichipa peponaewa.  
Joibo busi taneme, ichitha jopa yaputaem xua  
ichaxota weponarena, yawa jopa yaputaem xua  
xota ponaena. Icha jiwi ichi xua jopa taeyo joibo  
ichitha tane xua joibo bubujei barichi jiwi jopa  
taeyo Nacom pia Pejumope tɥnaxɥ tatsi. Saya jiwi



yaputane xua icha jiwi jantũ coyene xeica cana ex-  
ainchi barapo Nacom pia Pejumope tũnaxũ tatsi,  
jei Jesús.

<sup>9</sup> Nexata Nicodemo equeicha Jesús yainyabatsi,  
jeye:

—¿Eta metha bichi Nacom pia Pejumope tũnaxũ  
tatsi? jei Nicodemo.

<sup>10</sup> Jesús jume barai, Nicodemo jume baraichi,  
Jesús jeye:

—Xam pon daxita neyaputaen israelmonae  
pexantha tatsi yawa pon jiwi necuidubim bara-  
pomona pexantha tatsi. Bequein barapo jitom  
ichitha jopa baxua yabara yaputaem xua tacat-  
sipaebiwatsi. <sup>11</sup> Xaniyan catsipaebatsi xua pax-  
anbe, Juan, pon jiwi Pebautisabin, irũ xan Jesús  
paca tsipaebatsi xua pocotsiwan payaputanbe.  
Mataũtano paxanbe bara yatsicaewa pata pae-  
binbe xua patanbe bayatha. Ichitha paxam  
pomona judiomona pam jopa yabara pana ne-  
jume cowantsim pocotsiwa paxanbe paca tsi-  
paebatsi. <sup>12</sup> Icha jopa pana nejume cowantsim  
pocotsiwan xua barapo cae pin nacuathe yabare  
paca tsipaebatsi bara paichim jopa pana nejume  
cowantsipaem icha yabara paca tsipaebichipatsi  
pocotsiwan Nacom pia peitorobi nacua beicha  
tatsi.

<sup>13</sup> “Dapon aibi pon peitaboco beicha pona  
Nacom beicha xua equeicha caewa patopeica  
bara wetsica. Daxota jiwi jopa yabara yaputaeyo  
Nacom pia peitorobi nacua beicha tatsi. Saya  
meisa jame xan ponxaein Nacom Tananeitapetsin  
patopeican tanacua wetsica daxota yabara  
yaputan Nacom pia peitorobi nacua beicha

tatsi. <sup>14-15</sup> Caena bayatha ira xuepana susato tsurucuae nacuatha, pinmonae werapa poxoru jomon sinebatsi. Daxota Moisés penainto asiya duta xua be jomo canaxobiya exana. Pomonae jomon sinebatsi, poxonae barapomonae tane barapo penain jomo, bapoxonae jopa werapaeyo. Icha Moisés ichi bara neichi tsane jiwi. Xan ponxaein Nacom Tananeitapetsin, ichamonae asiya naetotha t̄parucua neexanaena. Barichi tsane pomonae yabara nejume cowantsina po coyene xua xan naetotha tatsit̄paewa tsane xua barapomonae abe pia peexanae cuiru coyenein tatsi, barapomonae jopa weraweracae tsane. Barapomonae xeinaena peaj̄nt̄yapusuwa, po peaj̄nt̄yapusuwa ataya tsiteca”, jei Jesús.

*Meje yabara xua Nacom daxita jiwi bichocono antobetsi barapo cae pin nacuathe*

<sup>16</sup> Equeicha Jesús nayabara paeba poxonae Nicodemo tsipaebatsi. Jesús jeye: “Nacom antobe bichocono daxita carepaya jiwi xua barapo cae pin nacuathe. Daxota Nacom Pexanto itoroba pon yatsicaya compa tatsi. Pon Nacom Pexanto tatsi jume cowantatsi, bapon jopa weraweracae tsane. Bapon peaj̄nt̄yapusuwa xeinaena, po peaj̄nt̄yapusuwa ataya tsiteca. <sup>17</sup> Nacom Pexanto jopa itorobicaeyo xua saya barapo cae pin nacuepiwi atene peexanaenexatsi xua penatsicuentisixae xua abe peexanaexae Nacomtha. Saya apara jame Nacom Pexanto itorobica xua jiwi pecapanenebiyaenexatsi penatsicuentisiwa weya.

18 “Pon Nacom Pexanto tatsi yabara jume cowantsi, bapon jopa Nacom tsitatsi xua atene peexanaewa tsainchi xua penatsicuentsexae xua abe peexanaexae Nacomtha. Ichitha nama pon Nacom Pexanto tatsi jopa yabara jume cowantsichi bapon Nacom bayatha tsitatsi xua atene peexanaewatsi tsainchi xua penatsicuentsexae jopa peyabara jume cowantsixaetsi Nacom Pexanto tatsi, pon bara compa. 19 Pomonae jopa Nacom Pexanto tatsi yabara jume cowantichi, barapomonae Nacom bayatha tsitatsi xua atene peexanaewatsi xua penatsicuentsexae xua abe peexanae cuiru coyenein peexanaexae. Tsipei poxonae Nacom Pexanto tatsi patopeica po cae pin nacuathe tsique, barapomonae ichichipa exana abe peexanaewan beyacaincha xua peexanaewa pocotsiwa Nacom itoroba. 20 Tsipei daxita pomonae abe peexanaewi barapomonae Nacom Pexanto tatsi aichaxaibichi daxota jopa imoxoyo caquita ponaetsi bapon. Barapomonae jopa ichipaeyo xua peyaputaewatsi, xua Nacom Pexanto tatsi peyaputaewa xua pocotsiwa barapomonae abe exana. 21 Ichitha pomonae pejume cowantsiwi, pomonae yatsicaewa beta xanepanaya exana, barapomonae Nacom Pexanto tatsi imoxoyo caquita poinchi. Tsipei barapomonae ichichipa xua peyaputaewatsi xua Nacom Pexanto tatsi peyaputaewa tsane xua pocotsiwa barapomonae wnae peexanaexae, xua pocotsiwa Nacom peitorobixae”, jei Jesús Nicodemotha poxonae nayabara paeba.

*Meje yabara poxonae Juan pon jiwi Pebautis-  
abin equeicha Jesús yabara cueicueijeichi*

<sup>22</sup> Poxonae Jesús najume weta xua poxonae Nicodemo tsipaebatsi, bapoxonae pirapae Jesús pijimonae bar<sub>u</sub> pona Judea nacua beya. Barapo nacuatha Jesús ainya matakabintha pijimonae bar<sub>u</sub> popona. Matautano baxota Jesús pijimonae cui itoroba xua jiwi pebautisabiwa tsainchi.

<sup>23</sup> Ir<sub>u</sub> Juan bautisaba jiwi Enón tomaratha, po tomara eca ichaxota imoxoyo po tomara pew<sub>u</sub>n Salim. Tsipei baxota menein nawita. Pinmonae Juan itata patatsi, yawa Juan bautisaba barapomonae. <sup>24</sup> Juan baxua pew<sub>u</sub>naeya exana xua poxonae jiwi pec<sub>u</sub>bi botha etatsi.

<sup>25</sup> Bapoxonae pomonae Juan pia pepuna jinom-paewichi tatsi ir<sub>u</sub> judiomonaeno, barapomonae yabara bar<sub>u</sub> najume matsontsonobatsi pebautisabi coyenewa. <sup>26</sup> Barapomonae Juan siwa poinchi xua Juan yabara peyainyabinexa tsainchi baxua. Jeye Juantha:

—Pon jiwi Necuidubim, incane matha taema. Pon caniwi cabar<sub>u</sub> popona Jordán mentha xua icha muxunene beya, pon bayatha yabara pana netsipaebame, bapon nama anoxuae bautisabauya jiwi yawa bapon puna poinchi daxita jiwi, jei Juan pijimonae tatsi xua Jesús yabara paebatsi.

<sup>27</sup> Nexata Juan barai barapomonae, jeye:

—Jiwi ba jopa xeinaeyo icha Nacom jopa cat-siyo. <sup>28</sup> Paxam bara yatsicaewa pana nejume taneme xua paca jeichi: ‘Xan dapon aibin Mesías’, jan. ‘Apara bapon pia pew<sub>u</sub>naeya tatsi Nacom

neitoroba', jan. <sup>29</sup> Poxonae ba pebin pecotsiwa pita bapon pona yabꞑyo pia botha tatsi. Pon piowa pepichixae bapon pia jiton tatsi bichocono jꞑntꞑ coyene weiweina xua bapon piowa pepichixae poxonae jume taeuncua xua pia jiton tatsi piowa pita. Icha pebin cana ichichi pia jiton, bara jꞑta ichin Jesucristoꞑa anoxuae. Bichocono jꞑntꞑ coyene weiweinan tsipei daxita jiwi Mesías puna poinchi. <sup>30</sup> Bapon bewa mataropeicha ainya cui naexanaponae jiwi peitꞑtha tatsi. Xan bewa jopa ainya cui naexanaponaein tsane jiwi peitꞑtha tatsi, jei Juan.

*Meje yabara poxonae Juan yabara paeba pon peitaboco wetsica pona*

<sup>31</sup> Equeicha Juan piamonae barai, jeye:

—Pon peitaboco wetsica pona, bapon jame bichocono peyaputaein beyacaincha xua ichamonae. Pon xua po irathepin bapon apara saya jiton. Bapon saya yabara cueicueijejꞑ pocotsiwa po irathe yabara. Ichitha pon peitaboco wetsica pona, bapon daxita canamataxeina. <sup>32</sup> Bapon bequein jiwi yabara tsipaebatsi pocotsiwa xua bayatha tane peitabocotha, xuano xua pocotsiwa bayatha jume tane peitabocotha, ichitha jiwi jopa jume cowꞑntsiyo pocotsiwa bapon paeba. <sup>33</sup> Icha pebin jume cowꞑnta pocotsiwa paeba pon peitaboco wetsica peponaexae xua Nacom yabara paebatsi, barapon tsita itapeinya xeina ichamonaetha, xua apara Nacom bara xaniwaicha pepaebin. <sup>34</sup> Pon xua Nacom itoroba bara bapon cueicueijejꞑ Nacom pejumein tatsi, tsipei Nacom jopa juniya nacana

jumope t̄nax̄u catsiyo xua bapon peyawenaewa tsainchi. <sup>35</sup> Nacom bichocono antobe Pexanto. Pexanto cata peayapus̄u itorobi coyenewa xua bapon daxitan pecanamataxeinaewa tsane. <sup>36</sup> Pon Nacom Pexanto tatsi yabara jume cow̄ntinchi, bapon peaj̄nt̄yapus̄uwa xeinaena, po peaj̄nt̄yapus̄uwa jopa bapana weraweracaeyo. Ichitha pon Nacom Pexanto tatsi jopa yabara jume cow̄ntichi, bapon jopa xeinae tsane barapo peaj̄nt̄yapus̄uwa. Nama bapon Nacom cana exanaena xua bapon bichocono atene peexanaewa tsainchi, jei Juan.

## 4

### *Meje yabara poxonae Jesús tsipaeba powayo Samaria nacuapiwayo*

<sup>1</sup> Jesús jume tane xua jiwi tsipaeba fariseomonaetha xua jeye: “Jesús pinmonae xeina, pomonae pia pepuna ponaewichi. Jesús toxechiya jopa juniya bautisabiyo jiwi beyacaincha xua poxonae Juan bautisaba jiwi”, jei jiwi fariseomonaetha. <sup>2</sup> (Daumetha Jesús apara jopa bautisabiyo. Apara jame Jesús pijimonaetha tatsi bautisaba jiwi.) <sup>3</sup> Poxonae Jesús jume yaputane xua jiwi paeba fariseomonaetha, bapoxonae Jesús pijimonaetha Judea nacua webar̄u warapiya. Caibeya warapa Galilea nacua beya.

<sup>4</sup> Poxonae warapa Galilea nacua beya bewa ponaena ichaxoyo Samaria nacua iya, tsipei namto baxoyo ducuiya. <sup>5</sup> Bapoxonae Jesús pijimonaetha bar̄u patopa Sicar tomaratha, po tomara eca Samaria nacua. Barapo tomara, Sicar tomara eca ichaxota imoxoyo po iriyo

caena bayatha Jacob pexanto cata. Barapo Jacob pexanto tatsi pew<sub>h</sub>n José. Jacob ir<sub>h</sub> pexanto tatsi caena bayatha t<sub>h</sub>pabe. <sup>6</sup> Barapo iriyotha mene m<sub>h</sub>th<sub>h</sub> eca, barapo mene m<sub>h</sub>th<sub>h</sub> pew<sub>h</sub>n, “Jacob pia m<sub>h</sub>th<sub>h</sub>”, jei. Tsipei Jesús natsepapona namto dena, tsipei taj<sub>h</sub> werena pona, daxota barapo mene m<sub>h</sub>th<sub>h</sub> m<sub>h</sub>x<sub>h</sub>b<sub>h</sub>r<sub>h</sub>utha ecora. Matautano bapoxonae mateinyaxae tsuxubi ir<sub>h</sub>. <sup>7-8</sup> Ir<sub>h</sub> bapoxonae Jesús pijimonae tatsi tomara be-iyiya pecomocaenexa pexaewa. Barapomonae pecoutha tatsi yab<sub>h</sub>yo Samaria nacuapiwayo patopa ichaxota Jesús po mene m<sub>h</sub>th<sub>h</sub> m<sub>h</sub>x<sub>h</sub>b<sub>h</sub>r<sub>h</sub>utha eca. Jesús barai bapowa, jeye:

—Mera necare, jei Jesús.

<sup>9</sup> Bapoxonae barapo Samaria nacuamonaepiwayo Jesús jume notatsi. Barapowa jeye:

—¿Eta pocotsiwa metha mera nebar<sub>h</sub> ununame? Apra judiomonaepim ir<sub>h</sub> xan apra Samaria nacuamonaewayon, jei.

Barapowa baxua paeba tsipei judiomonae ir<sub>h</sub> Samaria nacuamonae daxita barapomonae jopa naita coxonaeyo. <sup>10</sup> Nexata Jesús jume nota, jeye:

—Icha xam yaputaetsipame xua pocotsiwa Nacom cata jiwitha, yawa icha neyaputaetsipame pon aunxuaein mera caw<sub>h</sub>catsi, bapoxonae jame new<sub>h</sub>caetsipame mera, xua icha mera, po mera jiwí peaj<sub>h</sub>nt<sub>h</sub>yap<sub>h</sub>us<sub>h</sub>wa xeina cana exainchi, po peaj<sub>h</sub>nt<sub>h</sub>yap<sub>h</sub>us<sub>h</sub>wa jopa bapana weraweracaeyo, jei Jesús.

<sup>11</sup> Bapowa Jesús jume notatsi, jeye:

—Pon jiwí Necanamataxeinaem, apra jopa xeinaem xua xota mene capatame. Yawa po mene

m̄the apara taja deca. ¿Jinya exota po mene boca inta mene capitichi, po mera jiwi ajuntayapus̄ exainchi? <sup>12</sup> Barapon Jacob pata tamo susatopin pana cata barapo mene m̄th̄. Bapon barapo mene m̄th̄ mene capaneiba peapeibinexa, ir̄ pia pexui tatsi mene capaneiba xua peapeibinexa, matautano mene capaneiba peapateibinexa pia duweimonaein. ¿Metha bara Jacob toxeincha ainya cuim, beyacaincha bapon? jei bapowa.

<sup>13</sup> Jesús jume nota, jeye:

—Daxita pomonae xua po mene m̄th̄the mene capaneiba xua peapeibinexa equeicha meratsipouneibina. <sup>14</sup> Ichitha pon apa xua po mera catan, bapon equeicha jopa caewa meratsipae tsane. Barapo mera icha ira b̄pana mene ichi xua epatoya mene jujuina poxoru bichocono ira b̄x̄pana mene naȳca. Barichi po coyene xua cacatinchi barapo coyene cajunt̄ coyene ȳca cacana exanaena, bapoxonae xeinaename peajunt̄yapus̄wa, po peajunt̄yapus̄wa xua ataya tsiteca, jei Jesús.

<sup>15</sup> Nexata bapowa Jesús jume notatsi, bapowa jeye:

—Pon jiwi Necanamataxeinaem, dapo mera necare xua jopa caewa tameratsipouneibiwa tsane yawa xua equeicha po mene m̄th̄the jopa tapateibiwa tsane xua mera tacapanathopeibinexa, jei barapowa.

<sup>16</sup> Jesús jume nota, jeye:

—Moya matha iyande, matha jinseuri wabare. Nexata bapoxonae xote papatoparebe, jei Jesús.

<sup>17</sup> Bapowa jume nota, Jesús jume notatsi, jeye:

—Taseuri apara jopa xeinaeinyo, jei.



Nexata Jesús jume barai, jeye:

—Bara xainyeya paebame poxonae jam, ‘Taseuri jopa xeinaeinyo’, jam. <sup>18</sup> Tsipei caena bayatha cinco poyobe pebiwi punaxubame. Pon xua anoxuae bar<sub>u</sub> poponame, apara jinseuri aibi. Poxonae paebame baxua bara xainyeya paebame, bara jopa naerabim, jei Jesús.

<sup>19</sup> Barapowa poxonae Jesús baxua jume tainchi barapowa jeye:

—Pon jiwi Necanamataxeinaem, bara catainchi xua xam apara pon Nacom peitorobi jume nepaebim. <sup>20</sup> Pata tamo susato jiwi, Samaria nacua-monaepiwi, barapomonae w<sub>u</sub>nae jainteiba Nacom xote po demxuwathe. Ichitha paxam judiomonae pam, papaebame xua pinae bewa jiwi w<sub>u</sub>nae jainteibina Nacom bom<sub>u</sub>x<sub>u</sub>tha po bo uncua Jerusalén tomaratha po bo Nacom pin pia bo tatsi, jei barapowa.

<sup>21</sup> Jesús jume nota, jeye:

—Yab<sub>u</sub>yo moya yabara nejume cow<sub>u</sub>nde xua tacatsipaebiwatsi. Tsipei barapo matabi imoxoyo patopaena, po mataqueitha xua w<sub>u</sub>nae pajainteibiname Nacom. Nama jopa painya nenantawenonaewam tsane xua painya neponaewa, po demxuwathe yawa Jerusalén tomara beya xua w<sub>u</sub>nae painya nejainteibiwa tsane Nacom. <sup>22</sup> Paxam Samaria nacua-monaepiwi, jopa payaputaem pon w<sub>u</sub>nae pajainteibame. Paxan nama judiomonae pan payaputan pon w<sub>u</sub>nae pajainteiban, tsipei pon pecapanenebiyaein jiwi apara bapon judiomonae jiwanapin. <sup>23</sup> Ichitha anoxuae nama patopa po mataqueitha poxonae pomonae xaniwaicha

wɛnae pejainchiwa Nacom, barapomonaе icha coyene cuitha Nacom wɛnae jaintinchi, xua barapomonaе pia Paxaxae tatsi. Barapomonaе xaniwaicha pia pejɛntɛ coyenewatha wɛnae jainchina Nacom. Tsipei Nacom baxua ichichipa xua wɛnae pejainchiwatsi xua jiwi wɛnae pejainchiwa pejɛntɛ coyenewatha. <sup>24</sup> Nacom pejɛntɛ coyene xanepanaein pon peinya jumopein. Daxota pomonaе Nacom wɛnae pejainchiwatsi, barapomonaе bewa xaniwaicha pejɛntɛ coyenewatha wɛnae jainchina Nacom, jei Jesús.

<sup>25</sup> Barapowa jume nota, jeye:

—Yaputan xua patopeicaena pon pewɛn Mesías, (xua pon icha wɛn “Cristo” baraichi). Poxonaе bapon patopeicaena daxita yabaran pana necuidubina, jei bapowa.

<sup>26</sup> Jesús jume nota, jeye:

—Apara xan bapon, pon aunxuaein catsipae-batsi, jei Jesús.

<sup>27</sup> Bapoxonaе equeicha Jesús pijimonaе tatsi pata. Daxita barapomonaе yabara najɛntɛ cui coyene cabenaeca xua Jesús tsipaeba Samaria nacuamonaewayo. Ichitha dapon aibi xua pon pejeiwa Jesustha, “¿Eta xua metha jinya xuatsi? ¿Eta pocotsiwa metha bapowa tsipaebame?” xua pon pejeiwa. <sup>28</sup> Nexata bapowa juruwato cuenta iya tomara be-iya, nainya yacuinaya iya. Bapowa jiwi tsipaeba, jeye:

<sup>29</sup> —Anetha, pataema pebin ichaxota mɛthɛ mene. Bapon yabara netsipaeba daxita pocotsiwa bayatha caena exanan. ¡Apara bapon metha Mesías! jei bapowa.

<sup>30</sup> Bapoxonae jiwí tomara we-iyiya peponaenexa ichaxota Jesús popona. <sup>31</sup> Irurú Jesús pijimonae jume daunweya baraichichi, jeye:

—Pon Patatanecuidubim, matha xaema, je-ichichi pijimonae.

<sup>32</sup> Jesús jume barai pijimonae, jeye:

—Xan xeinan pexaewa, po pexaewa jopa paya-putaem, jei Jesús.

<sup>33</sup> Jesús pijimonaexae tatsi nexata bara cae-monae nayainyaba, jeye:

—¿Metha bara ichun Jesús apatatsi pexaewa? na-jei barapomonae.

<sup>34</sup> Ichitha Jesús pijimonae jume barai, jeye:

—Icha pebin ichi xua bewa nabanaena, barichin xan bewa exanaein pocotsiwa Nacom ichichipa pocotsiwa bapon tana necui itorobixae. Matautano bewa nacui wetsin Nacom pia penacuichiwa tatsi xua tana neitorobixae. Daxota xua bapoxonae tanejuntú coyene yucaewa tsane be poxonae pebin xua pexaewa una tonsana. <sup>35</sup> Paxam ba pajam: ‘Abú cataunxuae cuatro po xometobe yapu seica pabitha xua pexaewa penawetsiwa tsane’, ba pajam. Ichitha nama paca jeichi: ‘Pataema bayatha pexaewa naweta xua pabitha’, paca jeichichi. Barapocotsi jüta coyeneya paca jeichi: ‘Jiwí barapo cae pin nacuathe bayatha najuntú cui coyene wunaetaba xua pejume taenexa Nacom Pejume Diwesi xua pejume cowantsinexa’, paca jeichi.

<sup>36</sup> Catsibin pomonae tamonaexae pocotsiwa xua pematomatsiwa xua inta ichamonae peyawenaexaetsi xua irurú be tamonae jiwí

penaexanaenexa. Pomonae nejume cowanta barapomonae catsibin peajantayarusɥwa, po peajantayarusɥwa jopa weraweracayo. Tsipei pomonae tajume diwesi pecueicueijeiji copiya xuano irɥ pomonae tajume diwesi cotacaya xuya yaputane cana exana xua daxota jiwi nejume cowanta, daxita barapomonae matabɥɥyobe nabaɥ jɥntɥ coyene weiweina xua ichamonae nejume cowanta pecana exanaexaetsi. <sup>37</sup> Tsipei po diwesiyo xua tsica diwesiyo, po diwesiyo yabara canaɥta jɥtsiya pepaebiwa bara apara xaniwaicha, po diwesiyo xua ba jeye: ‘Ichɥn ɥba, irɥ ichɥn xuya jota poxonae naweta’, xua jei po diwesiyo. <sup>38</sup> Paca itorobatsi xua inta payawename jiwi xua tajiwimonae penaexanaenexa xua po coyene jopa pacata ayapubeyo xua poxonae paexaname baxua. Baxua paexanaename bequein bara jopa dapomonae pam pocotsimonae copiya tajume diwesi paeba barapo jiwitha. Jame paxam apara barapomonae pam, xua xuya cotacaya yaputane pacana exaname barapo tajiwimonae. Baraxua icha be poxonae ichi poxonae ichɥn xuya jota cotacaya poxonae ichɥn copiya ɥba, jei Jesús.

<sup>39</sup> Bapoxonae pin bicheitomonaе pomonae barapo tomaratha jinompa xua Samaria nacuatha, Jesús jume cowantatsi, tsipei barapo petsiriwa pejeixae: “Bapon Jesús yabara netsipaeba daxita pocotsiwa bayatha caena exanan”, jei. <sup>40</sup> Poxonae barapo Samaria nacuapiwi Jestustha pata, bapoxonae Jesús jume daunweya jeichichi: “Pana barɥ ecare pata tomaratha”, jeichichi. Daxota

Jesús ainya matabibibe naeca barapo tomaratha. <sup>41</sup> Bichocono pinmonae Jesús jume cowantaponatsi poxonae jume tane xua Jesús paeba. <sup>42</sup> Nexata barapomonae bapowa tsipaebatsi, jeichichi:

—Anoxuae nama pajume cowantan jopa meisa saya poxoru pata tanetsipaebiwam. Matautano bara pajume cowantan tsipei yatsicaewa pata muxutontha pajume tan pocotsiwa bapon paeba. Matautano bara payaputan xua bapon pon jiwi Pecapanenebiyaeinchi abe pia peexanae cuiru coyenein tatsi weya xua barapo jiwi jopa pewer-aweracaenexa, jei barapomonae.

*Meje yabara poxonae Jesús axaibi exana pon pentacaponaein pexanto tatsi*

<sup>43</sup> Poxonae barapo ainya matabibibe yapucaewa, bapoxonae Jesús pijimonae Samaria nacua webaru warapiya xua baru pona Galilea nacua beya. Ichitha pijimonae jopa baru patopaeyo pia tomaratha Nazaret tomaratha. <sup>44</sup> Tsipei Jesús bayatha pijimonae tsipaeba xua nayabara jeye:

—Pon ba Nacom peitorobi jume pepaebin, bapon ba pia nacuapiwi jopa baru cui itura jinaetsi, jei Jesús. <sup>45</sup> Poxonae Jesús pijimonae baru patopa Galilea nacuatha, barapo Galilea nacuapiwi Jesús matenta weyataya wabatsi. Tsipei caena bayatha barapo Galilea nacuapiwi Jesús tainchi Jerusalén tomaratha, poxonae jiwi nacaetuta xua penabanaenexa pexaewa po matabibintha pewun Pascua wun matabibin poxonae jiwi yabara canantana xeina xua caena

bayatha pia pamo susato jiwi tatsi panenebiya Egipto nacia weya. Matautano tsipei poxoru bayatha barapomonaē tane daxita pocotsiwa Jesús exana baxota.

<sup>46</sup> Bapoxonaē Jesús pecoyo baru pona pijimonaē Caná tomara beya xua po tomara eca barapo Galilea nacuaŋtha. Barapo Caná tomara, po tomaratha ichaxota bayatha Jesús meratha eque-icha vino mera cana exana. Poxonaē Jesús Caná tomaratha eca, iruru pebin pon pentacaponaein Capernaum tomaratha popona. Bapon pexanto taatenetsi. Barapo pentacaponaein tanacuita, pon jiwi itorobiya pia pepa peewatsinchi tanacui-tatsi. <sup>47</sup> Barapon pon pentacaponaein yaputane xua Jesús pijimonaē baru patopa Galilea nacuaŋtha xua Judea nacia weya pona. Bapoxonaē Jesús siwa poinchi. Bapon Jesús jume daunwei jechichi:

—Tabo beya ponde. Inta taxanto axaibi exande tsipei imoxoyo petupaē, jei bapon.

<sup>48</sup> Nexata Jesús barai bapon xua piamonaē tatsiru, jeye:

—Paxam jopa yabara pana nejume cowantsim. Saya poxonaē pexeinya petsita itutsi coyenewan paca tsita exaneibatsi bapoxonaē deta pana nejume cowanteibame, jei Jesús.

<sup>49</sup> Ichitha pentacaponaein jume nota, jeye:

—Pon Necanamataxeinaem jiwi, anetha nainya iyande, xua pewanaeya tsane poxonaē taxanto tupaena, jei.

<sup>50</sup> Nexata Jesús jume barai bapon, jeye:

—Moya caibe nawiyama jinya bo beya. Bayatha cata axaibi nexanto, jei Jesús.

Barapo pentacaponaein yabara jume cowanta pocotsiwa Jesús paeba. Bara pontaba pia bo beya.

<sup>51</sup> Poxonae barapo pentacaponaein cataunxuae ecapona namtotha xua pia bo beya pona, bapoxonae bapon matenta poinchi pomonae pia petanacuichi-wixaetsi pia botha. Bapon jeichichi:

—Nexanto bayatha cata axaibi, jei barapomonae.

<sup>52</sup> Nexata bapon yainyaba pia petanacuichi-wichi, jeye:

—¿Eta poxonae inta taxanto axaibi? ¿Eta xoyo poxonae ecatabiya xometo? jei bapon.

Barapomonae jume nota, jeye:

—Mexuae axaibi tsuxubi poxonae mateinyaxae pepuya weya bapoxonae yasataxotsi domae, jei barapomonae.

<sup>53</sup> Nexata pexuyo paxa tatsi yabara nanta xeinataba xua barapo mateinyaxae pepuya weya xua mexuae Jesús namchi jeye: “Moya caibe nawiyama jinya bo beya, bayatha nexanto cata axaibi”, jei Jesús. Bapoxonae bapon iru pomonae pia botha petaenaewichi Jesús yabara jume cowantatsi.

<sup>54</sup> Barapo pexeinya petsita itatsi coyenewa xua poxonae equeicha Jesús cotacaya exana poxonae caibe warapiya Galilea nacua beya poxonae Judea nacua wewarapiya.

## 5

*Meje yabara poxonae Jesús axaibi exana pon pecuenobinchi ichaxota po fetiyo pewan Betzata*

1 Bapoxonae pirapae Jesús pona Jerusalén tomara beya. Barapo tomaratha judiomonae nacaetuta xua penabanaenexa pexaewa. 2 Barapo tomaratha xua iboton peyacaincha toxoro dutsi acabiwa coiboton cae boupa iya barapo boupa pewun “Oveja pia boupa”, jei. Imoxoyo barapo boupa iya eca tsica mene fetiyo. Barapo fetiyo hebreo jumetha pewun “Betzata”, jei. Barapo fetiyotha cinco po boutiyobe umena. 3 Barapo boutontha peatenewi iratha bobenapoinya, ichamonae pomonae peitata nacutsi jiwi, iru ichamonaeno pomonae pejayujayujei jiwi, iru ichamonaeno pomonae pecuenobiwichi. Barapomonae ewatabobena xua barapo mene fetiyo mene najirababa. 4 Tsipei ichacuitha tsaibi matatsunpin patopeiqueiba barapo mene fetiyotha xua peitaboco wetsica pona. Barapo matatsunpin mene najirababa exana barapo mene fetiyo. Pon copiya maxu cayatsi mene beya xua baxota cuaranotatsi, bapoxonae axaibi exainchi. 5 Baxota pebin iru boca pon caena bayatha atene treinta y ocho po weiyobetha. 6 Jesús tane xua bapon iratha boca. Matautano Jesús yaputane xua bapon ainya dapaein bayatha ewata boca. Jesús yainyaba bapontha, jeye:

—¿Ichichipame xua neaxaibiwa? jei Jesús.

7 Pon atene Jesús jume notatsi, jeye:

—Pon Necanamataxeinaem jiwi, dapon inta aibi pon taneyawenaewa xua mene betanemaxu cayaenexa poxonae matatsunpin mene najirababa exana. Poxonae tacoutha taepatotha iya tsaibin ichun copiya netsiwana



patopeiba. Bapon axaibi, copiya pecaxinaexae mene, jei pon atene.

<sup>8</sup> Jesús jume barai, jeye:

—Asiya uncuare. Pire jinya nebocaewa. Bara ponde, jei Jesús.

<sup>9</sup> Bapoxonae caena nainya axaibi tsuxubi. Yawa pita pia pebocaewa, bara ponano. Ichitha barapo matacabi apara po matacabi pentaquei seicae matacabi. <sup>10</sup> Daxota judiomonae barai pontha pon axaibi exainchi. Jeichichi:

—Apara anoxuae po matacabi xua pentaquei seicae matacabi. Barapo mataqueitha jopa caco-patsiyo xua bara necaponaewa jinya nebocaewa, jei judiomonae.

<sup>11</sup> Bapon jume barai judiomonae, jeye:

—Pon neaxaibi exana bapon nebarai: ‘Pire jinya nebocaewa, bara ponde’, nejei bapon, jei bapon judiomonaetha.

<sup>12</sup> Nexata judiomonae yainyaba bapon, jeye:

—¿Jintam bapon pon baxua cabarai: ‘Pire jinya nebocaewa, bara ponde’, jei? jei barapomonae.

<sup>13</sup> Ichitha bapon jopa w<sup>an</sup> taeyo pon peaxaibi exanaexaetsi, tsipei Jesús pin bicheittha naita cafetaba. <sup>14</sup> Pirapae bapon Jesús taeba Nacom pin pia botha tatsi. Jesús barai bapon, jeye:

—Incane nejume taema. Jame caaxaibi exanatsi. Equeicha jinxoba abe exaname, tsipei bapoxonae bichocono atenem tsipae beyacaincha xua poxonae copiya atenem, jei Jesús.

<sup>15</sup> Nexata barapo pebin pona judiomonae beya xua pejeinexa:

—Apara pon neaxaibi exana bapon apara Jesús, jei bapon.

<sup>16</sup> Daxota Jesús abe tsiyabara jeitapoinchi xua pebexubiwa tsainchi yaitama Jesús axaibi exana pon atene po mataqueitha pentaquei seicae mataqueitha. <sup>17</sup> Ichitha Jesús jeye barapomon-aetha:

—Taxa, apara cataunxuae nacuiteiba daxita maticabintha. Xan barichin bara bequein pentaquei seicae maticabi tan, jei Jesús.

<sup>18</sup> Daxota bichocono nama judiomonae jopa juniya anaepanaeyo, yawa ichichipa xua Jesús pebexubiwa tsainchi. Barapomonae anaepana tsipei yaitama Jesús po mataqueitha pentaquei seicae maticabitha nacuita poxonae bequein barapomonae jopa copatsiyo. Matautano anaepana tsipei Jesús naexana xua Nacom pecui jupaewatsi, yawa tsipei jeye: “Nacom, Taxa”, jei.

*Meje yabara poxonae Jesús yabara paeba xua pexeinaewa pia peayapusu itorobi coyenewa*

<sup>19</sup> Nexata equeicha Jesús barai barapo judiomonae, jeye: “Xaniyan paca tsipaebatsi xua xan Nacom Pexanton jopa exanaeinyo pocotsiwa tacoutha ichichipan. Saya jame exanan pocotsiwa Taxa cui tan pocotsiwa exana. Daxota bapocotsiwan baxua exanan. <sup>20</sup> Taxa bichocono neantobe, yawa netsita ituta daxita xua bapon pocotsiwa exana. Taxa equeicha ichawanno netsita itutsina pocotsiwa xua bichocono wunaey beyacaincha xua bayatha exanan. Bapoxonae yabara pana najuntu cui coyene cabenaecaename. <sup>21</sup> Taxa equeicha asu

cana exana pomonae caena bayatha werapa. Xan barichin tsane Nacom Pexantonxaein equeicha asu cana exanaein pomonae pewerapaewi, pomonae xua ichichipan xua asu tacana exanaewa. <sup>22</sup> Taxa jopa ba yabara paebiyo jiwi xua penatsicuentisiwa xua abe peexanaexae. Saya meisa xan Pexanto tatsixaein necata barapo peayapusu itorobi coyenewa xua tayabara paebiwa jiwi xua penatsicuentisiwa xua abe peexanaexae Nacomtha. <sup>23</sup> Baxua Taxa barapo peayapusu itorobi coyenewa necata xua daxita jiwi tana nebaru cui itura jinaenexa xua icha barapo jiwi ichi xua poxona Taxa baru cui itura jinatsi. Xan ponxaein Nacom Pexantoxaein ponxaein Nacom tana neitorobixae pon jopa nebaru cui itura jinaeyo bapon barichi Taxa jopa baru cui itura jinaetsi.

<sup>24</sup> “Bara xainyeya paca tsipaebatsi xua xan, Nacom Pexantoxaein, pon xanepanaya nejume naitawata pocotsiwa paeban xuano xua Taxa jume cowuntatsi bapon peajuntuyapusuwa xeinaena po peajuntuyapusuwa xua ataya tsiteca. Bapon barana jopa yabara caunutsin tsane xua bapon Nacom bayatha tsitatsi xua bapon penatsicuentisiwa xua daxota bapon bewa tupaena abe peexanaexae. Tsipei bapon be barapocotsin, bara be pocotsin xua equeicha asu exanan petuapae cuiru coyene weya. <sup>25</sup> Xainyeya paca tsipaebatsi. Apra anoxuae barapo matacabi patope, po mataqueitha pomonae be pewerapaewi jopa pexeinaexae peajuntuyapusuwa, barapomonae nejume taena. Yawano icha barapomonae

nejume cowantsina bapoxonae xeinaena peajuntayaruswa. <sup>26</sup> Taxa xeina xua peajuntayaruswa, po pia peajuntayaruswa tatsi jopa weraweracaeyo. Daxota bara tayaru xanepanatsi xua ichan pecatsinexatsi barapo peajuntayaruswa. Matautano Taxa necata barapo peajuntayaruswa xua daxota xuya jiwi catan. <sup>27</sup> Taxa pia peayarus itorobi coyenewa necata xua jiwi tayabara paebinexa xua penatsicuentisiwa xua abe peexanaewixae Nacomtha. Tsipei naexanan pepa Jiton daxota necui jupa xua barapo pia peayarus itorobi coyenewatha jiwi tayabara paebiwa xua penatsicuentisiwa xua abe peexanaexae. <sup>28</sup> Jopa baxua payabara najuntu coyene cabenaecaeinde pocotsiwa tapaca tsipaewiatsi. Tsipei patopaena icha matabi po mataqueitha pomonae pewerapaewi nejume taena. <sup>29</sup> Barapomonae pomonae pewerapaewi mutha wejujuinaena. Pomonae xua xanepanaya exana xua poxonae caena bayatha jinompa, barapomonae asu exanaeinchi xua pexeinaewa tsane peajuntayaruswa. Ichitha nama pomonae abe exana xua poxonae caena bayatha jinompa, barapomonae asu exanaeinchi xua peyabara paebinexatsi xua penatsicuentisiwa xua abe peexanaexae Nacomtha”, jei Jesús.

*Meje yabara poxonae Jesús tsita itapeinya xeina jiwi xua bara xeina peayarus itorobi coyenewa*

<sup>30</sup> Cataunxuae awiya Jesús cueicueije judi monaetha. Jesús jeye: “Jopa exanaeyo pocotsiwa tacoutha ichichipan. Jiwi yabara

paeban xua penatsicuentisixae xua abe  
 peexanaexae Nacomtha be pocotsi coyeneya Taxa  
 tanecui itorobixae. Baxua xua pocotsiwa poxonae  
 jiwi yabara paeban xua penatsicuentisiwa xua  
 abe peexanaexae apara bara xanepana. Tsipei  
 jopa exanaeinyo pocotsiwa tacoutha ichichipan  
 jame saya exanan pocotsiwa Taxa ichichipa,  
 pon tana neitorobixae. <sup>31</sup> Icha saya meisa  
 nayabara paebichipan tacoutha, yawa icha  
 ichun jopa neyabara jume yawenaetsipae metha  
 bapoxonae pana neyabara jam tsipaem: 'Apara  
 pocotsiwa bapon pia coutha nayabara paeba  
 jopa xainyeyo', pana neyabara jam tsipaem.  
<sup>32</sup> Ichitha ichun neyawena xua tana neyabara  
 paebiwa tsipei paeban xua pocotsiwa bapon  
 paeba. Nanta jupaya papaebanbe. Apara bapon  
 Nacom bara Taxa. Bara yaputan po coyene  
 bapon xua tana neyabara paebiwa apara bara  
 xainyei. <sup>33</sup> Paxam ichamonae paitorobame  
 Juan beya, xua Juan peyainyabiwa tsainchi,  
 pocotsiwa Juan yabara paca jume nota xua  
 xan yabara, bara apara xainyei. <sup>34</sup> Xan jopa  
 jiton nantawenonaeinyo xua tana nebaru jume  
 yawenaewa xua jiwi yabara tana nejume  
 cowantsiwa xua bara xainyeya tapaebin. Saya  
 yabara paca tsipaebatsi pocotsiwa Juan tana  
 neyabara paebiwa. Poxonae baxua pajume  
 cowantsiname pocotsiwa Juan tana neyabara  
 paebiwa bapoxonae paca capanenebiyaena  
 abe painya neexanae cuiru coyenein weya xua  
 jopa painya atene tsaibiwa tsane abe painya  
 neexanaewantha. <sup>35</sup> Poxonae pecoicha itanata,  
 jiwi ba caeto juntu coyene weiweina poxoru

ichichipa barapo coicha xua yonoyonei. Icha pecoicha ichi Juan barichi. Poxonae Juan paca cuiduba copiya pajuntũ coyene weiweiname caeto, poxoru paichichipame barapo diwesi pocotsiwa bapon paca tsipaeba. <sup>36</sup> Ichitha nama xan xeinan xua pocotsiwa ainya cui beyacaincha xua po diwesi Juan tana neyabara paebiwa. Baxuan xua xuan pocotsiwa exanan apara bara xua pocotsiwa Taxa neitoroba. Po pexeinya petsita itũbiwan xua exanan poxonae baxuan jiwi necui tane bapoxonae nejume cowanta xua Taxa necata barapo peayapusũ itorobi coyenewa. <sup>37</sup> Mataũtano Taxa, pon tana neitorobixae, beta xanepanaya neyabara paeba. Ichitha paxam jopa bapana Nacom pajume taem xua pejume. Mataũtano jopa bapana pataem pia pepon. <sup>38</sup> Nacom Pejume Diwesi jopa paxeinaem painya jũntũ coyeneintha tsipei jopa pana nejume cowantsim ponxaein xua Nacom tana neitorobixae. <sup>39</sup> Paxam matowa pana nacuidubame Nacom Pejume Diwesi, tsipei pananta xeiname xua pia bapoxonae Nacom painya nepaca catsibichi pia peajũntũyapusũwa, po peajũntũyapusũwa jopa weraweracaeyo. Ichitha Nacom Pejume Diwesi, po diwesi payorobame, apara xua tana neyabara paebiwa. <sup>40</sup> Ichitha jopa bapana pana nejume cowantsim xua tapaca catsibinexatsi barapo peajũntũyapusũwa, po peajũntũyapusũwa jopa weraweracaeyo.

<sup>41</sup> “Jopa netsita ainya cuiyiyo xua bara jiwi tana nebarũ cui itura jinaewa xua ainya cuin tanaexanaexae. <sup>42</sup> Mataũtano paca jũntũ coyene

yaputainchi xua painya juntu coyeneintha jopa Nacom paantobem. <sup>43</sup> Xan, Nacom Taxa tana neitorobixae, pacata patopatsi, daichitha jopa pana nejume cowantsim. Ichitha icha ichun pacata patopaetsipa pon pia coutha naitoroba, bapon xanepanaya pajume cowantsipame. <sup>44</sup> Jopa paca itacupaeyo xua pana nejume cowantsiname tsipei saya pananta xeiname xua pia jiwi paca necayabara baru cui itura jineibiwa. Jopa pananta xeinaem xua po coyene Nacom paca necayabara baru cui itura jinaewa tsane. <sup>45</sup> Jopa pananta xeinaeinde xua Taxatha tapaca yabara paebiwatsi xua po coyene abe painya neexanaewa. Xan dapon apara aibin xua abe tapaca yabara paebiwatsi. Paxam pananta xeiname, pana najam: ‘Caena bayatha Nacom nacana jume diwesi cata Moiestha xua jiwi pejume cowantsiwa tsane. Jume cowantatsi barapo diwesi, daxota Nacom naca capanenebiya tsane’, pana najam. Daichitha jopa paexanaem pocotsiwa Moisés paca itoroba. Poxoru tsipei jopa Nacom pajume cowantsim daxota Nacomtha abe paexaname. <sup>46</sup> Icha pajume cowantsipame pocotsiwa Moisés neyabara tinaeya paeba, metha iruru pana nejume cowantsipame, tsipei Moisés neyabara tina. <sup>47</sup> Icha jopa pajume cowantsim pocotsiwa Moisés neyabara paeba, bara paichipaem jopa pana nejume cowantsipaem”, jei Jesús xua judiomonae tsipaebatsi.

## 6

*Mejeyabara poxonae Jesús apata pexaewa cinco*

*mil pebiwi**(Mt 14.13-21; Mr 6.30-44; Lc 9.10-17)*

<sup>1</sup> Poxonae Jesús najume weta judiomonaetha, bapoxonae Jesús pijimonae baru pona jeratha xua Galilea pucua icha muxunene beya. Barapo pucua icha wun Tiberias pucua. <sup>2</sup> Pin bicheito Jesús puna poinchi, tsipei Jesús cui tainchi xua exana pia pexeinya petsita itutsi coyenewan, poxonae axaibi exana peatenewi. <sup>3</sup> Nexata Jesús pijimonae baru ecoinya demxuwa icha. Bapoxonae baxote-icha Jesús pijimonae baru ecopiya. <sup>4</sup> Imoxoyo bara nama patopaena matababi xua judiomonaetha pia Pascua wun matababi tatsi. <sup>5</sup> Jesús tane xua puna poinchi pin bicheito. Bapoxonae Jesús barai, Felipe baraichi jeichichi:

—¿Eta xota metha pexaewa barapomonaetha upain comocaeinchi? jei Jesús Felipetha.

<sup>6</sup> Baxua Jesús Felipe yainyabatsi, pia xua Felipe jume taetsi, xua po coyeneya Felipe pejume notsiwa tsane. Tsipei Jesús yaputane po coyeneya xua imoxoyo peexanaewa. <sup>7</sup> Nexata Felipe Jesús jume notatsi, jeye:

—Bequein doscientos po pan matabaxumonaetha comocaeinchi jopa awiya jupaetsipae xua daxita barompaya pexexeinaponaewa barapo bicheito. Barapo denario paratiyo matawun xua bichocono matoma nawita xua caentaqueitha nexa xua matoma xeineiba pomonaetha penacuichiwi, jei Felipe.

<sup>8</sup> Bapoxonae Andrés pon iruru Jesús pijimonae tatsi jiwana jiton, pon Simón Pedro peweicho tatsi, bapon Jesús jeichichi:



<sup>9</sup> —Meje pewowin wuto uncue. Bapoyo cinco po panbe xeina, po pan xua cebada beno pan. Matautano bapoyo duweiyoyo ainyobe capana. ¡Ichitha apara jopa yapu jupaeyo xua pin bicheito! jei Andrés.

<sup>10</sup> Nexata Jesús jume nota pijimona, jeye:

—Daxita jiwi patsipaebare xua peenaewa tsane iratha, jei.

Baxota naepanaewan nawita. Baxota pebiwi iratha ena. Barapo bicheito bara be cou cinco mil pebiwi. <sup>11</sup> Nexata Jesús pecobetha pita pan, po pan xua pexuyo capatopa. Bapoxona Jesús Paxatha tsipaeba: “Axa, maisa juntu coyene weiweinan xua pata tana necatsiwaxaem pexaewa”, jei Jesús. Bapoxona Jesús pijimona tsicobe jajanacapon pan. Equeicha Jesús pijimona tatsi cacatsibapona barapo pan barapo cinco mil pebiwita. Jesús barichiya exana poxona duweiyobe pita. Matautano pijimona tsicobe jajanacapon barapo bicheito nexa. Barapo cinco mil pebiwi bara xane xua ichichipa piyainxae. <sup>12</sup> Poxona daxita tonsanarucapa, bapoxona Jesús pijimona barai:

—Panore xua barapomona jiwana xane. Pajebare, jopa pabebande, jei Jesús.

<sup>13</sup> Barapomona Jesús pijimona tatsi nonotapona pocotsiwa barapo pin bicheito jiwana xaexaepona. Jesús pijimona tatsi doce po cotebe wamba xua bayatha po cinco panbe jiwana xaexaepona pin bicheito po pan xua cebada beno pan. <sup>14</sup> Barapo cinco mil jiwi poxona Jesús cui tainchi xua pexeinya petsita itatsi coyenewa exana, jeye:

—Apara bara bapon pon Nacom peitorobi jume pepaebin, pon xua juinya bewa pinae patopaena po nacuathe xua wanacuatha tsica, jei.

<sup>15</sup> Ichitha Jesús yaputane xua barapomonae ichichipa xua po coyene Jesús penaexanaewa tsane be pon jiwi itorobiya pia pepa peewatsinchi tsane barapo bicheito pia nacuatha tatsi. Daxota equeicha Jesús ponataba demxuwa beya, xua compa peecaenexa.

*Meje yabara poxonae Jesús mene matatsun jumatha pona*

*(Mt 14.22-27; Mr 6.45-52)*

<sup>16</sup> Poxonae quirei tsanaicha Jesús pijimonae tatsi pucua itapa bepareca. <sup>17</sup> Bapoxonae jeratha nonobabiya. Barapo pucua iya jeratha epatauta iyiya xua pepatsiwa tsane Capernaum tomara beya. Jesús cuenta iyiyatsi poxoru bayatha quirei, yawano poxoru Jesús jopa cataunxuae patopaeyo.

<sup>18</sup> Bapoxonae pin joibo tsuxubi. Yawa maratsaca muxunenababa jera. <sup>19</sup> Poxonae Jesús pijimonae tuwatha yana panenebiya, bapoxonae Jesús pijimonae tainchi. Jesús mene matatsun juma dena pona jera dena. Bapoxonae barapomonae bichocono junuwa. <sup>20</sup> Ichitha Jesús pijimonae barai, jeye:

—¡Apara xan! ¡Jopa pajunuwinde! jei Jesús.

<sup>21</sup> Bapoxonae Jesús pijimonae yaitaerucupatsi. Bapoxonae Jesús jantá coyene weiweinaya wabatsi pijimonae xua jeratha penontabinaenexa. Bapoxonae nainya patarucupa Capernaum tomaratha.

*Meje yabara poxonae jiwi Jesús wenaweneichi*

<sup>22</sup> Icha mataqueitha pin bicheito, pomonae umena pucua itapatha xua icha muxunenetha, barapomonae tane xua Jesús pijimonae cuenta ponarucupatsi jeratha, po jera saya bara cae nae xua po nae baxota boca. <sup>23</sup> Poxonae cataunxuae Jesús yabara nanta xeinatsi baxua, bapoxonae icha jera naein pata xua po naein Tiberias tomara werendena. Barapo jera naein pata ichaxota po iriyo itama tayeca xua ichaxota bayatha Jesús, pon Wanacanamataxeinaein, Paxa tsipaeba xua jeye: “Axa, maisa juntá coyene weiweinan xua pata tanecatsiwam pan”, xua jei, xuano xua baxota Jesús apata pan jiwitha. <sup>24</sup> Barapomonae yaputane xua Jesús aichurucuae. Matautano yaputane xua Jesús pijimonae tatsi aichurubena. Daxota jeran notarucupa Capernaum tomara beiyia xua Jesús pewenaweneiwa tsainchi.

*Meje yabara xua Jesús apara bapon yabara caunutatsi xua poxonae po pexaewa Nacom jiwi itaboco wetaitorobicatsi*

<sup>25</sup> Poxonae barapomonae pata icha muxunene beya xua pucua iya, bapoxonae Jesús tainchi. Barapomonae Jesús yainyabatsi, jeichichi:

—Pon jiwi Necuidubim, ¿eta poxonae xote patopame? jei barapomonae.

<sup>26</sup> Jesús jume barai barapo jiwi, jeye:

—Xaniyan paca tsipaebatsi. Pana newenawenam, tsipei bayatha pana najain taneme pexaewa xua beya poxonae patonsaname. Apra jopa baxua patsipatsim xua bayatha tapaca tsita exanaexaetsi pexeinya tatsita itatsi coyenewan.

<sup>27</sup> Jopa pananta xinaeinde xua saya pexaewa

pana natsiupain nacuitame, po pexaewa saya nainya weraweraca. Saya meisa jame payabara nanta xeinare xua peajuntuyapusu coyenewa, po peajuntuyapusu coyenewa jiwi ajuntuyapusu exanatsi, po peajuntuyapusuwa jopa weraweracaeyo. Taxa, Nacom, barapo peajuntuyapusuwa necata, po peajuntuyapusuwa xuya paca catsinchi ponxaein Nacom Tananeitapetsin, jei Jesús.

<sup>28</sup> Nexata barapomonaе Jesús yainyabatsi, jeye:

—¿Eta xua bewa paexanaein xua xainyeya pata exanaewa tsane pocotsiwa Nacom ichichipa? jei.

<sup>29</sup> Nexata Jesús jume nota barapomonaе, jeye:

—Jame Nacom baxua ichichipa xua pata tanejume cowuntsiwam tsane ponxaein xua barapon Nacom, Taxa, neitoroba, jei Jesús.

<sup>30</sup> Nexata barapomonaе Jesús yainyabatsi, jeye:

—¿Eta po jinya pexeinya netsita itatsi coyenewa, pana netsita itatsiname? Icha paca cui taeinchi baxua xua pana netsita itatsiname nexata bapoxonaе xua xain paca jume cowuntatsi. <sup>31</sup> Ichaxota ira xuepana susato tsurucuae nacuatha wamo susato jiwi xane pexaewa, po pexaewa Nacom taitorobica itaboco wetsica. Barapo pexaewa maná matawun. Barapomonaе baxua cana exanatsi be pocotsi coyeneya Nacom Pejume Diwesitha yabara jeichichi: ‘Nacom cata barapomonaetha pexaewa, po pexaewa itaboco wetaitorobica’, jei Nacom Pejume Diwesitha, jei barapomonaе.

<sup>32</sup> Nexata Jesús jume barai barapomonaе, jeye:

—Xaniyan paca tsipaebatsi, Moisés barapo pexaewa apara jopa wamo susato jiwi catsichi, po pexaewa xua itaboco wetaitorobicatsi. Apara

jame Nacom, Taxa, barapo pexainyei nabanae pexaewa taitorobica. <sup>33</sup> Po pexaewa Nacom itaboco wetaitorobica, apara neyabara w<sub>nae</sub> caunuta. Nacom neitorobica xua tacana exanaewa tsane jiwi barapo cae pin nacuathe xua jiwi pexeinaewa tsane peaj<sub>unt</sub>yap<sub>us</sub>wa, po peaj<sub>unt</sub>yap<sub>us</sub>wa jopa weraweracaeyo, jei Jesús. <sup>34</sup> Nexata barapomonaе Jesús baraichichi, jeye:

—Patatanecanamataxeinaem, barapo pexaewa pana catsibeibare daxita matabi tsaibi, jei.

<sup>35</sup> Jesús jume nota, jeye:

—Xan apara bapon xua po pexaewa Nacom itaboco wetaitorobica jiwi xua po pexaewa tana neyabara w<sub>nae</sub> caunutsixae ponxaein jiwi peaj<sub>unt</sub>yap<sub>us</sub>wa tacatsin. Bequein jiwi xaiba pexaewa daichitha equeicha jainpouneiba, yawa equeicha meratsipouneiba. Jame pon patopa taxantha yawa pon nejume cow<sub>anta</sub> bara xeina daxita pocotsiwa penantawenonaewa. <sup>36</sup> Bara bayatha bequein paca tsipaebatsi, daichitha jopa pana nejume cow<sub>antsim</sub> bequein pana netaneme. <sup>37</sup> Daxita pomonaе xua Taxa necata, barapomonaе bara tamonaе. Barichi pomonaе nejume cow<sub>anta</sub>, barapomonaе jopa beban tsane. <sup>38</sup> Xan apara jopa baxua tsipatopeicaeyo itaboco wetsica xua taexanaewa tsane pocotsiwa tacoutha ichichipan. Apara saya jame baxua tsipatopan xua taexanaewa tsane pocotsiwa Taxa ichichipa. <sup>39</sup> Tsipei Taxa ponxae neitoroba, barapon ichichipa xua daxita jiwi beta taenaewa tsane pomonaе tana necatsixae. Mata<sub>utano</sub> Taxa jopa ichipaeyo xua barapomonaе jiwana caein tanexubiwa. Mata<sub>utano</sub> Taxa

ichichipa xua equeicha asu cana exanaein petapae coyene cuariya weya pomonae tana necatsixae xua poxonae po maticabi opi ducuaenaba po cae pin nacuathe. <sup>40</sup> Paxam yabara paca tsipaebatsi xua pocotsiwa Taxa peichichipaewa. Daxita pomonae neyabara paebina po coyene xua xan apara Nacom Pexanton, xuano xua nejume cowanta, barapomonae xeinaena peajantayapusawa xua ataya tsiteca. Barapomonae asu exanaein petapae coyene cuariya weya poxonae maticabi opi ducuaenaba po cae pin nacuathe, jei Jesús.

<sup>41</sup> Poxonae Jesús baxua nayabara paeba bapoxonae judiomonae Jesús abe yabara paebatsi, tsipei Jesús jeye: “Xan apara bapon po pexaewa Nacom itaboco wetaitorobica jiwi xua po pexaewa tana neyabara wanae caunutsixae ponxaein jiwi peajantayapusawa tacatsin”, jei Jesús. <sup>42</sup> Barapomonae najei caemonae:

—Apara bapon Jesús, José pexanto tatsi. Apara coxiyan bayatha yaputainchi, coxiwano yaputainchino. ¿Eta pocotsiwa metha naca tsipaeba xua pinae itaboco wetsica pona? najei barapomonae.

<sup>43</sup> Nexata Jesús jume barai, jeye:

—Jopa caemonae pana natsipaebinde xua abe papaebame. <sup>44</sup> Dapon aibi pon peitacupaewatsi xua pia coutha pepatopaewa xantha xua tana nepuna ponaewa tsane icha Taxa pon tana neitorobixae, pia coutha jopa copatsiyo xua jiwi pepatsinexa xantha. Barapomonae asu exanaein petapae coyene cuariya weya poxonae po mataqueitha daxita weraweracaena po nacuathe.

<sup>45</sup> Nacom peitorobi jume pepaebiwi pia petinae diwesiŋtha jeye: ‘Daxita jiwi Nacom yaputane cana exanaena’, jei barapo Nacom peitorobi jume pepaebiwi pia petinae diwesiŋtha. Daxota daxita pomona Taxa jume tainchi xuano xua jume cowantatsino barapomona bara pata taxantha.

<sup>46</sup> “Dapon aibi pon Taxa tainchi. Jame meisa ponxaein itaboco wepatopeican bara Taxa tan.

<sup>47</sup> Xaniyan paca tsipaebatsi, pon nejume cowanta bapon jame xeinaena peajuntuyarusawa, po peajuntuyarusawa jopa weraweracaeyo.

<sup>48</sup> Xan apara bapon xua po pexaewa Nacom itaboco wetaitorobica jiwi xua po pexaewa tana neyabara wnae caunutsixae ponxaein jiwi peajuntuyarusawa tacatsin. <sup>49</sup> Painya amo susato jiwi pexaewa xane ichaxota ira xuepana susato tsurucuae nacuatha. Barapo pexaewa maná matawun. Bequein bara barapo pexeinya pexaewa nabane daichitha matapainya werapa.

<sup>50</sup> Paxam yabara paca tsipaebatsi po pexaewa Nacom itaboco wetaitorobica jiwi xua po pexaewa tana neyabara wnae caunutsixae. Pon nejume cowantsina jopa weraweracae tsane icha ichun ichi xua poxonae xane barapo pexaewa jopa tupaeyo. <sup>51</sup> Xan apara bapon xua po pexaewa Nacom itaboco wetaitorobica jiwi, po pexaewa ayarusu, xua po pexaewa tana neyabara wnae caunutsixae. Pon xua nejume cowanta bara ataya poponaena icha ichun ichi xua poxonae xane barapo pexaewa bara asu. Po pexaewa xua yabara paeban, apara tapepon xua paca catatsi painya nenabanaewa tsane. Tupaein xua jiwi pexeinaewa tsane peajuntuyarusawa”, jei Jesús.

<sup>52</sup> Nexata judiomonae caemonae najume mat-sontsonoba, najei:

—¿Eta pocotsiwa metha bapon naca tsipaeba xua naca catapaeba pia pepon xua wanabanaewa tsane? jei barapomonae.

<sup>53</sup> Jesús barai barapomonae, jeye:

—Xaniyan paca tsipaebatsi xan ponxaein Nacom Tana neitapetsin. Icha jopa paxaem tsane tapepon, yawa icha jopa paapaem tsane tajana, jopa paxeinaem tsane peajuntuyarusawa, po peajuntuyarusawa jopa weraweracaeyo.

<sup>54</sup> Pon xua tapepon xane yawa xua apa tajana, bapon xeinaena peajuntuyarusawa, po peajuntuyarusawa jopa weraweracaeyo. Yawa bapon asu exanaein petupae coyene cuariya weya po mataqueitha poxonae daxita weraweracaena po cae pin nacuathe.

<sup>55</sup> Tsipei tapepon be pexeinya pexaewa poxonae xua jiwí pexaewa tsane. Yawa tajana be pexeinya peapaewa xua jiwí peapaewa tsane. <sup>56</sup> Pon tapepon xane yawa apa tajana, bapon nebaru poponeibina yawa xan baru poponeibin. Tsipei poxoru bapon neyabara jume cowanta xua xan bapon pia pepon tatsi tsitapan, yawano xua tajana othoparenaewa bapon nexa xua abe pia peexanae cuiru coyenein tatsi nexa.

<sup>57</sup> Taxa ponxae neitoroba bapon ataya asu poponeiba. Iruu xan barichin ataya asu poponeiban tsipei Taxa necata pia peajuntuyarusawa, po peajuntuyarusawa jopa weraweracaeyo. Barichiru pon xane tapepon, xua poxonae tana nejume cowantsiwa, bapon asu poponeibina tacatsixae peajuntuyarusawa.

<sup>58</sup> Xan yabara paeban pexaewa, po pexaewa



Nacom itaboco wetaitorobica jiwí. Barapo pexaewa jopa jupaeyo, xua icha be maná matawɛn ichi, po pexaewa painya amo susato jiwí xane. Daichitha barapomonae matapainya werapa. Po pexaewa yabara paeban icha ichɛn xane barapo pexaewa, bapon xeinaena peajɛntɛyapɛsɛwɛ, po peajɛntɛyapɛsɛwɛ jopa weraweracaeyo, jei Jesús.

<sup>59</sup> Baxuan Jesús cuiduba judiomonae pia penacaetutsi botha tatsi xua Capernaum tomaratha.

*Meje yabara poxonae Jesús yabara paeba peajɛntɛyapɛsɛwɛ, po peajɛntɛyapɛsɛwɛ jopa weraweracaeyo*

<sup>60</sup> Pinmonae pomonae Jesús puna poinchi, poxonae barapomonae Jesús jume tainchi pia pecuidubiwa, bapoxonae barapomonae najei:

—Pocotsiwa bapon paeba maisa bichocono ayapube xua wayabara jume cowantsiwa. ¿Jintam metha itacɛpatsi xua peexanaewa tsane pocotsiwa bapon paeba? najei.

<sup>61</sup> Ichitha Jesús yaputane pocotsiwa xua peyabara paebiwatsi barapomonae xua peayapubexae pocotsiwa Jesús pepaebiwa. Nexata Jesús yainyaba barapomonae, jeye:

—Pocotsiwa aunxuae paca tsipaebatsi, ¿baxua pacata ayapube? <sup>62</sup> ¿Eta xua metha pananta xeinaetsipame icha pana netaetsipame xua athabe taichaewa itaboco beicha ichaxota bayatha poponan ponxaein Nacom Tananeitapetsin? <sup>63</sup> Jiwi asɛ jinompa poxoru xeina pejumope tɛnaxɛ. Poxonae pejumope tɛnaxɛ panepa jiton ba pia pepon tɛpa.

Icha pejumope tɛnaxɛ ichi xua jiton asɛ exainchi pia pepon, barichi xua xan pocotsiwa tapaca tsipaebiwatsi barapo jume paca jɛntɛ coyene ayarusɛ cana exana xua jopa painya neweraweracaewa tsane. <sup>64</sup> Ichitha cataunxuae pinmonae pomonae paxam jiwana pam, jopa nejume cowɛntsiyo, jei Jesús.

Caena bayatha Jesús copiya wɛnae tsiwanaya yaputane pomonae jopa pejume cowɛntsiwa tsainchi. Mataɛtano caena bayatha Jesús copiya wɛnae tsiwanaya yaputane pon pecaenaetsiwa tsainchi tsane ichamonaetha xua pebexubiwa tsainchi Jesús. <sup>65</sup> Equeicha Jesús barai pomonaetha pomonae pia pepuna ponaewichi, jeye:

—Daxota paca jeichi: ‘Dapon aibi pon peitacɛpaewatsi xua pia coutha pepatopaewa xantha xua tana nepuna ponaewa tsane, icha Taxa pia coutha jopa copatsiyo xua bara jiwi pepatsiwa xantha’, paca jeichi, jei Jesús.

<sup>66</sup> Poxonae Jesús baxua paeba bapoxonae pin bicheito pomonae Jesús pepuna ponaewichi barapomonae Jesús cuenta warapatsi. Barapomonae equeicha nama jopa Jesús puna ponaetsi. <sup>67</sup> Bapoxonae Jesús pijimonae yainyaba pomonaeyoxae xua doce poyobe, pomonae Jesús pijimonaexae tatsi. Jesús pijimonae barai, jeye:

—¿Paxam painya irɛ ponaetsirɛ? jei Jesús.

<sup>68</sup> Nexata Simón Pedro Jesús jume notatsi. Pedro jeye:

—Patatanecanamataxeinaem, dapon aibi tsipae pon papuna ponan icha paca cuenta ponaetsipatsi. Saya meisa payaputan xua

meisa xam compam yabara pana netsipaebame peajantayapusɥwa, po peajantayapusɥwa jopa weraweracaeyo. <sup>69</sup> Paxan paca jume cowantatsi. Matautano payaputan xua xam apara pon Nacom caitoroba, pon pepa Nentacuiruyapuxanepanaem, jei Simón Pedro.

<sup>70</sup> Jesús pijimonaе jume nota, jeye:

—Paxam pomonaе doce poyobe pam pomonaе tapaca caitapetsiwichi pam. Daichitha caein jiwana pam cauri piamonaе jiton tatsi, jei Jesús.

<sup>71</sup> Poxonaе Jesús baxua paeba, Jesús yabara paeba Judas, Simón Iscariote pexanto tatsi. Bapon Judas Jesús caenaetsinchi bequein bapon caein jiwana pomonaе Jesús pijimonaexae tatsi, pomonaе doce poyobe tatsi.

## 7

*Meje yabara poxonaе Jesús jopa yabara jume cowantichi peweicho jiwi*

<sup>1</sup> Bapoxonaе Jesús popona ducuaeta baxota xua Galilea nacuaa. Jesús aichaxaibi xua pepoponaewa Judea nacuaa, tsipei judiomonaе, pomonaе baxota jinompa, ichichipa xua Jesús pebexubiwatsi. <sup>2</sup> Bara nama imoxoyo tsurucuae tso-ponaeba po maticabintha judiomonaе jinompa tsica bomɥɥxitha xua penabanaenexa pexaewa. Barapo maticabin ba judiomonaе cayabara nanta xeina xua caena bayatha pinae pia pamo susato jiwi tatsi jinompa tsica bomɥɥxitha ira xuepana susato tsurucuae nacuaa. <sup>3</sup> Jesús baraichi pia peweicho jiwi, jeye:

—Jopa xote poponaeinde. Judea nacua beya warapiyama xain baxotiya jinyamonae cacui tane pocotsiwa exaname xua jinya netsita itatsiwa. <sup>4</sup> Pon xua ba ichichipa peyaputaewatsi daxita jiwi, bapon ba daxita jiwi peitatha exana po coyene xua moya peyawun xeinaewa po coyene jiwi copiya jopa yabara yaputaeyo. Bapon ba jopa nameicha exanaeyo. Xam iruru barichinde. Daxita jiwi peitatha exande xain cacui tane xua jinya netsita itabiwa neexanaewam, jeichichi Jesús peweicho jiwi.

<sup>5</sup> Baxua Jesús baraichichi peweicho jiwi, tsipei Jesús jopa jume cowantichi peweicho jiwi.

<sup>6</sup> Nexata Jesús jume barai peweicho jiwi, jeye:

—Apara inta cataunxuae dapó matacabi aichica, po mataqueitha tana naitatsiwa judiomonaetha xua Judea nacuatha. Ichitha poxonae paichichipame xua painya neponaewa moya bara paponde Judea nacua beya. <sup>7</sup> Pomonae jopa Nacom jume cowantichi barapomonae jopa paca casebiyo. Ichitha xan necaseba tayabara paebixae xua po coyene pocotsiwa barapomonae exana pejuntá coyeneintha apara abe. <sup>8</sup> Paxam bara moya paponde ichaxota judiomonae nacaetuta xua penabanaenexa pexaewa. Xan nama jopa ponaeinyo cataunxuae canta tamatacabi aichica, jei Jesús.

<sup>9</sup> Poxonae Jesús baxua najume weta, bapoxonae abú cataunxuae Galilea nacuatha popona be caentacabiyobe xua pecoyo weya peponaenexa.

*Meje yabara poxonae Jesús nasiwa pona Jerusalén tomara ichaxota judiomonae nacaetuta*

*xua penabanaewa tsane pexaewa*

<sup>10</sup> Poxonae Jesús peweicho jiwi tatsi bayatha ponaba penanabanaenexa pexaewa iru Jesús bara beya pona. Jesús compa nameicha pipatotha pona. Jopa peburaya naponaeoyo jiwitha.

<sup>11</sup> Barapo judiomonae penacaetutsiwatha Jesús wenaweneichi. Barapo judiomonae pia pentacaponae wi tatsi caemonae nayainyaba, najei:

—¿Incane methara? ¿Exota metha popona bapon? najei barapomonae xua Jesús yabara paebatsi.

<sup>12</sup> Barapo pin bicheitomonaetha ichamonae Jesús yabara paxapaxeya paebatsi. Ichamonae jeye: “Bapon apara pejuntu coyene xanepanaein”, jei. Ichamonae jeye: “Buu, metha jume, apara jiwi muxujainyabeibatsi”, jei barapomonae.

<sup>13</sup> Ichitha dapon aibi pon pentha pejume jinaewa jiwi peitatha xua Jesús peyabara paebiwatsi, tsipei judiomonae pia pentacaponae wi tatsi cunuwatsi.

<sup>14</sup> Poxonae cuatro po maticabinbe yapucaewa xua poxonae judiomonae po maticabintha nacae-tuba, bapoxonae Jesús joniya Nacom pin pia botha. Matautano baxota tamropata pitaba xua pecuidubiwa jiwitha.

<sup>15</sup> Bapoxonae judiomonae yabara najuntu cui coyene cabenaeca pocotsiwa Jesús beta caununaya pepaebiwa. Yawano najei:

—¿Eta xua metha bapon bichocono yaputane diwesi bequein jopa nacuidubiyo diwesi xua jopa barichiyo xua waxainchi wepu wanacuidu-biwatsi diwesi? jei.

<sup>16</sup> Jesús jume nota barapomonaē, jeye:

—Po diwesi jiwi cuiduban apara jopa barompaya tacuidubi coyenewa. Saya apara Taxa pia pecuidubi coyenewan tatsi jiwi cuiduban, pon tanecui itorobixae baxua. <sup>17</sup> Icha ichan ichichipa exana pocotsiwa Nacom ichichipa, bapon necayabara yaputaena xua po coyene tacuidubi coyenewa. Bapon yaputaena icha metha bara cuiduban pocotsiwa Taxa neitoroba, xuano xua ichacuitha icha metha apara cuiduban pexeinya peayapusa itorobi coyenewatha po coyene xua tawa xua saya tacoutha ichichipan.

<sup>18</sup> Pon barompaya pia diwesi pia coutha nayabara paeba, apara bapon pia xua wanae yabara paebichi xua jiwi wanaeya peyabara paebiwa tsane. Ichitha ichan pon ichichipa xua jiwi Nacom wanae pejainchiwatsi pon Nacom bapon peitorobixaetsi, bapon jame po diwesi pexainyei diwesi paeba. Bapon jame jopa pemuxuitorobin jiwi.

<sup>19</sup> “Moisés paca cata pia peitorobi coyenewa. Daichitha jopa pacayabara jume cui cowantsiya exanaem. Bequein Moisés paca cui itoroba xua bepa pinae jopa jiton pabexubim tsane. Dapo jumetha, ¿eta xua metha paichichipame xua pata tanebexubiwam?” jei Jesús.

<sup>20</sup> Daxita barapomonaē Jesús jume notatsi, jeye:

—¡Apara cou cauri xeiname! Dapon apara aibi pon cabexubapaeba, jei judiomonaē.

<sup>21</sup> Jesús jume barai barapomonaē, jeye:

—Daxita paxam payabara najanta cui coyene cabenaecame, tsipei pebin axaibi exanan po matabitha pentaquei seicae matabitha.

<sup>22</sup> Ichitha paxam iru panacuiteibame barapo matabitha. Moisés paca cata pia peitorobi coyenewa xua pexui painya newi thabiwa xua ichaxota pebiwichi xeinatsi xua ichaxota nareixacaena xua ocho po matabibetha poxonae yapu othopeiba. Ichitha Moisés jopa tamropata pitabiyo baxua, saya jame painya amo susato jiwí tamropata notarucapa baxua. Poxonae ocho po matabibe yapu othopeiba pawí thabame pebin wutixi bequein poxonae pentaquei seicae matabi pataetham.

<sup>23</sup> Paxam paichichipame xua painya yabara jume cui wetsiwa xua pocotsiwa Moisés paca cui itoroba. Daxota pexui pebin wutixi pawí thabame ichaxota pebiwichi xeinatsi xua ichaxota nareixacaena bequein pentaquei seicae matabi pataetham poxonae. Icha bara paichim pentaquei seicae matabitha, ¿eta pocotsiwa metha pana necasebame xua pebin axaibi taexanaexae pentaquei seicae matabitha?

<sup>24</sup> Painya xoba pebin payabara paebame xua penatsicuentisiwa xua abe peexanaexae Nacomtha poxonae cataunxuae jopa payaputaem pocotsiwa pebin abe exana. Jame metha copiya pacui yaputaema xua icha bara metha pebin abe exana tsipei methapara barapo pebin xanepanaya exana.

*Meje yabara xua Jesús yabara paeba xua ichaxota copiya popona*

<sup>25</sup> Pomonae Jerusalén tomaratha jinompa, poxonae barapomonae Jesús baxua jume tainchi, nayainyaba. Barapomonae najei:

—¿Metha apara baponje, pon yabara paebatsi ichamonae xua bepa pinae pon bexubichi?  
<sup>26</sup> Bapon apara jiwi peitabaratha paebuncuajeba. Ichitha dapon aibi pon pejume matawentsiwatsi bapon. ¿Metha poxoru pentacaponae wi bapon yabara nanta xeinatsi xua bapon barapara Mesías pon Nacom itoroba daxota jopa pejumeyo barapomonae? <sup>27</sup> Ichitha waxainchi yaputainchi xua ichaxota werena pona bapon. Jame poxonae Mesías patopaena dapon ajibi tsane pon yaputaena xua ichaxota werena peponaewa Mesías, jei barapomonae, pomonae Jerusalén tomarapiwi.

<sup>28</sup> Jesús cuiduba jiwi Nacom pin pia botha tatsi. Poxonae Jesús baxua jume tane pocotsiwa jiwi paeba, bapoxonae Jesús jume daunweya wawai, jeye:

—Pana neyabara cananta xeinaeya yaitaneme. Yawa pana neyabara nanta xeiname xua payaputaneme xua ichaxota werena taponae wa. Apra jopa tsipatopaeinyo xua taexanaewanexa pocotsiwan ichichipan tacoutha. Mexeya apra daxota tsipatopan ichun tana neitorobixae pon xua yabara jume xainyeichi xua barapon bara eca peitabocotha. Bapon paxam jopa payaputaem.  
<sup>29</sup> Bapon bara yaitan tsipei bapon pexainya wetsica ponan. Mataatano bapon neitorobica, jei Jesús.

<sup>30</sup> Bapoxonae bequein barapomonae ichichipa xua Jesús pewaetabiwatsi, ichitha Jesús jopa waetabichi tsipei cataunxuae Jesús pia matabi jopa tapatopeicaetsi. <sup>31</sup> Pin bicheitomonae Jesús



yabara jume cowantatsi xua Jesús apara bara Mesías. Barapomonaē Jesús yabara jeichichi:

—Barapo pebin pexeinya petsita itatsi coyenewan exana be pocotsi coyene bayatha Nacom peitorobi jume pepaebiwi paeba xua juinya pinae Mesías pocotsiwa exanaena, jei barapomonaē.

*Meje yabara poxonaē fariseomonaē itoroba policiamonaē xua Jesús pewaetabiwa tsainchi*

<sup>32</sup> Bapoxonaerū fariseomonaē jume tane pocotsiwa jiwi Jesús yabara baraichi: “Bapon apara Cristo”, xua jei jiwi. Nexata bapoxonaē fariseomonaē irarū sacerdotemonaē pia pentacaponawewi tatsi, daxita barapomonaē itoroba policiamonaē Nacom pin pia bo beya xua Jesús pewaetabiwa tsainchi. <sup>33</sup> Nexata Jesús jei jiwitha:

—Saya caeto paca barū popoinchi. Bapoxonaē pirapaeyo equeicha tacoya beicha Taxa beicha ponaēin pon tana neitorobixae. <sup>34</sup> Paxam pana newenawenam tsane ichitha jopa pana necaxinaem tsane. Tsipei jopa paca itacūpae tsane xua painya neponaewa xua ichaxota taponawewa tsane, jei Jesús.

<sup>35</sup> Nexata judiomonaē caemonaē nayainyaba, najei:

—¿Exota metha bapon ponaena xua jopa waxaxinaewa tsainchi? ¿Metha icha judiomonaetha ponaena jampa po judiomonaē icha nacua warena pona po judiomonaē griegomonaē barū jionompa jampa? Metha pia bapoxonaē bapon cuidubichi barapo judiomonaē, griegomonaeno.

<sup>36</sup> ¿Eta xua metha baxua caunuta poxonaē naca

jei: ‘Paxam pana newenawenam tsane ichitha jopa pana necaxinaem tsane, tsipei jopa paca itac<sub>u</sub>pa<sub>e</sub> tsane xua painya neponaewa xua ichaxota taponae<sub>u</sub> tsane’, poxona<sub>e</sub> xua naca jei? najei judiomona<sub>e</sub>.

*Meje yabara poxona<sub>e</sub> Jesús yabara paeba xua ira b<sub>u</sub>x<sub>u</sub>pana mene epatoyaya ichawa beya mene pona*

<sup>37</sup> Po matabi opi ducuanayaba xua po mataqueitha judiomona<sub>e</sub> nacaetuta xua penabanaenexa pexaewa, barapo matabi bichocono peainya cui matabi. Barapo matabitha Jesús uncua jiwi peitabaratha tatsi. Matautano jume daunweya wawaya jeye:

—Icha ich<sub>u</sub>n meratsipa, b<sub>u</sub> pona xan berena xua peapaenexa mera. <sup>38</sup> Nacom Pejume Diwesitha paeba: Pinae pon tana nejume cowantsiwa bichocono j<sub>u</sub>nt<sub>u</sub> coyene y<sub>u</sub>y<sub>u</sub>ca exanaponaeinchi po coyene xua tana nejume cowantsiwa, icha be pinae mene ichi tsane po mene ira b<sub>u</sub>x<sub>u</sub>pana mene, po mene xua ichawa beya epatoyaya mene pona bichocono pemene nay<sub>u</sub>ca ponaexae, jei Jesús.

<sup>39</sup> Baxua Jesús paeba, xua pomona<sub>e</sub> pejume cowantsiwa tsainchi, barapomona<sub>e</sub> pinae xeinaena Nacom pia Pejumope t<sub>u</sub>nax<sub>u</sub> tatsi. Ichitha cataunxuae Nacom pia Pejumope t<sub>u</sub>nax<sub>u</sub> tatsi aichica. Tsipei cataunxuae Jesús jopa t<sub>u</sub>paeyo naetotha. Matautano tsipei cataunxuae jopa ponaeyo Nacom beicha. Bapoxona<sub>e</sub> bexa tsane barapomona<sub>e</sub> pomona<sub>e</sub> Jesús pejume

cowantsiwichi xeinaena Nacom pia Pejumope  
tɨnaxɨ tatsi.

*Mejeyabara poxonae jiwi Mesías yabara najume  
matsontsonobatsi*

<sup>40</sup> Baxota irɨrɨ ena ichamonae pomonae Jesús  
jume tainchi poxonae yabara paeba mera. Bara-  
poxonae barapomonae najume matsontsonobiya  
paeba. Ichamonae jeye:

—Apara barapo pebin pon Nacom peitorobi  
jume pepaebin, pon wɨnae ewatatsi, pon bewa  
juinya patopaena, jei.

<sup>41</sup> Ichamonae jeye:

—Apara barapo pebin, bapon apara Mesías pon  
Nacom itorobeicapaeba peitaboco wetsica, jei.

Ichitha ichamonaerɨ jeye:

—Jume apara, apara Mesías aibi, tsipei  
Mesías jopa patopaeyo Galilea nacua werena.

<sup>42</sup> Tsipei Nacom Pejume Diwesitha jeye: ‘Bapon  
Mesías itorobarecaein. Bapon Mesías David pia  
pemomoxi susato jiwanapin tatsi, pon caena  
bayatha Judea nacuamonae itorobiya pia pepa  
peewatsinchi tatsi naexana. Bapon Mesías Belén  
tomaratha naexanaena, po tomaratha David  
ichaxota popona bayatha’, jei Nacom Pejume  
Diwesitha, jei barapomonae.

<sup>43</sup> Daxota pinmonae najume matsontsonoba,  
tsipei daxita barapomonae Jesús ichawa  
beya barompaya yabara nanta xeinatsi.

<sup>44</sup> Barapomonae jiwanamonae bequein ichichipa  
xua Jesús pewaetabiwatsi, ichitha dapon aibi pon  
Jesús pewaetabiwatsi.

*Meje yabara poxonae pentacaponae jopa  
Jesús yabara jume cowantichi*

<sup>45</sup> Barapoxonae policiamonae pomonae Nacom pin pia bo peyapu eenaewi nawibiya fariseomonae beya yawa sacerdotemonae pia pentacaponae tatsi beyano. Daxita barapomonae policiamonae yainyabatsi, jeichichi:

—¿Eta xua metha jopa pacarendenaem Jesús? jei daxita.

<sup>46</sup> Barapo policiamonae jume nota barapomonae, jeye:

—¡Dapon aibi ichan pon beta pepaebiwa, icha bapon ichi xua beta wanaeya paeba! jei.

<sup>47</sup> Daxita nexata barapomonae policiamonae jume notatsi, jeye:

—¿Paxam iruru jiwi pacui jurame, xua iruru pajume cowantame bequein bara bapon paca muxuitoroba? <sup>48</sup> Tsipei apara jopa payaputaem xua judiomonae pia pentacaponae tatsi jopa yabara jume cowantsiyo bapon. Iru fariseomonae pia pentacaponae tatsiru jopa yabara jume cowantsiyo bapon. <sup>49</sup> Pomonae Jesús jume cowantatsi apara barapomonae jopa yaputaeyo pocotsiwa Nacom paeba pia peitorobi jumeintha. Barapomonae apara Nacom atene cana exanaena xua petsita natsicuentaetsi xua abe petsita exanaeatsi, jei daxita fariseomonae.

<sup>50</sup> Barapo fariseomonae jiwana pin baxota eca, pon pewan Nicodemo, pon merawitha bayatha Jesús siwa poinchi. Bapon Nicodemo jeye fariseomonaetha xua ichamonaetha:

51 –Waitorobi coyenewatha ba jeichichi: ‘Jopa bewa yabara paebichi pebin xua penatsicuentsiwa xua abe peexanaexae poxonae cataunxuae jopa jume taetsi bapon pocotsiwa exana. Jame copiya matha bewa jume taetsi xua bapon pia coutha nayopita xua pocotsiwa exana’, ba jeichichi, jei Nicodemo.

52 Nexata fariseomona Nicodemo jume notatsi, jeye:

–¿Xam iruru barichim Galilea nacuapin naexaname, po Galilea nacuapiwi jopa beta yaputaeyo? Maisa jame matowa yorobare Nacom Pejume Diwesi. Xain yaputaneme xua dapon aibi pon xua Nacom peitorobi jume pepaebin, pon Galilea nacua werena pona, jei fariseomona.

*Meje yabara poxonae yab<sub>u</sub>yo abe exana poxonae nasi cui wainmeinta icha pebintha bequein pia pebin xeinaetha*

53 Nexata daxita barapomona barompaya pia bon be-iyiya.

## 8

1 Nexata Jesús pona demxuwa beya, po demxuwa pewun demxu Olivowa. 2 Icha matabitha poxonae pentha tsina, bapoxonae equeicha Jesús caibeya pona Nacom pin pia bo tatsi beya. Pinmonae Jesús imoxoyo caquita poinchi. Jesús eca yawa tamropata pitaba xua pecuidubiwa jivi. 3 Bapoxonae judiomona, pomona jivi pecuidubiwi Moisés pia peitorobi coyene tatsi, iruru fariseomona, daxita barapomona carendena petsiriwa

Jesús pia xantha tatsi. Barapomonae cui taepona poxonaе barapo petsiriwa nasi cui wainmeinta icha pebintha bequein pia pebin xeinaetha. Bapoxonaе daxita barapomonae barapo petsiriwa cuaranotatsi pin bicheito itabarayo deca xuano xua Jesús peitabarayo deca tatsi. <sup>4</sup> Daxita fariseomonae irꞑꞑ judiomonaе, pomonaе jiwi pecuidubiwi Moisés pia peitorobi coyene tatsi daxita barapomonae Jesús baraichi, jeye:

—Pon jiwi Necuidubim, paxan jemeicha pacui taeponan xua barapo yabꞑꞑo abe exana, poxonaе nasi cui wainmeinta icha pebintha bequein pia pebin xeinaetha. <sup>5</sup> Moisés pia peitorobi coyenewatha naca tsipaeba xua pinae bewa tꞑꞑa exanaetsi ibowantha powaxi poxonaе barapo coyene exana xua abe exana. ¿Incane irꞑ xamdꞑ? ¿Jinya eta xua pana netsipaebichi xua pata cana exanaewa bapowatha? jei.

<sup>6</sup> Baxua naemata Jesús yainyabatsi, pia poxonaе Jesús abeya jume notsina bapoxonaе pia barapomonae Jesús abe yabara paebichi. Nextata bapoxonaе Jesús irabe taeuncuareca yawano ira tinano pecobesitha. <sup>7</sup> Tsipei barapomonae matowa Jesús yainyabatsi, daxota Jesús equeicha nantacotaxuba. Yawano barai barapomonae, jeye:

—Caein paxam jiwana pam, pon bapana jopa abe exanae, bꞑ bapon jame copiya matha bapowa cuintabatsi ibototha, jei Jesús.

<sup>8</sup> Equeicha Jesús irabe taeuncuareca. Yawano equeicha Jesús ira tina pecobesitha. <sup>9</sup> Ichitha

poxonae barapomonae Jesús jume tainchi, bapoxonae daxita barapomonae barompaya nanthuthu cayabara nanta xeina xua iruru abe exanaru barapomonae. Daxita barapomonae Jesús pia xainya weya tatsi tsana nanatsixibapona. Copiya penapataewi pona, bapoxonae cotacaya ichamonae nawibiya, beya jiwaibi. Saya meisa barapo yabuyo compa uncuca Jesús pia xantha tatsi. <sup>10</sup> Bapoxonae Jesús equeicha nantacotaxuba. Yawa Jesús tane barapo yabuyo xua compa uncuca pia xantha tatsi. Jesús barai yabuyo, jeye:

—¿Incane dapomonae? ¿Dapomonae aibi pomonae cayabara paeba xua nenatsicuentisiwa xua abe neexanaexae Nacomtha? jei Jesús.

<sup>11</sup> Barapowa Jesús jume notatsi, jeye:

—Jume, Tanecanamataxeinaein, dapomonae aibi pomonae neyabara paeba xua tanatsicuentisiwa xua abe taexanaexae Nacomtha, jei.

Nexata Jesús barai bapowa, jeye:

—Xan iruru jopa cayabara paebi tsainchi xua nenatsicuentisiwa xua abe neexanaexae Nacomtha. Nawiyama, equeicha jopa abe peexanae cuiru coyene exanaeinde, jei Jesús.

*Meje yabara poxonae Jesús namchi, jeye: “Icha pecoicha ichi xua jiwi beta tane cana exainchi merawi, barichin xan jiwi cana exanan xua Nacom beta peyaputaewatsi”, jei Jesús*

<sup>12</sup> Equeicha Jesús tsipaeba jiwi Nacom pin pia botha. Jesús jeye:

—Icha pecoicha ichi xua jiwi beta tanecana exainchi merawi, barichin xan jiwi cana exanan

xua Nacom beta peyaputaewatsi xua pomonaē jinompa po cae pin nacuathe. Pon nejume cowanta, bapon xeinaena peajuntuyaruswa, po peajuntuyaruswa ataya tsiteca xua bapon jopa abe peexanaenexa, jei Jesús.

<sup>13</sup> Nexata fariseomonaē Jesús baraichi, jeye:

—Xam apara jinya coutha nayabara diwesi pae-bame, daxota jopa be paca jume cowantichi tsipei jopa ainya cuiyo pocotsiwa pae-bame, jei fariseomonaē.

<sup>14</sup> Jesús jume nota barapomonaetha, jeye:

—Xua xan nayabara diwesi pae-ban, baxua apara xainyan, bequein bara tacoutha nayabara diwesi pae-ban saya. Tsipei yaputan ichaxota werena taponae-wa xua ichaxota beya taponae-wa tsane. Ichitha paxam jopa payaputaem ichaxota werena taponae-wa xua ichaxota beya taponae-wa tsane. <sup>15</sup> Paxam jiwi payabara pae-bame xua penatsicuent-siwa xua abe peexanaexae Nacomtha saya xua poxonaē pataneme xua exana icha po cae pin nacuathepiwi ichi. Xan jopa bapana jiwi yabara pae-binyo xua penatsicuent-siwa xua abe peexanaexae Nacomtha saya xua poxonaē tan xua exana. <sup>16</sup> Icha jiwi yabara pae-ban xua penatsicuent-siwa xua abe peexanaexae Nacomtha bara pexainyei coyeneyatha exanan.

Tsipei jopa bapana companyo poxonaē jiwi yabara pae-ban xua penatsicuent-siwa xua abe peexanaexae Nacomtha tsipei Taxa Nacom nebar<sub>u</sub> exana baxua pon tana neitorobixae. <sup>17</sup> Painya itorobi coyenewatha jeye: ‘Icha icha<sub>n</sub>be nanta jupaeya yabara pae-babe pocotsiwa tanebe



bewa baponbe pajume cowantsiname tsipei baxua apara ainya cui', jei. <sup>18</sup> Xan tacoutha nayabara diwesi paeban. Iruru Taxa neyabara diwesi paeba, pon tana neitorobixae. Daxota Taxa pana nacueyatanbe, jei Jesús.

<sup>19</sup> Nexata barapomonaе Jesús yainyabatsi, jeye:  
—¿Incane Axa, exota poponara? jei.

Jesús jume nota, jeye:

—Paxam jopa pana neyaitaem, matautano Taxa jopa payaitaem. Icha pana neyaitaetsipame bapoxonaе metha payaitaetsipame Taxa, jei Jesús xua fariseomonaе tsipaebatsi.

<sup>20</sup> Baxuan Jesús caunuta poxonaе tsipaeba jiji Nacom pin pia botha tatsi. Jesús imoxoyo uncua ichaxota jiji jeba paratixi Nacom nexa. Dapon aibi pon Jesús pewaetabiwatsi, tsipei Jesús pia matabi cataunxuae taaichicatsi.

*Meje yabara poxonaе Jesús namchi: “Jopa paca itacapae tsane xua painya neponaewa tsane ichaxota taponawa tsane”, jei Jesús*

<sup>21</sup> Equeicha Jesús jeye barapo fariseomonaetha:

—Bexa equeicha caibeicha ponaein. Paxam pana neitaxanaename painya tapaca cayawenaenexa tsainchi abe painya neexanae cuiru coyenein weya. Jopa paca capanepae tsainchi abe painya neexanae cuiru coyenein weya xua poxonaе pawerapaename. Jopa paca itacapae tsane xua painya neponaewa ichaxota taponawa tsane, jei Jesús fariseomonaetha.

<sup>22</sup> Nexata judiomonaе caemonaе najei:

—¿Eta pocotsiwa metha bapon naca tsipaeba xua pinae jopa tae tsainchi xuano xua pinae jopa

naca itacupae tsane xua waponaeewa ichaxota bapon peponaeewa tsane? ¿Metha pia coutha pia nabexuichi? jei judiomonae.

<sup>23</sup> Nexata Jesús barai judiomonae, jeye:

—Paxam saya betsiqepiwi pam. Xan seicaya nama athabeicha tapoponaein. Paxam seicaya nama po cae pin nacuathepiwi pam. Xan nama po cae pin nacuathepin aibi. <sup>24</sup> Daxota bayatha paca jeichi: ‘Paxam jopa paca capanepae tsainchi abe painya neexanae cuiru coyenein weya poxonae pawerapaename’, jan. Tsipei jopa pana neyabara jume cowantsim po coyene xua bara tana neitacupaewa xua tapaca cayawenaewatsi, daxota pamuxuna werapaename abe painya nexanae cuiru coyenein, jei Jesús judiomonaetha.

<sup>25</sup> Nexata barapomonae Jesús yainyabatsi, jeye:

—¿Jintam xamda? ¿Etapo jitom? jei.

Jesús jume nota barapomonae, jeye:

—Poxonae aena tamropata pitaban xua paca cuidubatsi, bapoxonae bayatha nayopichiya paca tsipaebatsi po coyene xua ichaxota werena taponaeewa. <sup>26</sup> Acoibi nawita xua yabara tapaca tsi-paebiwatsi po coyene xua abe peexanae cuiru coyenein painya neexanaewa xua daxota Nacom patsita natsicuentame xua abe painya neexanaexae Nacomtha. Taxa neitoroba xua jiwi tatsi-paebiwa pocotsiwa bayatha Taxa jume tan. Taxa bara yatsicaya jume xainyeya paeba, jei Jesús.

<sup>27</sup> Ichitha barapomonae jopa yaputaeyo poxonae Jesús jeye Nacom yabara: “Taxa”, jei xua apara Paxa caunuta, pon Nacom. <sup>28</sup> Daxota Jesús barai barapomonae, jeye:

—Poxonae paxam naetotha pana necobe matatabarutsiname xan ponxaein Nacom Tananeitapetsinxae, bapoxonae pana neyaputaename xua deta cou apara barapo jiton xan. Matautano pana neyaputaename xua xan jopa tacoutha nayabara paebinyo, saya xua cueicueijan pocotsiwa Taxa necuiduba. <sup>29</sup> Tsipei pon neitoroba apara nebar<sub>u</sub> popona. Taxa bapana jopa compa popona neexanae tsipei saya exaneiban pocotsiwa Taxa tsita xanepanatsi, jei Jesús.

<sup>30</sup> Poxonae Jesús baxua caunuta pinmonae judiomonae Jesús jume cow<sub>u</sub>ntatsi.

*Meje yabara poxonae Jesús yabara paeba Nacom pijimonae tatsi ir<sub>u</sub> pomonae caurimonae pia pentacaponaein tatsi piamonae tatsi*

<sup>31</sup> Nexata bapoxonae Jesús barai judiomonae, po judiomonae Jesús pejume cow<sub>u</sub>ntsixaetsi. Jesús jeye:

—Icha paxam xanepanaya pana nejume cow<sub>u</sub>ntsiya exanaponaeya jinompaename pocotsiwa tapaca tsipaebiwatsi, bapoxonae bara pepa tajimonae pam tsane. <sup>32</sup> Bapoxonae payaputaename po coyene pexainyei coyenewa. Matautano papanenebiyaename pexainya weya pon paca itoroba xua abe painya neexanaewa, jei Jesús.

<sup>33</sup> Barapo judiomonae, Jesús jume notatsi, jeye:

—Apara paxan Abraham pia pemomoxi susato jiwi tatsi pan. Dapon aibi pon pana itoroba xua pata taexanaewa poxonae pana itoroba xua poxonae pana busi tatane. ¿Eta pocotsiwa metha

pana nejam: ‘Paxam papanenebiyaename pexainya weya pon paca itoroba xua abe painya neexanaewa’, pana nejam? jei pomonae Jesús jopa jume cowantichi.

<sup>34</sup> Jesús barai barapomonae, jeye:

—Xaniyan paca tsipaebatsi daxita pomonae xua abe peexanae cuiru coyenein exana barapomonae bara exana po coyenein pia pepon itorobatsi icha jiton ichi pon amanaya tanacuita ichan xua poxonae bewa exanae pocotsiwa peitorobixaetsi poxonae busi cui tatainchi.

<sup>35</sup> Pon ba amanaya tanacuita ichan, bapon ba apara piamonae aibi pomonae peitorobixaetsi, tsipei bapon pebusi cui taetaeinchi. Ichitha pon ba xua ichan pexantoxae tatsi, bapon ba ataya pexanto tatsi bara piamonae pexeinaexae bapon.

<sup>36</sup> Daxota xan Nacom Pexanton, icha panenebiya paca cana exainchi caurimonae pia pentacaponaein tatsi weya, pon xua paca itorobeiba xua abe painya neexanaewa, barapoxonae bara ataya paca capanenebiya tsoponeibi tsainchi bapon pexainya weya tatsi.

<sup>37</sup> Bayatha yabara paca yaputainchi xua Abraham pia pemomoxi susatopiwi tatsi pam. Daichitha paichichipame xua pana nebexubame, jopa painya neichipaexae xua painya nejume taewa pocotsiwa paca tsipaebatsi.

<sup>38</sup> Xan yabara paeban po coyenein xua Taxa netsita ituta. Paxam paexaname xua po coyenein painya axa paca itoroba, jei Jesús.

<sup>39</sup> Barapomonae Jesús jume notatsi, jeye:

—¡Pata tamo susatopin pon be pata taxa patsicotan, bapon apara Abraham! jei barapomonae.

Ichitha Jesús jume barai, jeye:

—Icha bara Abraham pia pexui tatsi pam tsi-paem, metha bara paexanaetsipame pocotsiwa bapon bayatha caena exana. <sup>40</sup> Bequein bara paca tsipaebatsi po coyene pexainyeiwa xua po coyene Nacom necuiduba, ichitha paichichipame xua pana nebexubame. Apará Abraham jopa bapana baxua daichi. <sup>41</sup> Paxam bara barapocotsiwa paexaname pocotsiwa painya axa exana, jei Jesús.

Nexata barapomonaé Jesús baraichi, jeye:

—Paxan dapomonaé pan aibi pomonaé piacoibi jiwí pan, tsipei pata taena jopa nasi cui wain-meinchiyo. Paxan xaniwaicha payaputan xua bara compa painta pata taxa, bapon Nacom, jei barapomonaé.

<sup>42</sup> Nexata Jesús jume barai, jeye:

—Icha bara Nacom pia pexui pam tsipaem metha pana neantobe tsipaem. Tsipei Nacom bapon pia xainya wetsica ponan, anoxuaeno bara uncuanje. Apará jopa daxua tsipatopaeinyo xua tacoutha tana nayabara paebiwa tsane. Saya patopan poxoru Nacom neitoroba. <sup>43</sup> Paxam jopa payaputaem xua paca tsipaebatsi poxoru jopa be painya nejume taexae baxua pocotsiwa paca tsipaebatsi. <sup>44</sup> Caurimonaé pia pentacaponaein tatsi, bapon apará painya axa. Barapo caurimonaé pia pentacaponaein tatsi bapon piamonaé tatsi pam daxota paexaname pocotsiwa bapon paca itoroba. Barapo caurimonaé pia pentacaponaein tatsi jiwí jutebapoinchi poxonaé Nacom aena nacua forota weya, xua beya anoxuae. Bapon bapana jopa xainyeya pepaebin tsipei

po juntu coyene Nacom xainyeya peyabara pae-biwatsi jopa xeinaeyo. Poxonae bapon naerabiya paeba, baxua paeba tsipei barapo penaerabi juntu coyene xeina. Bapon jiwi itorobatsi xua jiwi naerabiya pepaebeibiwa tsane. <sup>45</sup> Paxam bapon piamonae tatsi pamxaem daxota jopa xaniwaicha pana nejume cowantsim pocotsiwa xainyeya tapaebiwa. <sup>46</sup> Paxam caein jiwana pam dapon aibi pon tana neyabara jeiwa: ‘Maisa bapon abe exana’, pon tana neyabara jeiwa. Bequein bara pexainyei jume paca tsipaebatsi dai-chitha jopa pana nejume cowantsim. <sup>47</sup> Pon ba Nacom piamonae tatsi baraba namuxu naewata pocotsiwa Nacom paeba. Paxam apara jopa Nacom piamonae tatsi pam, daxota jopa bepajume cowantsim pocotsiwa Nacom paeba, jei Jesús xua judiomonae tsipaebatsi.

*Meje yabara poxonae Jesús namchi: “Poxonae cataunxuae Abraham jopa poponaeyo, caena bay-atha tsiwanaya ataya poponeiban”, jei Jesús*

<sup>48</sup> Nexata equeicha judiomonae Jesús baraichi, jeye:

—Bara xainyeya paca yabara paebatsi poxonae pana najan: ‘Bapon apara Samaria nacuamon-aepin, apara cauri xeina’, poxonae paca yabara jeichichi, jei judiomonae.

<sup>49</sup> Jesús jume nota, jeye:

—Xan apara cauri jopa nebaru poponaeyo. Saya xua exanan bara pocotsiwa jiwi cana exanan xua Taxa wnae pejainchiwatsi, ichitha nama paxam pana necasebame, saya abeya pana neyabara paebame. <sup>50</sup> Jopa netsita ainya cuiyiyo xua jiwi

wɥnae tana nejainchiwa. Bequein Taxa ichichipa xua jiwi wɥnae tana nejainchiwa. Bapon Taxa yabara paebina jiwi pomonae xua abe peexanaewa xua penatsicuentsiwa xua abe petsita exanaexaetsi. <sup>51</sup> Xaniyan paca tsipaebatsi pon nejume cowɥntsiya exanaena pocotsiwa paeban, bapon jopa bapana tɥpae tsane, jei Jesús.

<sup>52</sup> Bapoxonae judiomonae Jesús jume notatsi, jeye:

—Bara xaniwaicha payaputan xua xam cabarɥ popona cauri. Abraham irɥrɥ pomonae Nacom peitorobi jume pepaebiwi daxita barapomonae caena bayatha werapa. Ichitha xam pana nejam: ‘Pon nejume cowɥntsiya exanaena pocotsiwa paeban, bapon jopa bapana tɥpae tsane’, pana nejam. <sup>53</sup> ¡Xam apara jopa toxeincha ainya cuim Abraham pon pata tamo susatopin! Bapon caena bayatha tɥpa irɥrɥ caena bayatha werapa pomonae Nacom peitorobi jume pepaebiwi. ¿Eta xua metha jinya coutha nanta xeiname xua ichamonae cayabara nanta xeinaena xua xam pon peainya cui jitom? jei judiomonae.

<sup>54</sup> Jesús jume nota, jeye:

—Icha saya compa xan tacoutha wɥnae najaintan baxua jopa xapain wɥnaeyo. Jame pon wɥnae nejainta bapon apara Nacom, pon payabara jam: ‘Apara pata Taxa, bapon Nacom’, pajam. <sup>55</sup> Bequein baxua papaebame daichitha jopa xapain payabara yaputaem Nacom. Xan Nacom yaputan. Ichitha icha jan tsipaein: ‘Bapon jopa yaputaeyo’, jan tsipaein, metha apara naerabichipan icha paichim xua naerabiya papaebame poxonae. Ichitha xan yatsicaewa

yaputan Nacom daxota bara baxuan itapeta exanan xua pocotsiwa tana neitorobixae pon Taxa bapon Nacom. <sup>56</sup> Abraham painya amo susatopin bayatha yabara wɛnae yaputane xua tapatopaewa tsane po cae pin nacuathe tsique. Daxota bapon bichocono jɛntɛ coyene weiweina. Bara xainyei patopan po cae pin nacuathe tsique daxota bichocono jɛntɛ coyene weiweina bapon.

<sup>57</sup> Nexata judiomonae Jesús baraichi, jeye:

—Apara pena jitom cataunxuae, jopa xeinaem apara cincuenta po weibe. ¿Eta pocotsiwa metha jam: ‘Abraham tan’, jam? Bara caena bayatha Abraham tɛpaba, jei judiomonae.

<sup>58</sup> Jesús jume nota, jeye:

—Xaniyan paca tsipaebatsi poxonae cataunxuae Abraham jopa poponaeyo caena bayatha tsiwanaya ataya poponeiban, jei Jesús judiomonae.

<sup>59</sup> Nexata bapoxonae barapomonae anaepanaya ibowan notarɛɛpa pecuinbabinexatsi Jesús. Ichitha Jesús nantsiyataraba yawa ponataba Nacom pin pia bo weya. Jesús xenta iya, barapomonae pia xainya iya tatsi.

## 9

*Meje yabara poxonae Jesús axaibi exana pon peitata nacɛtsin, pon xua pexuyotha yawa naexana*

<sup>1</sup> Irɛrɛ Jesús Nacom pin pia bo weya barɛ pona pijimonae xua poxonae namtotha barɛ ecapona. Bapoxonae Jesús caxina pebin pon peitata nacɛtsin xua pon pexuyotha yawa naexana.

<sup>2</sup> Jesús pijimonae yainyabiyatsi, jeye:



—Patatanecuidubim, ¿eta pocotsiwa metha bapon itata nacutsiya naexana? ¿Metha poxoru paxa tatsi abe exana? ¿Metha poxoru pena tatsi abe exana? ¿Ichacuitha metha tsipae poxoru bapon pia coutha abe exana? jei barapomona.

<sup>3</sup> Jesús pijimona jume barai, jeye:

—Jume apara, jopa apara itata nacutsiyo poxoru abe peexanaexae bapon. Matautano jopa apara baxua xua paxa tatsi abe peexanaexae. Matautano jopa apara baxua xua pena tatsi abe peexanaexae. Jame apara bapon itata nacuta xua jiwi peyaputaenexa xua Nacom peayapuswa xeina xua axaibi peexanaenexa tsainchi bapon.

<sup>4</sup> Jiton ba nacuita poxona cataunxuae pentha tsuncuae. Poxona quirei tsuxubi pebin ba jopa itacupaetsi xua penacuichiwa. Xan barichin. Poxona cataunxuae poponan po cae pin nacuathe bewa exanaein tanacuichiwa. Barapo tanacuichiwa apara pia penacuichiwa tatsi pon tana neitorobixae. Poxona tupaen jopa neitacupa tsane xua taexanaewa barapo tanacuichiwa xua bayatha Nacom neitoroba.

<sup>5</sup> Poxona cataunxuae po cae pin nacuathe poponanje jiwi yawenan xua Nacom beta peyabara yaputaewa tsainchi, icha jiton ichichi pecoicha xua yawenatsi merawi xua beta penecotsiwa, jei Jesús pijimonaetha.

<sup>6</sup> Poxona Jesús baxua najume weta, bapoxona iratha naone sutaba, yawa peonetha tsoroboyo nacobena ponaxuba. Bapoxona Jesús barapo tsoroboyotha itacuere caxueba peitata nacutsin.

<sup>7</sup> Nexata Jesús barai bapon, jeye:

—Ponare fetiyo beya, po fetiyo pewan Siloé. Barapo Siloé fetiyotha naitacuere waexore, jei Jesús. (Barapo Siloé fetiyo wan jei: “Po fetiyo Nacom itoroba”, jei.)

Pon peitata nacutsin pona fetiyo beya naitata waexubano. Poxonae equeicha bapon caibe iya Jesús beya, nama bara itacupatsi xua petaewa.  
<sup>8</sup> Bapon pia petsicuarabun enaewichi tatsi, irano pomonae pecui yaputaexaetsi xua poxonae bapon aitatabeya popona daxita barapomonae bapon yabara natsipaebatsi. Ichamonae jeye:

—¿Apara baponda pon iratha jiwi wunquequeibara paratixi? jei.

<sup>9</sup> Ichamonae jeye:

—Aa, apara bapon, pon iratha jiwi wunquequeiba paratixi, jei.

Ichamonae jeye:

—Apara bapon aibi. Saya apara be bapon, jei.

Ichitha pon peitata nacutsin pia coutha jeye:

—Apara bara xan tsocuaein, jei.

<sup>10</sup> Nexata daxita barapomonae peitata nacutsin yainyabatsi, jeichichi:

—¿Eta xua metha anoxuae taneme? jei daxita barapomonae.

<sup>11</sup> Pon peitata nacutsin jume nota barapomonae, jeye:

—Pon pewan Jesús, bapon tsoroboyo peonetha nacobena pontaba, bapoxonae barapo tsoroboyotha neitacuere caxueba. Yawa nejei: ‘Fetiyo beya ponare, po fetiyo pewan Siloé. Barapo fetiyotha naitacuere waexore’, nejei. Bara barabeya ponan. Poxonae baxota naitacuere waexuban, bapoxonae bara tan, jei bapon.

<sup>12</sup> Bapoxonae peitata nacutsin yainyabatsi barapomonae, jeichichi:

—¿Incane dapo pebin, pon caaxaibi exana? jeichichi.

Bapon jume barai bapomonae, jeye:

—B<sub>u</sub>, canta jopa taeinyo, jei bapon.

*Meje yabara poxonae pon equeicha xua itata w<sub>u</sub>nae matowa yainyabatsi xua fariseomonae matowa yainyaba*

<sup>13</sup> Pon xua equeicha itata w<sub>u</sub>nae, pomonae pia petsicuarab<sub>u</sub> enaewichi tatsi barapomonae bapon capoinchi fariseomonae beya. <sup>14</sup> Ichitha po mataqueitha Jesús axaibi exana pon peitata nacutsin, xua poxonae tsoroboyo peonetha nacobena pontaba, barapo matabi apara judiomonae pia pentaquei seicae matabi tatsi. <sup>15</sup> Bapoxonae bapon yainyabatsi fariseomonae, jeye:

—¿Eta bichim xua anoxuae jamaisa necotame? jei fariseomonae.

Bapon jume barai, jeye:

—Bapon tsoroboyo peonetha neitacuere caxueba. Bapoxonae naitacuere waexuban meratha. Bapoxonae yawa bara necotan, jei fariseomonae.

<sup>16</sup> Bapoxonae fariseo jiwanamonae bapon baraichi, jeye:

—Pon caaxaibi exana apara Nacom jopa bapon itorobicaeyo, tsipei bapon jopa yabara bar<sub>u</sub> cui itura jinaeyo barapo pentaquei seicae matabi, jei fariseo jiwanamonae.

Ichamonae jeye:

—Icha bapon peajuntucoyenebein, ¿metha nexata eta pocotsiwa pexeinya petsita itutsi coyenewa exana? jei.

Daxita barapo fariseomonae nantiya najume matsontsonoba. <sup>17</sup> Equeicha fariseomonae, pon bayatha itacuere axaibi exainchi, bapon yainyabatsi, jeichichi:

—¿Incane xam, eta xua yabara nanta xeinameru pon caaitacuerexaibi exana? jei fariseomonae.

Bapon jume epa pita, jeye:

—Yaitama bapon neaxaibi exana metha moya bara bapon, pon Nacom peitorobi jume pepaebin, jei bapon.

<sup>18</sup> Ichitha judiomonae jopa bejume cowantsiyo pocotsiwa pon peitata nacutsin bayatha itacuere axaibi exainchi xuano xua anoxuae itacupatsi xua petaewa. Daxota bapoxonae barapo judiomonae pon itacuere axaibi exainchi paxa tatsi wabatsi, yawa pena tatsi wabatsi. <sup>19</sup> Barapo judiomonae jeye coxiyumbetha:

—¿Baponje bara yatsicaya painya nexanto? ¿Apara bara bapon pon bayatha yaitata nacutsiya naexana? ¿Eta bichi xua anoxuae itacupatsi xua penecotsiwa? jei judiomonae.

<sup>20</sup> Barapo coxiyumbenbe jume notabe, jeibe:

—Bara yatsicaewa payaputan xua bapon barapara pata taxanto. Matautano payaputan xua bayatha bapon itata nacutsiya naexana. <sup>21</sup> Daichitha jopa payaputaeyno xua eta bichi xua bapon anoxuae necota. Matautano jopa payaputaeyno xua pon pata taxanto itacuere axaibi exainchi. Paxam moya bara bapon payainyabare. Bu nexata bapon

pia coya paca jume notsina tsipei apara bayatha pinyo, jeibe coxiyɛnbe.

<sup>22</sup> Barapo coxiyɛnbe cunuwa judiomonae cunuwatsi. Tsipei judiomonae bayatha jei: “Pomonae Jesús yabara jume cowɛntatsi, pomonae xua jeye: ‘Jesús apara bapon Mesías pon Nacom itorobica’, pomonae jeye, barapomonae paitawetan pata penacaetutsi bo weya”, jei barapo judiomonae. Daxota barapo coxiyɛnbe pijunuwi jopa jeibe: “Apara bapon Jesús pon Mesías bapon painta taxanto itacuere axaibi exainchi”, jopa jeibe. <sup>23</sup> Daxota barapo coxiyɛnbe barapo judiomonaetha jeibe: “Paxam moya bapon payainyabare. Bɛ nexata bapon pia coya paca jume nota tsipei bayatha pinyo”, jeibe coxiyɛnbe.

<sup>24</sup> Bapoxonae equeicha judiomonae pon itacuere axaibi exainchi yainyabatsi, jeichichi:

—Yatsicaewa xainyeya pana netsipaebare xua irɛrɛ Nacom necajume taenexa. Paxan payaputan xua Jesús bapon apara pon peajɛntɛcoyenebein, jei judiomonae.

<sup>25</sup> Bapon jume nota barapo judiomonaetha, jeye:

—Xan jopa yabara yaputaeinyo xua icha metha bapon pon peajɛntɛcoyenebein. Saya meisa yaputan xua copiya taitata nacɛtsin xuano xua anoxuae neitacɛpa xua tanecotsiwa, jei bapon.

<sup>26</sup> Equeicha barapo judiomonae bapon yainyabatsi, jeichichi:

—¿Eta caitacuere ichi poxonae caaitacuere xaibi exana? jei judiomonae.

<sup>27</sup> Bapon jume nota barapo judiomonae, jeye:

—Bara bayatha paca tsipaebatsiba. Came jopa yabara pana nejume cowantsim. ¿Eta xua metha equeicha bepa baxua matowa paca tsipaebichi? ¿Painya iruru naexanaetsi Jesús pijimonae tatsi? jei bapon.

<sup>28</sup> Ichitha barapo judiomonae bapon biatainchi, jeichichi:

—Xam moya Jesús piamonae jiton tatsi naexande, nama paxan Moisés pia peitorobi coyenewa pata exanaponae jiwi. <sup>29</sup> Paxan payaputan xua Nacom Moisés itorobatsi. Ichitha nama pon caaitacuereaxaibi exana jopa payaputaeyo xua ichaxota werena peponaewa xua ichan peitorobixae, jei judiomonae.

<sup>30</sup> Bapon jume nota, jeye:

—¡Jina! Paxam jopa payaputaem xua bapon Jesús ichaxota werena peponaewa xua bequein painya tana netaewatham xua Jesús tana neaitacuereaxaibi exanaewa. <sup>31</sup> Waxainchi yaputainchi bara, xua Nacom jopa jume naitaewatsiyo pomonaetha pomonae abe peexanaewi xua peyawenaewanexa. Nacom saya meisa jume naitaewata pomonaetha pomonae wanae pejainchixaetsi. Matautano Nacom saya jume naitaewata pomonaetha pomonae peitorobixae xua pia petaexanaewa tsainchi pocotsiwa bapon peichichipaexae. <sup>32</sup> Poxonae aena Nacom nacua forota, bapoxonae xua beya anoxuae, dapon aibi pon ichan itacuere axaibi exainchi pon peitata nacutsin. <sup>33</sup> Icha bapon Nacom jopa itorobichipae, metha bapon jopa itacupaetsipaetsi xua ichan itacuere axaibi peexanaewatsi, pon peitata nacutsin, jei bapon.

<sup>34</sup> Nexata bapon baraichi, jeichichi:

—Daxota itata nacutsiya naexaname tsipei ajantucoyenebeya naexaname. ¡Dacotsiwa apara ichichipame pana necuidubamecai! jei judiomonae.

Bapoxonae bapon itawetatsi judiomonae pia penacaeuttsi bo tatsi weya.

*Meje yabara poxonae Jesús yabara paeba pomonae jopa Nacom yaputaetsi*

<sup>35</sup> Jesús yaputane xua pon bayatha itacuere axaibi exainchi itawetatsi judiomonae pia penacaeuttsi bo tatsi weya, xua judiomonae itaweta. Poxonae bapon Jesús caxina, Jesús jeye:

—¿Xam yabara jume cowantame pon Nacom pia Peitapetsin tatsi? jei Jesús.

<sup>36</sup> Bapon jume barai Jesús, jeye:

—Pon Necanamataxeinaem jiwi, incane netsipaebare, ¿Incane bapon pon Nacom pia Peitapetsin? Bapoxonae tha jume cowantichi, jei pon peitata nacutsin.

<sup>37</sup> Jesús jume nota, jeye:

—Xam apara bapon bayatha taneme pon Nacom pia Peitapetsin tatsi. Pon aunxuaein catsipae-batsi, apara bara xan, jei Jesús xua nabarai.

<sup>38</sup> Nexata bapon pentabocototha uncua Jesús peitabaratha tatsi xua Jesús wnae pejainchinexatsi. Bapon jeye:

—¡Tanecanamataxeinaem, cajume cowantatsi bara! jei bapon.

<sup>39</sup> Bapoxonae Jesús barai, jeye:

—Barapo cae pin nacuathe patopeican xua jiwi tayabara paebinexa xua penatsicuentsiwa

xua abe peexanaexae Nacomtha. Pomonae xua bayatha jopa Nacom cayabara yaputaetsi barapomonae cana exanaein xua barapomonae Nacom cayabara yaputaecinchi. Pomonae xua bayatha bequein nanta xeina xua Nacom cayabara yaputainchi barapomonae cana exanaein xua barapomonae equeicha jopa Nacom cayabara yaputae tsainchi, jei Jesús.

<sup>40</sup> Bapoxonae fariseo jiwanamonae, pomonae Jesús barꞰ uncua, poxonae barapomonae Jesús jume tainchi, Jesús yainyabatsi, jeye:

—¿Apara pana baram xua equeicha jopa payabara yaputaein tsane Nacom? jei fariseo jiwanamonae.

<sup>41</sup> Jesús jume nota, jeye:

—Icha paxam bayatha jopa payabara yaputaemtsipae Nacom, jopa apara painya coutham tsipae xua poxonae abe painya neexanaewa. Ichitha mexeya poxoru pajam: ‘Payaputan Nacom’, pajam daxota apara painya coutham xua bara abe painya neexanaewa, jei Jesús.

## 10

*Meje yabara poxonae Jesús yabara paeba pon oveja pe-enaein*

<sup>1</sup> Equeicha Jesús namchi: “Xaniyan paca tsi-paebatsi diwesi xua pata neyabara yaputaewam tsane. Pebin ba oveja pia curara boupa iya joniya. Ichitha pon peboupa jopa joniyaeyo, saya ecoinya icha muxunene werena, bapon apara pon pecaibin oveja. <sup>2</sup> Pon jame joniya pepa



boupa iya bapon apara pon pe-eenaen oveja. <sup>3</sup> Pon peboupa xatababin, bapon boupa saranax-orena pon oveja pe-eenaen taboupa saranax-orenatsi. Poxonae pon oveja pe-eenaen junuta oveja, barapo oveja jume copi yaputane baxua. Pon oveja pe-eenaen, bapon daxita barapo oveja barompaya pia wɔnxitha junuta. Bapoxonae bapon curara weya mata coniya ovejamona. <sup>4</sup> Poxonae curara weya mata coniya daxita bapon mata caecapona yawa punaenapoinchi pejume copi yaputaexaetsi. <sup>5</sup> Ichitha barapo ovejamona jopa puna ponaeyo ichɔntha, pontha pon jopa yaitaeyo. Saya cuitaya dɔcɔpa tsipei ichɔn jopa jume copi yaputaetsi”, jei Jesús.

<sup>6</sup> Jesús tsipaeba barapomona barapo pecayabara jɔta pepaebi diwesiyo poxonae oveja yabara paeba, daichitha came barapomona jopa yaputaeyo barapo diwesi.

*Meje yabara xua Jesús pon beta pe-eenaen jiwi*

<sup>7</sup> Nexata equeicha Jesús tsipaeba barapomona, jeye: “Icha oveja ichi xua curaratha jojoniya xua peboupa peyawenaexaetsi, barichi jiwi xua Nacom pia nacuatheicha tatsi pata poxoru xanxaein xua tayawenaexae. <sup>8</sup> Daxita pomona net-siwana pata, pomona xua jei: ‘Nacom pana itoroba’, jei, barapomona apara pomona jiwi pemuxujainyabiwi. Ichitha jiwi jopa yabara jume cowɔntsiyo barapomona, icha oveja ichi xua aichaxaibi pepuna ponaewa ichɔntha jopa pejume copi yaputaexae. <sup>9</sup> Xan jiwi tayawenaen daxota pon nejume cowɔnta yawenan xua pepatopaewa Nacom beicha. Icha oveja ichichi

xua merawi curaratha yaboupa xatatabatsi xuano xua mataqueitha yausaranaxorenatsi xua pexaenexa naepanaewa, barichi pomonae tana nejume cowantsiwi barapomonae beta yawenan.

<sup>10</sup> “Pon pecaibin patopa xua saya pecaibinexa oveja, yawa xua saya abe peexanaenexa yawa pebexubinexa. Ichitha nama xan patopan xua jiwi tacatsinexa peajuntuyapuswa, po peajuntuyapuswa jopa weraweracaeyo xua jiwi jopa juniya mataropeichiya xexeinaponae tsane barapo peajuntuyapuswa. <sup>11</sup> Pon beta peenaen oveja, bapon tsitupa pia ovejamonae, tsipei jopa ichichipaeyo xua petajutebiwatsi pia ovejan tatsi xua poxonae pomonae pecaibiwi jutebina. Barapocotsi coyene ichi jiwi beta ta-eenaen. Jiwi tsitupaen xua barapomonae tacapanepaenexa. <sup>12</sup> Ichitha pon tanacuita ichan xua tayapu eena oveja apara saya piaparatichi. Poxonae bapon neutha tane pijunuwi, oveja cuenta naetsiriwa, tsipei barapo ovejamonae pia ovejamonae tatsi aibi. Poxonae neutha icha ovejan teicatsi, bapoxonae icha ovejamonae tsanaothopa. <sup>13</sup> Bapon naetsiriwa tsipei saya oveja eena xua piaparatichi, xuano xua jopa xapain peyabara nanta xeinaexae ovejamonae.

<sup>14-15</sup> “Xan natsicotan be pon ovejamonae beta tayapu eenaen tsipei beta ta-eenaen pomonae tana nejume cowantsiwi. Taxa neyaitane, xuya Taxa yaitan. Barichi yaitan pomonae tana nejume cowantsiwi, xuya barapomonae neyaitane. Xan tana nejume cowantsiwi yaitatsin xua tatsitupaenexa naetotha xua jopa peweraweracaewa tsane barapomonae.

<sup>16</sup> Barichi xeinan icha tana nejume cowuntsiwi pomonae jopa israelmonaeyo. Barapomonae bewa iruru nacaetuta exanaein xantha pomonae caena bayatha tana nejume cowuntsiwi iru pomonaeno xua bexa nejume cowuntsinano. Cae bicheito exanaein. Barapomonae exanaena pocotsiwa itoroban. Matautano xeinaena bara compa xua xan ponxaein beta ta-enaen, icha pebin ichi pon ovejamonae peyapu enaen xua poxonae ovejamonae caetucaetuteta cae curaratha.

<sup>17</sup> “Taxa bichocono neantobe tsipei tsitupaen pomonae tana nejume cowuntsiwi. Ichitha equeicha asun tsane. <sup>18</sup> Dapon aibi pon xua pia coutha tana nebexubiwa. Saya jame poxonae tacoutha ichichipan. Xan itacoxonan xua bara jiwi tatsitupaewa. Matautano itacoxonan xua equeicha asu tapoponaewa tsane petupaewa weya. Baxua itacoxonan xua taexanaewa, Taxa tana neitorobixae”, jei Jesús.

<sup>19</sup> Poxonae barapo judiomonae Jesús baxua jume tainchi, bapoxonae equeicha barapo judiomonae yabara najume matsontsonoba.

<sup>20</sup> Ichamonae judiomonae yainyaba xua icha judiomonae yainyabatsi, jeichichi:

—¿Eta xua metha bapon pajume naitawatame pocotsiwa bapon paeba? ¡Apara matayaibatsi! ¡Cauri xeina aparta! jei judiomonae.

<sup>21</sup> Ichamonae jeye:

—Dapon aibi pon xanepanaya pepaebiwa icha cauri xeina. Caurimonaepin jopa bapana itacupaetsi xua pon peitata nacutsin axaibi peexanaewatsi, jei ichamonae.

*Meje yabara poxonae judiomonae Jesús jume itawetatsi*

<sup>22</sup> Poxonae awubo daxita jiwi nacaetuta Jerusalén tomaratha xua penabanaenexa pexaewa. Barapo penacaetutsi maticabin poxonae nabane jiwi yabara nanta xeina xua caena bayatha piamonae tatsi equeicha xaneba Nacom pin pia bo tatsi poxonae ichamonae abe exana. Barapomonae baxua yabara nacaetuta peyabara pæbinexa xua barapo bo Nacom nexa. <sup>23</sup> Jesús popona Nacom pin pia bo tauchipa boutotha. Barapo Nacom pin pia bo tauchipa bouto pewun Salomón. <sup>24</sup> Baxota judiomonae Jesús imoxoyo caquita umenarucupatsi yawa Jesús jeichichi:

—¿Eta po maticabibe metha ainya muxu pax-einaein xua pata cayabara yaputaewa tsainchi? Icha bara yatsicaya Mesías xam, moya pana net-sipaebare, jei.

<sup>25</sup> Jesús jume nota, jeye:

—Bara bayatha paca tsipaebatsiba ichitha jopa pana nejume yabara cowuntsim. Pocotsiwa xua exanan, xua Taxa tana neitorobixae, baxua apara bara paca tsita naitapeinya xeinatsi xua xan apara bara Mesías. <sup>26</sup> Baxua jopa pana neyabara jume cowuntsim tsipei jopa tajimonae pam be pocotsi coyeneya aunxuae bayatha paca tsipaebatsi. <sup>27</sup> Pomonae tana nejume cowuntsiwi nejume copi yaputane yawa nepuna pona, icha ovejamonae ichi xua jume copi yaputane pontha pon pe-enaexaetsi xuano xua barapo ovejamonae puna pona xua bapon puna poinchí. <sup>28</sup> Tana nejume cowuntsiwi catan peajuntuyarusawa, po

peajuntayapusɁwa xua bapana jopa peweraw-eracaewa tsane. MataɁtano ichamonae jopa itacɁpaetsi xua tana newecobe notsiwa xua tamonae inta notatsi. <sup>29</sup> Taxa barapomonae necata. Barapon Taxa bichocono toxeincha caein ainya cui, beyacaincha ichɁn xua ainya cui. Dapon aibi pon Taxa wecobe notatsi xua piamonae tatsi tanotatsi. <sup>30</sup> Xan, irɁ Taxa bara caein panbe, jei Jesús.

<sup>31</sup> Nexata judiomonae ibotoxi nota xua Jesús pecuinbabiwa tsainchi. <sup>32</sup> Jesús barai barapomonae, jeye:

—Paxamtha matowa exaneiban pexeinya tatsita itɁtsi coyenewan Taxa pia peayapusɁwatha tatsi. ¿Eta po tatsita itɁtsi coyenewan taexanaexae ibotoxitha painya necuinbabichi? jei Jesús.

<sup>33</sup> Judiomonae jume nota, jeye:

—Jopa apara daxota paca cuinbabichi poxoru pexeinya petsita itɁtsi coyenewan neexanaexae. Daxota paca cuinbabatsi tsipei jam: ‘Xan irɁ Taxa bara caein panbe’, jam. Baxua apara abe pae-bame tsipei be Nacom naexaname jinya coutha poxonae saya pebim, jei judiomonae.

<sup>34</sup> Jesús barai, jeye:

—Nacom Pejume Diwesitha yabara paebatsi pomonae Nacom pejume cowɁntsiwichi. Nacom jeye: ‘Paxam irɁɁ nacommonae pam’, yabara jei Nacom, pomonae pejume cowɁntsiwixaetsi.

<sup>35</sup> Nacom paeba xua pinae pomonae petajume cowɁntsiwixaetsi pejume diwesi barapomonae pinae bara nacommonae tsenae. MataɁtano waxainchi yaputainchi barapo diwesitha xua

jopa bapana Nacom naerabiyo. <sup>36</sup> Nacom neitapeta, neitorobano tapatopaenexa barapo cae pin nacuathe. ¿Eta xua metha papaebame xua xan abe paeban poxonae jan: ‘Xan Nacom Pexanton’, jan? <sup>37</sup> Icha jopa exanaeinyo pocotsiwa Taxa neitoroba painya xoba pana nejume cowantame baxua. <sup>38</sup> Icha exanan pocotsiwa Taxa neitoroba, bapoxonae pana necui yabara jume cowande pocotsiwa exanan, bequein jopa pana nejume cowantsim xua paca tsipaebatsi. Bapoxonae xain payaputaename xua xan Taxa nebaru popona, xua barichin xua Taxa baru poponan, jei Jesús.

<sup>39</sup> Equeicha barapomonaе ichichipa xua Jesús pewaetabiwatsi ichitha Jesús naetsiriwa barapomonaе weya.

<sup>40</sup> Nexata Jesús pijimonaе caibe baru nawiya icha muxunene beya xua Jordán mentha. Baraxotiya Jesús pijimonaе baru eca, ichaxota Juan bayatha bautisaba jiwí. <sup>41</sup> Pin bicheitomonaе Jesús siwa poinchi pejume taenexatsi. Barapomonaе Jesús yabara natsipaebatsi, najei:

—Xaniyei bequein Juan pexeinya petsita itatsi coyenewan jopa exanaeyo daichitha daxita pocotsiwa xua Jesús yabara paebatsi, daxita baxuan bara apara xainyei, najei barapomonaе.

<sup>42</sup> Baraxotiya pin bicheitomonaе Jesús yabara jume cowantatsi.

## 11

### *Meje yabara poxonaе Lázaro tupa*

<sup>1</sup> Iru pebin popona, pon pewun Lázaro. Bapon atene. Bapon Betania tomarapin. Iru baru bapon

Lázaro pamchobe tatsi barichi Betania tomarapi-wayobe. Barapo pamchobe tatsi ichowayo pewan María, ichowayo pewan Marta. <sup>2</sup> Barapowa María, powa Lázaro pamcho tatsi, powa Jesús taxu epatabinchi icha matabitha penasiwatha xua petuxueiwa xuano xua taxu tsewa exanaeinchi pentanatha. <sup>3</sup> María pamchobe najume caitorobabe ichantha icha tomara beya xua baxotiya Jesús beya petacajume jeichinexatsibe:

—Patatanecanamataxeinaein, jinya jiton atene, petacajume jeichinexatsibe bapon.

<sup>4</sup> Poxonae Jesús baxua jume tane, Jesús jeye:

—Bequein Lázaro atene ichitha barapo peatenewa jopa exanaeyo xua tupa peexaneibiwa ataya. Saya atene, apara Nacom pia jiwí tsita itatsichi pia peayapusya itorobi coyenewa. Matautano iru xan Nacom Pexanton jiwitha tatsita itatsinexa taayapusya itorobi coyenewa, jei Jesús.

<sup>5-6</sup> Bequein Jesús antobe Marta iru María iru Lázaro ichitha cataunxuae eca baxotiya ainya matabibibe poxonae jume taetha xua Lázaro bayatha atene nawita. <sup>7</sup> Pirapae Jesús daxita pijimonae barai, jeye:

—Caibeya poinchi Judea nacua beya, jei Jesús.

<sup>8</sup> Nexata daxita Jesús pijimonae baraichi, jeye:

—Pon Patatanecuidubim, cain judiomonae, Judea nacuatha ichichichipa cacuinbaba ibotoxitha. Dacotsiwa equeicha jinya ponaetsi barapo Judea nacua beya, jeichichi.

<sup>9</sup> Jesús barai, jeye:

—Caentacabi doce po horabe xeina poxonae pentha tsuncuae. Icha pebin mataqueitha popona jopa xuirapopaeyo pentha petsuncuaexae barapo cae pin nacuathe. <sup>10</sup> Barichin poxonae cataunxuae poponan barapo cae pin nacuathe bewa exanaein xua Taxa pocotsiwa neitoroba. Tsipei poxonae tɔpaein jopa neitacɔpae tsane xua exanaein baxua, barapo cae pin nacuathe.

<sup>11</sup> Pirapae Jesús daxita pijimonae barai, jeye:

—Wajiton, Lázaro, maituncua. Ichitha tha bexa yaɔbaxuichi, jei Jesús.

<sup>12</sup> Nexata daxita Jesús pijimonae baraichi, jeye:

—Patatanecanamataxeinaem, icha bapon maituncua, ¿metha poxoru anoxuae yosatatsi, daxota baxua paebame? jeichichi.

<sup>13</sup> Ichitha Jesús namchi: “Lázaro bayatha tɔpa”, jei, xua poxonae jei: “Lázaro maituncua”, jei. Daichitha Jesús pijimonae tatsi nanta xeina xua metha Lázaro maituncua icha merawi ichi poxonae maiteca. <sup>14-15</sup> Bapoxonae Jesús pijimonae tsita najume itapeinya xeina, jeye:

—Lázaro bayatha naxuba. Pacata daxua wɔnae xua jopa baxotiya poponaeinyo poxonae Lázaro tɔpa. Tsipei baxua painya nejume cowɔntsinea, daxota jopa nainya ponaeinyo. Antha poinchi bara beya ichaxota Lázaro boca, jei Jesús.

<sup>16</sup> Nexata Tomás, pon icha wɔn Gemelo pewei-chobe penama naexanaexaebe, bapon Jesús pijimonae tatsi baraichi, jeye:

—Bɔ naca barɔ pona Jesús, xain Jesús naca barɔ werapa, jei Tomás.



*Mejeyabara xua Jesús namchi: “Xan pon jiwi asu taexanaein petuapae cuiru coyene weya”, jei*

<sup>17</sup> Poxonae Jesús pijimonae baru patopa Betania tomaratha, jiwi Jesús tsipaebatsi xua pinae bayatha Lázaro cuatro po matabibibe yapucaewa xua mathatha xotsi. <sup>18</sup> Betania tomara tajayo itamataeca Jerusalén tomara saya tres po kilómetro epatiyobe xeina. <sup>19</sup> Pinmonae judiomonae Marta iru María siwa poinchibe pia botha tatsi peitanuwe matutaenexa tsainchibe petatupaexaetsibe peweicho tatsi. <sup>20</sup> Poxonae Marta yaputane xua Jesús pijimonae baru patopa, bapowa bo wejonarena xua Jesús pententa weyataeya wabinexatsi. Ichitha nama María botha eca. <sup>21</sup> Marta Jesús baraichi, jeye:

—Pon Necanamataxeinaem jiwi, icha bayatha xote ecaetsipame, metha bayatha jopa tupaetsipae taeweicho. <sup>22</sup> Yaputan xua methaunxuae Nacom cacatsina daxita pocotsiwa newucaewam, jei Marta.

<sup>23</sup> Jesús barai, jeye:

—Eweicho equeicha cata asu poponaena, jei Jesús.

<sup>24</sup> Marta Jesús baraichi, jeye:

—Aa, bara yaputan xua equeicha asu poponaena poxonae po mataqueitha daxita jiwi Nacom asu exanaena petuapae cuiru coyene weya poxonae po cae pin nacue daxita weraweracaena, jei Marta.

<sup>25</sup> Nexata Jesús jume barai, jeye:

—Xan apara barapo jiton, pon jiwi asu jinompa taexanaein petuapae cuiru coyene weya. Matautano xan pon jiwi tacatsin

peajuntuyapusuwa, po peajuntuyapusuwa jopa weraweracaeyo. Pon nejume cowanta bequein bara tupa ichitha equeicha asu poponaena. <sup>26</sup> Pon xeinaena peajuntuyapusuwa xuano xua nejume cowantsina, bapon bapana jopa weraweracae tsane. ¿Baxua bara yabara jume cowantame? jei Jesús xua Marta tsipaebatsi.

<sup>27</sup> Bapowa jume nota, jeye:

—Aa, Tanecanamataxeinaem, bara baxua yabara jume cowantan xua xam Mesías pon Nacom Pexantom, pon bewa juinya patopaename po cae pin nacuathe tsique, jei Marta.

*Meje yabara poxonae Jesús itamata wecoyei tsuncuae ichaxota Lázaro yamathu uncua*

<sup>28</sup> Poxonae Marta najume weta xua Jesús tsi-paebatsi, bapoxonae Marta pamcho waba powa pewan María. Marta nameicha pamchotha jeye:

—Pon jiwi Pecuidubin xote patope, cawaba, jei Marta.

<sup>29</sup> Poxonae María baxua jume taeba, bapoxonae caena nainya ponataba Jesús petaenexatsi. <sup>30</sup> Jesús abu cataunxuae pijimonae jopa baru ponaeyo tomaratha. Jesús caxinatsi ichaxota copiya Marta Jesús caxinatsi. <sup>31</sup> Judiomonae pomonae María pamchobe itanuwe matateicat-sibe xua pomonae pia botha tatsi taenatsibe, poxonae barapo judiomonae tane xua María nainya ponataba, iruru barapomonae napuna pona. Barapo judiomonae nanta xeina xua mexeya itara María pamchobe muthu beya ponabewei xua pewecoyeinexabe ichaxota peweichobe tatsi tayamathu uncuatsibe.

<sup>32</sup> Poxonae María itamata patopatsi María pentabocototha uncua, yawa Jesús baraichichi, jei:

—Tanecanamataxeinaem, icha bayatha xote ecaetsipame metha bayatha pata taeweicho jopa tupaetsipae, jei María xua Jesús tsipaebatsi.

<sup>33</sup> Jesús tane xua María wecoyei. Taneno xua judiomonae pomonae napona xua iruru wecoyei. Bapoxonae Jesús anthathu wecoyei yawa anthathurewe. <sup>34</sup> Jesús baraino barapomonae, jeye:

—¿Exota Lázaro pamathathu xubame? jei Jesús. Jesús jume notatsi, jeye:

—Pon Necanamataxeinaem jiwi, xotiye incane matha taema, jei barapomonae.

<sup>35</sup> Iruru Jesús wecoyei tsanareca. <sup>36</sup> Bapoxonae judiomonae Jesús yabara jeichichi, jeye:

—Incane pataema maisa bapon Lázaro bichocono antobetsi, najei judiomonae.

<sup>37</sup> Ichitha ichamonae judiomonae Jesús yabara jeichichi:

—Icha bapon itacupatsi xua pon peitata nacutsin axaibi exainchi, ¿eta xua metha bapon jopa itacupaetsi xua Lázaro yawenatsi xua bayatha jopa tupaetsipae? najei judiomonae.

*Meje yabara poxonae Lázaro equeicha asu pona*

<sup>38</sup> Equeicha Jesús bichocono anthathurewe. Yawa imoxoyo pijimonae baru pona muthu beya. Barapo muthu ibo muthu, yawa muthu yauxatatabanota pin ibo panawatha. <sup>39</sup> Jesús barai barapomonae, jeye:

—Papataxore ibo panawa, jei Jesús.

Lázaro pon tupa bapon pamcho tatsi Marta, Jesús jeichi:

—Patatanecanamataxeinaem, apara bayatha pepon bichocono tuxamna, tsipei bayatha cuatro po matabibe yapucaewa poxonae tupa, jei Marta.

<sup>40</sup> Ichitha Jesús Marta jume baraichi, jeye:

—Bara bayatha catsipaebatsiba: Icha yabara jume cowantame, necotsiname Nacom pia peayapusaewa, cajeichiba, jei Jesús.

<sup>41</sup> Nexata ichamonae ibo panawa pataxuba. Bapoxonae Jesús peitaboco beicha athabeicha necoicha. Yawa jeye Paxatha:

—Axa, juntu coyene weiweinan, yaitama nejume taneme pocotsiwa tacawucaexaetsi.

<sup>42</sup> Bara yaputan xua nejume taibame poxonae cawuqueibatsi. Apara catsipaebatsi baxua xua pomonae xote umene barapomonae nexa xua tana neyabara jume cowantsinexa xua xan pon tana neitorobim, jei Jesús.

<sup>43</sup> Poxonae Jesús najume weta baxua, bapoxonae jume daunweya wawai, jeye:

—¡Lázaro, bara wejondena! jei Jesús.

<sup>44</sup> Bapoxonae pon xua tupa muthu wejondena. Xua bayatha paparuwatha maxu caecunta cubaxotsi yawa pesito decano yawa xua painyaweratha itabara yarabaxotsi, baxuan Lázaro yawa jondena. Jesús barai jiwi, jeye:

—Daxita baxuan paweisacare, bapoxonae bu bara pona, jei Jesús.

*Meje yabara poxonae fariseomonaē iru sacerdotemonaē pia pentacaponaewi tatsi daxita barapomonaē Jesús yabara nanta xeinatsi xua po coyeneya Jesús pewaetabiwa tsainchi*

*(Mt 26.1-5; Mr 14.1-2; Lc 22.1-2)*

<sup>45</sup> Judiomonaē pomonaē María pamchobe cueyatatsibe, poxonaē barapo judiomonaē baxua Jesús cui tainchi Jesús yabara jume cowantatsi pinmonaē. <sup>46</sup> Ichitha ichamonaē judiomonaē fariseomonaē beya pona xua peyabara paebinexa pocotsiwa bayatha Jesús exana. <sup>47</sup> Nexata fariseomonaē iru sacerdotemonaē pia pentacaponaewi tatsi daxita barapomonaē nacaetuta penacanamata caitorobi bicheitha, yawa najei barapomonaē:

—¿Eta xua exanaeinchi metha? Barapo pebin exana nawita pexeinya petsita itatsi coyenewan. <sup>48</sup> Icha baraxua saya yabara cui copatinchi metha pinmonaē bapon yabara jume cowantsinchi. Barapoxonaē romanomonaē pia pentacaponaewi patsina waxantha, yawa abe exanaena Nacom pin pia bo tatsi xua watomaratha, yawa wanacuatha naca jutebina, najei barapomonaē.

<sup>49</sup> Caein bapomonaē jiwana pewun Caifás. Bapon Caifás barapo weitha sacerdotemonaē pia pepa pentacaponaēin tatsi naexana. Bapon Caifás jei pin bicheitha:

—Paxam apara jopa baxua payabara yaputaem. <sup>50</sup> Matautano jopa payabara yaputaem xua po coyene pacata xanepana xua ichun bara caein piamonaē yaitatsina pebexubinexatsi xua daxita

piamonae tatsi jopa petajutebinexa tsainchi, jei Caifás xua piraichi nanta xeina.

<sup>51</sup> Ichitha Caifás jopa baxua pia coutha nanta xeinaeyo. Tsipei Caifás barapo weitha sacerdotemonae pia pepa pentacaponaein tatsi naexana, daxota tsiwunaeyabara paeba xua Nacom cueicueijei exana xua Jesús bewa tsitupaena judiomonae. <sup>52</sup> Meisa barapo judiomonae Jesús jopa tsitupaeyo, apara iruru ichamonae nexano Jesús tsitupa xua Jesús caemonae nacaetuta peexanaenexa pomonae Nacom piamonae tatsi, pomonaeno taju ena ichaxota icha nacuantha.

<sup>53</sup> Daxota barapomonae judiomonae pia pentacaponaewi tatsi nabaru muxu jei po coyeneya xua poxonae Jesús pebexubiwa tsainchi.

<sup>54</sup> Daxota Jesús jopa naitapeinya xeinaeyo judiomonaetha. Saya Jesús Judea nacua wewarapiya, tomara beya pona po tomara pewun Efraín, po tomara eca ichaxota ira xuepana susato tsurucuae nacua. Barapo tomaratha pijimonae baru eca Jesús.

<sup>55</sup> Bara nama imoxoyo tsurucuae tsoponae po matabin xua judiomonae pia Pascua wun matabin tatsi. Pin bicheitomonae tomara weya pona xua Jerusalén tomara beya pona xua baxotiya pia cui coyenewa peexanaenexa Nacom nexa, xua Nacom jopa petsita natsicuentsexatsi xua abe petsita peexanaexae. Tsipei pia peitorobi coyenewatha tatsi baxua yabara paeba xua barapomonae bewa baxua exanaena Pascua wun matabin pewunaeya. <sup>56</sup> Daxita barapomonae Jesús wenaweneichi. Poxonae barapomonae Nacom pin pia botha pata, baxota barapomonae najei:

—¿Etabe payabara nanta xeinaeya ichim? ¿Metha Jesús xote patopaena jampa? ¿Metha jopa patopae tsane jampa? najei barapomonaе.

<sup>57</sup> Fariseomonaе irurur sacerdotemonaе pia pentacaponaeви tatsi daxita barapomonaе jiwi baraichi, jeichichi:

—Pon tane Jesús, nexata bu pana netsipaeba, xua bapon pata tha waetabichi, jei barapomonaе.

## 12

*Meje yabara poxonaе petsiriwa Jesús mata epatabatsi penasiwa, po penasiwa petuxueiwa (Mt 26.6-13; Mr 14.3-9)*

<sup>1</sup> Poxonaе cataunxuae seis po matabibe aibi xua Pascua wun matabin nexa, Jesús pijimonaе baru pona Betania tomara beya. Barapo Betania tomara, po tomara ichaxota Lázaro popona, pon Jesús bayatha asu exana petupae cuiru coyene weya. <sup>2</sup> Baxota pexaewa Jesús upain exanatsi. Marta apata pexaewa. Jesús pijimonaе tatsi iru naena pexaethopaewatha. Iru Lázaro baxota naeca xua iru naxane. <sup>3</sup> Iru bapoxonaе María carena bosibu bichocono wunca petuxuei nasiwa. Barapo tuxusi tuxuei nasiwa bichocono ainya matoma. Barapo tuxusi tuxuei nasiwa pewun nardo. Barapo petuxuei tuxusi nasiwatha María Jesús mata epatabatsi yawa taxu epatabatsino. Bapoxonaе María pentanatha Jesús taxu tsewa exainchi. Daxita bomuxu tutu canaup ducua xua tuxuei tsurucuae. <sup>4</sup> Iru ru naeca Judas Iscariote,

pon Simón pexanto tatsi. Bapon Judas Jesús piji-monae tatsi jiwana. Barapo Judas pon bexa Jesús caenaetsinchi. Bapon namchi, jeye:

<sup>5</sup> —¿Eta pocotsiwa metha saya xuba barapo tuxusi tuxuei nasiwa? Barapo petuxuei tuxusi nasiwa becaenaetsipame xua nentoma xeinaenexa beyacaincha xua trescientos po paratiximonaebe xua po paratiximonaebe beyacaincha trescientos po matabibe nexa, poxonae nacuita, jei Judas Iscariote.

<sup>6</sup> Judas apara jopa baxua paebiyo xua peantobexaetsi pomonae peacopeibiwi. Saya apara baxua paeba poxoru bapon pon pecaibin jiwi. Bapon Judas Jesusbarꝰ paratixi dunucue tacapoinchi. Ichitha bapon cou jiwana wenoteiba paratixi poxonae Jesusbarꝰ jeiba. <sup>7</sup> Nexata Judas Jesús barai, jeye:

—¡Moyande bara copare! Apara xua barapowa netsibota barapo petuxuei tuxusi nasiwa tapepon nexa xua tatꝰpaein tana neperꝰ waenexa poxonae po mataqueitha mꝰthiya tana neboyaenexa tsane. Baxua netsibota apara xua mꝰthꝰ tana neboyaenexa poxonae tꝰpaein. <sup>8</sup> Barapo irathe peacopeibi jiwi paca barꝰ jinompeibina painya neyawenaenexa tsaibi tsane barapo jiwi. Ichitha nama paxam jopa ataya paca barꝰ pona tsainchi xua pata tana neyawenaenexam barapo irathe, jei Jesús.

*Meje yabara poxonae sacerdotemonae pia pentacaponae tatsi peburꝰya nanta xeina xua Lázaro pebexubiwa tsainchi*



<sup>9</sup> Pinmonae judiomonae jume tane xua Jesús popona Betania tomaratha. Bapoxonae barapo judiomonae pona Betania tomara beya xua Jesús petaenexatsi irurɿ xua Lázaro petaenexatsi pon Jesús bayatha asɿ exana petɿpae cuiru coyene weya. <sup>10</sup> Nexata sacerdotemonae pia pentacaponae wi tatsi peburɿya nanta xeina xua irɿ Lázaro pebexubiwa tsainchi. <sup>11</sup> Tsipei pinmonae judiomonae penta sacerdotemonae pia pentacaponae wi tatsi pia pecuidubiwan tatsi. Matautano barapo judiomonae saya Jesús jume cowɿntatsi tsipei Jesús cui tainchi pocotsiwa Jesús wɿnae exana poxonae Lázaro asɿ exainchi petɿpae cuiru coyene weya.

*Meje yabara poxonae Jesús Jerusalén tomaratha patopá*

*(Mt 21.1-11; Mr 11.1-11; Lc 19.28-40)*

<sup>12</sup> Icha mataqueitha baya xua poxonae po mataqueitha Jesús taxu wainchi petuxuei nasiwatha, bapoxonae Jesús pijimonae barɿ pona Jerusalén tomara beya. Bapoxonaerɿ Jeruslén tomaratha ena pin bicheito pomonae xua copiya bayatha pata Pascua wɿn maticabin nexa. Daxita barapomonae yaputane xua anoxuae methaunxuae patopaena Jesús barapo tomaratha. <sup>13</sup> Barapo pin bicheito peaxu ucuboba po axu icha coichaxu axu ichi. Barapomonae Jesús matenta iyiyatsi xua Jesús pententa weyataeya wabinexatsi. Yawa jume daunweya wawaya jeye:

—¡Pai jayana! ¡Maisa Jesús pon Pecanamataxeinaein jiwi deta wɿnae, bapon patopa Nacom peitorobixae! ¡Maisa Nacom bichocono wɿnae

jaintatsi pon peitabocotha eca! ¡Maisa Jesús deta w<sub>h</sub>nae, pon Israel nacuamonae itorobiya pia pepa Peewatsinchi tatsi! jei barapo pin bicheito.

<sup>14</sup> Bapoxonae Jesús tane burro pon pen<sub>h</sub>n. Bapoxonae barapo burrotha equeica yawa ponano namtotha. Jesús exana be pocotsi coyeneya caena bayatha yabara paebatsi Nacom Pejume Diwesitha, xua Mesías pepatopaewa tsane Jerusalén tomaratha, jeye:

<sup>15</sup> “Sión tomarapiwi pam, jopa pajunuwinde.

Pataema pon itorobiya pepa painya Nepacacae-watsin.

Bapon pacata patopaena xua burrotha equeicaena”, jei Nacom Pejume Diwesitha.

<sup>16</sup> Bapoxonae Jesús pijimonae tatsi jopa yaputaeyo po coyene xua caena bayatha Jesús w<sub>h</sub>nae yabara tsiw<sub>h</sub>nae paebatsi, xuano xua po coyene exanaenano. Ichitha pirapae poxonae Jesús caibe nawicha peitaboco beicha, yawa poxonae Paxa matenta weyataeya wabatsi, bapoxonae barapomonae yaputane po coyene Jesús yabara tsiw<sub>h</sub>nae paebatsi Nacom Pejume Diwesitha, xuano xua jiwi exana poxonae Jesús w<sub>h</sub>nae jaintatsi.

<sup>17</sup> Pomonae napona poxonae Jesús Lázaro wabatsi pet<sub>h</sub>pae cuiru coyene weya, barapomonae tamropata notar<sub>h</sub>c<sub>h</sub>pa xua jiwitha paeba pomonaetha pomonae Jerusalén tomarapiwi, pomonae bayatha Jesús pecui taexaetsi poxonae Lázaro as<sub>h</sub> exainchi. <sup>18</sup> Daxota pinmonae pona Jesús beya xua Jesús pematenta weyataeya wabinexatsi. Tsipei barapo pinmonae jume tane pocotsiwa Jesús exana pexeinya petsita it<sub>h</sub>tatsi coye-

newa poxonae Lázaro asu exainchi. <sup>19</sup> Nexata fariseomonae caemonae natsipaeba, najei:

—¡Incane matha pataema! Barapomonae jopa naca jume cowantsiyo, yawa daxita jiwí meisa napuna pona bapontha, najei barapomonae.

*Meje yabara poxonae griegomonae Jesús we-naweneichi*

<sup>20</sup> Barapo pin bicheito, po bicheito copiya bayatha Jerusalén tomaratha ena, xua baxota wanae pejainchinexa Nacom, barapo pin bicheito jiwanamonaе, griego nacuamonaepiwi jiwana.

<sup>21</sup> Barapo griego nacuamonaepiwi Felipe imoxoyo caquita poinchi. Barapon Felipe Betsaida tomarapin xua Galilea nacuatha. Barapo griego nacuamonaepiwi Felipe tsipaebatsi, jeichichi:

—Incane matha pana nejume taema. Pata bequein Jesús taetsi, jei.

<sup>22</sup> Bapoxonae Felipe jume yopita Andrés beya, xua equeicha baponbe pejume yopichinexabe Jesús beya. <sup>23</sup> Bapoxonae Jesús baraponbe baraichi yawa daxita barapo jiwí baraichi, jeye:

—Nama imoxoyo barapo matacabi tsoponae, po mataqueitha xan, ponxaein Nacom tana neitapetsixae nebexubina ichamonae. Barapo mataqueitha Nacom ainya cui neexanaena.

<sup>24</sup> Xaniyan paca tsipaebatsi. Poxonae trigo xuto saya xu boca yawa icha jopa xu bocaeyo tsorobo tututha, yawa icha jopa xuwiyo, jopa itacupaetsi xua pexaewa naexana. Ichitha icha barapo trigo xuto tsorobo tututha boca yawa icha xuwa, bapoxonae jame bara pexaewa naexana. Icha barapo trigo xuto ichi,

xan barapocotsi coyeneya jiwi bara necana ichi tsane. <sup>25</sup> Pon naantobeya nata exana pocotsiwa bapon ichichipa po cae pin nacuathe, bapon jopa xeinaeyo peajantuyaruswa, po peajantuyaruswa ataya tsiteca xua Nacom pia nacua beicha. Ichitha pon neantobeya inta exana pocotsiwa ichichipan, bapon xeinaena peajantuyaruswa, po peajantuyaruswa ataya tsiteca xua Nacom pia nacua beicha. <sup>26</sup> Pon ichichipa exana tawa xua penacuichiwa, bapon bara bewa moya exanaena pocotsiwa itoroban. Pon exana pocotsiwa itoroban, bapon patopaena ichaxota poponan. Icha pebin exana pocotsiwa itoroban, bapon Taxa cana exanaena xua bapon peainya cui jiton tsane Taxa pia nacua beicha tatsi, jei Jesús.

*Meje yabara poxonae Jesús nayabara paeba xua petapaewa tsane*

<sup>27</sup> Equeicha Jesús jeye: “Anoxuae bichocono anthuthurewein tsipei tatapaewa tsaneba. ¿Eta jumichicuaein tsane metha Taxatha? ¿Metha jan tsane: ‘Axa, necapanepare baxua weya’, metha jan tsane? Jume, apara jopa baxua tsipatopeicaeyo. Apara tsipatopeican xua taaperutanewa tsane jiwi nexa. <sup>28</sup> Jame bejan: ‘Axa, bara bu jiwi cana exaname xua wunaecajainchiwa’, bejan jame”, jei Jesús.

Poxonae Jesús baxua najume weta, bapoxonae Jesús jume tane xua Nacom namchi peitaboco wetsica, jeye: “Bayatha apara baxua jiwi cana exanan xua jiwi wunaecajaintebiwanexa, tsipei daxita beta exanan. Matautano equeicha

ichawa exanaein xua jiwi wanae tana nejainteibi-wanexa tsane”, jei Nacom.

<sup>29</sup> Pinmonae umena xua Jesús jume taeumeinchi, iru Jesús pijimonae tatsi baxota umenaru. Barapo jiwi baxua nayabara yainyaba xua Nacom cueicueije. Ichamonae jeye:

—¡Apara xua jurujurei yamuxu! jei.

Ichamonae jeye:

—¡Apara bapon tsipaebatsi matatsunpin! jei.

<sup>30</sup> Nexata Jesús pijimonae barai, jeye:

—Pon pajume taneme apara Nacom. Jopa apara paebiyo xua xan nexa. Apara paeba pia xua painya nejume taenexa daxota baxua Nacom paeba. <sup>31</sup> Imoxoyo nama matacabi patopaena, po mataqueitha Nacom yabara paebina jiwi xua penatsicuentsiwa xua abe peexanaexae bapontha. Pon jiwi juntu coyene itorobatsi xua abe peexanaewa po cae pin nacuathe, nama imoxoyo Nacom amanayabina bapon poxonae xubina barapo cae pin nacue weya. <sup>32</sup> Poxonae ichamonae nedutsina naetotha tatupaenexa tsane, bapoxonae daxita jiwi cana exanaein xua pomonae peichichipaewa tsane xua tana nejume cowantsinexa, jei Jesús.

<sup>33</sup> Poxonae Jesús baxua paeba jiwi yaputane exainchi xua Jesús pebexubiwa tsainchi poxonae tupaena. <sup>34</sup> Bapoxonae barapo jiwi Jesús tsipaebatsi. Jesús jeichichi:

—Paxan pajume tan xua poxonae wamonae yoroba Moisés pia peitorobi coyenewatha pocot-siwa baxota jeye: ‘Bara Mesías ataya asu poponeiba’, jei baxota. ¿Eta xua metha pana netsipaebame xua pinae pon Nacom Peitapetsin bewa

naetotha tupaena? ¿Jintam metha pon Nacom Peitapetsin? jei barapomonaе.

<sup>35</sup> Nexata Jesús tsipaeba barapomonaе xua nacaunuta, jeye:

—Saya caeto pana netaneme pon paca yaputane exainchi. Beta pajinompame tapaca yawenaexae tsainchi, icha paichim xua beta pajinompame poxonaе xometo paca yawena xua beta pajinompame mataqueitha. Pana nejume cowunde poxonaе cataunxuae po cae pin nacuathe poponanje. Matautano poxonaе cataunxuae paca itacupa xua pata tanejume cowuntsiwam. Jopa abe paexanaeinde xua poxoru poxonaе jopa pata tanejume cowuntsixaemxae. Tsipei bara jatiya ichi, poxonaе jiwi abe exana be poxonaе pomonaе pona ichaxota quirei. Jopa beta ponaeyo tsipei jopa xeinaeyo pecoicha. <sup>36</sup> Pana nejume cowunde poxonaе cataunxuae po cae pin nacuathe poponanje. Bapoxonaе paxam tajimonaе pam tsane, jei Jesús.

Poxonaе baxua Jesús najume weta, barapo jiwi weya natsixitaba yawa wepu aichurucuae.

*Meje yabara poxonaе Jesús yabara paeba xua eta xua metha pinaе Jesús jopa jume cowuntichi judiomonaе*

<sup>37</sup> Bequein Jesús matowa exana pia pexeinya petsita itatsi coyenewan barapomonaе peitatha tatsi, daichitha pinmonaе barapomonaе jopa Jesús yabara jume cui cowuntichi po coyene xua Jesús bara bapon Mesías pon Nacom itorobica.

<sup>38</sup> Baxua exana xua nayabara jume cui weta po

coyene bayatha pon Nacom peitorobi jume pepae-  
bin Isaías wɥnae tsiwanaya yabara jei:  
“Pon jiwi Necanamataxeinaein barapomonaē  
jopa jume cowɥntsiyo xua pacuiduban  
bequein barapomonaē tane matowa poxonaē  
paexanan Nacom pia peayapusɥwatha”,  
jei Isaías.

<sup>39</sup> Barapomonaē jopa jume cowɥntsiyo, tsipei  
Isaías equeicha jei:

<sup>40</sup> “Nacom cana exana xua barapomonaē jopa  
beta xapain naita cui coyene yaputaeyo.  
Mataɥtano Nacom cana exana xua jopa pejume  
cowɥntsiwa pejɥntɥ coyene wetsina.  
Barapomonaē be natsicotane peitata nacɥtsi  
jiwi, tsipei jopa beyaputaeyo, xua  
icha jɥntɥ coyene pexeinaewanexa.  
Mataɥtano jopa ichipaeyo xua peyabara jume  
cowɥntsiwa po coyene xua Nacom itacɥpatsi  
xua pejɥntɥ coyene xanepana peexanaewa”,  
jei Isaías pejume diwesitha.

<sup>41</sup> Daxita baxuan Isaías paeba xua Jesús yabara  
paebatsi. Isaías caena bayatha tane poxonaē eca  
Mesías pia pexeinya pia peitɥpanaē peecaewatha.  
Daxota Isaías yabara paeba, Mesías yabara pae-  
batsi xua pocotsiwa bayatha petaexae.

<sup>42</sup> Bequein daxita judiomonaē Jesús jopa jume  
cowɥntichi, daichitha ichamonaē judiomonaē  
Jesús jume cowɥntatsi. Mataɥtano ichamonaē  
judiomonaē xua pomonaē judiomonaē pia  
pentacaponawewi tatsi Jesús jume cowɥntatsi.  
Ichitha daxita barapomonaē jopa Jesús yabara  
paebichi jiwi peitɥtha tatsi tsipei fariseomonaē  
cunuwatsi. Tsipei icha barapomonaē Jesús

yabara paebichipatsi, metha barapomonae itawetsipatsi judiomonae pia penacaeuttsi bon tatsi weya, xua fariseomonae itawetsipa. <sup>43</sup> Tsipei barapo Jesús pia pejume cowantsiwichi pijunuwi daxota itapeta jume naitaewata xua jiwi jei: “Jopa Jesús payabara paebinde”, jei jiwi. Barapomonae pomonae Jesús pejume cowantsiwichi baxua itapeta jume naitaewata beyacaincha xua poxonae bequein Nacom cui itoroba.

*Meje yabara xua po jume Jesús paeba barapo jumetha jiwi yabara paebinchi xua penatsicuentsiwa xua abe peexanaexae*

<sup>44</sup> Equeicha Jesús jume daunweya jeye: “Pon nejume cowanta meisa jopa nejume cowantsi tsane, jame Taxa jume cowantsinchino pon tana neitorobixae. <sup>45</sup> Pomonae xua neyaputane barapomonae barichi Taxa yaputainchi. <sup>46</sup> Xan pon yabara yaputane paca cana exainchi Nacom. Patopeican po cae pin nacuathe xua pomonae tana nejume cowantsiwi jopa penantawenonaenexa xua pejinompaewa poxonae jopa Nacom yabara yaputaetsi. <sup>47</sup> Pon bequein jume tane tajume diwesi xuano xua icha bequein jopa exanaeyo tana nejume taewatha pocotsiwa itoroban, bapon jopa yabara paebin tsane xua penatsicuentsiwa xua abe peexanaexae Nacomtha. Tsipei apara jopa baxua tsipatopaeinyo xua tacoya barapocotsi jiwimonae tayabara paebinexa xua penatsicuentsiwa xua abe peexanaexae Nacomtha. Jame apara tsipatopan xua jiwi u tacapanenebiyaenexa tsane. <sup>48</sup> Pon jopa tsita



ainya cuichi xua jopa tsita ainya cuinyo, xuano xua icha jopa jume cowantsiyo pocotsiwa paeban po jume aunxuae paeban, bapon barapo jumetha yabara paebinchi xua penatsicuentsiwa xua abe peexanaexae poxonae po mataqueitha nacua weraweracaena. <sup>49</sup> Tsipei xan jopa paebinyo pocotsiwa tacoutha taichichipaewa. Saya apara baxua daxita exanan pocotsiwa Taxa neitoroba pocotsiwa bewa paebin xuano xua pocotsiwa bewa jiwi cuidubin. <sup>50</sup> Yaputan Taxa pia peitorobi coyenewa, barapo peitorobi coyenewa jiwi cana exainchi xua pexeinaewa peajuntuyaruswa, po peajuntuyaruswa ataya tsiteca. Daxota pocotsiwa paca tsipaebatsi apara xua Taxa bayatha tana neitorobixae”, jei Jesús.

## 13

*Meje yabara poxonae Jesús pijimonaе taxu matawane meratha*

<sup>1</sup> Barapoxonaerа bara barapo matabi tsuxubi, po matabi tsiwanaya mata carucua xua Pascua wаn matabin. Jesús yaputane xua bara nama imoxoyo bara po matabi tatsoponaetsiba, po mataqueitha Jesús cuenta ponaena po cae pin nacue xua Paxa beicha peponaewa tsane. Jesús antobe tsaibi pia pejume cowantsiwichi pomonaе xua tajinompatsi po cae pin nacuathe. Nama imoxoyo Jesús exana xua pocotsiwa jiwi yaputane xua Jesús jopa juniya antobeyo pomonaе pia pejume cowantsiwichi.

2-4 Judas, pon Simón Iscariote pexanto tatsi, bapon cui itorobatsi caurimonae pia pentacaponaein tatsi xua Jesús pecaenaetsinexatsi ichamonae aetha. Jesús yaputane xua bayatha Paxa wet-sica pona. Matautano xua equeicha Paxa be-icha patopaena xuano xua Paxa catatsi daxita pia peayapusaya itorobi coyenewa. Baxua bequein xeina, daichitha poxonae pijimonae baru eca pexaethopaewatha asiya uncuataba. Yawa paparuwa nama jonta, po paparuwa matha weruya. Yawa icha paparuwatha naepa cuta. <sup>5</sup> Bapoxonae Jesús mera epata corototha. Bapoxonae pijimonae taxu matawaepona meratha. Yawa paparuwatha taxu tsewa exana po paparuwatha naepa cuta.

<sup>6</sup> Poxonae Jesús Simón Pedro muxu petaxu matawaetsi, Simón jeye:

—Tanecanamataxeinaem, zeta pocotsiwa metha iru jinya netaxu matawaetsi? jei Simón Pedro.

<sup>7</sup> Jesús jume barai, jeye:

—Xua baxue cata exanatsi anoxuae jopa yabara yaputaem. Ichitha bexa tsane baxua yabara yaputaename, jei Jesús.

<sup>8</sup> Ichitha equeicha Simón Pedro jume barai, jeye:

—Bapana jopa netaxu matawaem tsane, jei Simón Pedro.

Jesús jume barai, jeye:

—Icha jopa cataxu matawaetsipaetsi meratha nexata jopa tajimonae jitom tsipaem, jei Jesús.

<sup>9</sup> Simón Pedro jume barai, jeye:

—Tanecanamataxeinaem, meisa jopa netaxu matawaeinde, jame yawa necobe matawaema, yawa nentasipa matawaema, jei Simón Pedro.

<sup>10</sup> Jesús jume barai, jeye:

—Pon xua anoxuae nowaexuba, bapon equeicha jopa nantawenonaeyo xua pia pepon matawaeinchi, saya jame meisa petaxu. Paxam pe<sup>j</sup>nt<sup>u</sup> coyene xeicae jiwi pam, saya caein jiwana pam jopa daichiyo, jei Jesús.

<sup>11</sup> Jesús jeye: “Paxam pe<sup>j</sup>nt<sup>u</sup> coyene xeicae jiwi pam, ichitha caein jiwana pam jopa daichiyo”, jei. Jesús baxua paeba tsipei yaputane xua caein jiwana pomonae Jesús pijimonae tatsi, bapon Jesús caenaetinchi.

<sup>12</sup> Poxonae Jesús nacobe weta xua pijimonae taxu matawane meratha equeicha paparuwa nama xatata po paparuwa copiya nama xuenaxuba. Bapoxonae equeicha econeca pexaethopaewatha. Yawa pijimonae barai, jeye:

—¿Bara payaputaneme xuaunxuae pacata exanatsi?

<sup>13</sup> Pana neyabara jam: ‘Pon Patatanecuidubin’, pana neyabara jam. Yawano pana neyabara jam: ‘Pon Patatanecanamataxeinaein’, pana neyabara jam. Bara xainyeya pana neyabara jam baxua, tsipei apara xan bapon.

<sup>14</sup> Icha xan painya Tapacacuidubinchi xuano xua painya Tapacacanamataxeinaeinchi xua paca taxu matawainchi meratha bewa paxam bara paichim tsane, bewa nantiya pana nataxu matawaem meratha. <sup>15</sup> Baxua paca tsita exainchi xua painya bara paichinexam tsane ichaunxuae ichin. <sup>16</sup> Xaniyan paca tsipaebatsi. Pon ba tanacuita bapon jopa ainya cuiyo. Jame bapon

pia pentacaponaein tatsi yatsicaya ainya cui beyacaincha pon tanacuita. Pon ba itorobatsi jopa ainya cuiyo. Jame pon peitorobixae bapon ainya cui. <sup>17</sup> Icha baxua payaputaneme yawa icha baxua paexanaenameno bapoxonae pejuntũ coyene weiweinae jiwi pam tsane.

<sup>18</sup> “Apara jopa daxita paca yabara paebichi xua pejuntũ coyene weiweinae jiwi pam tsane, tsipei caein jiwana pam jopa daichiyo. Xan paca jũntũ coyene yaputainchi tsipei tapaca itapetichi jiwichi pam. Ichitha nacui yabara jume wetsina be po coyeneya bayatha Nacom tsiwũnae yabara paeba pejume diwesitha. Nacom jeye: ‘Pon barũ xan, pon itara mexeya tajiton, bapon equeicha caewa tana neaitafaetabi jiton naexana’, jei Nacom Pejume Diwesitha. <sup>19</sup> Baxua pewũnaeya paca tsipaebatsi xua poxonae necana exanaena pon equeicha caewa tana neaitafaetabi jiton naexana. Bapoxonae painya yabara tana nejume cowantsinexam tsane xua xan bapon aparã xua ponxaein paca tsipaebatsi. <sup>20</sup> Xaniyan paca tsipaebatsi. Po pebin matenta weyataya waba pontha pon itoroban barapo pebin barapara nententa weyataya waba. Barichi pon nententa weyataya waba barapara Nacom matenta weyataya wabatsi, pon tana neitorobixae”, jei Jesús.

*Meje yabara poxonae Jesús jeye: “Judas necaenaetsina ichamonaetha”, jei  
(Mt 26.20-25; Mr 14.17-21; Lc 22.21-23)*

<sup>21</sup> Poxonae baxua Jesús najume weta, bapoxonae bichocono anthũthũrewẽ tsanareca. Yawa najume naitapeinya xeinaeya, jeye:

—Xaniyan paca tsipaebatsi. Caein jiwana pam bapon necaenaetsina ichamonaetha, jei Jesús pijimonaetha.

<sup>22</sup> Nexata Jesús pijimonaetha tatsi naitabara taerucupa, nantiya najeye: “¿Jintam metha bepa Jesús caenaetichi?” najei. Ichitha barapomonaetha jopa yaputaeyo xua Jesús yabara jei pon. <sup>23</sup> Caein Jesús pijimonaetha tatsi jiwana, pon bichocono Jesús antobe, bapon Jesús imoxoyo baru xunaeca, barapo pexaethopaewatha. <sup>24</sup> Simón Pedro pecobetha moya jume itoroba jeye: “Jesús yainyabare: ‘¿Jintam yabara paebame?’ jande”, jei Simón Pedro xua jume itorobatsi pon Jesús imoxoyo caquita ecatsi. <sup>25</sup> Bapoxonaetha Jesús imoxoyo caquita ecarenatsi equeicha. Jesús yainyabatsi, jeye:

—Tanecanamataxeinaem, ¿jintam caenaetsina? jei.

<sup>26</sup> Jesús jume nota, bapon jume notatsi, jeye:

—Pan purawiyoyi tha atatsica exanaetsi. Pon catan barapo pan purawiyoyi, bapon apara pon necaenaetsina ichamonaetha, jei Jesús pontha pon peyainyabixaetsi.

Poxonaetha Jesús pan purawiyoyi atatsica exana, bapoxonaetha Jesús cata, Judas catatsi pon Simón Iscariote pexanto tatsi. <sup>27</sup> Poxonaetha Judas barapo pan Jesús wecobe pitatsi, bapoxonaetha caena nainya Judas juntu coyene itorobatsi Satanás caurimonaetha pia pentacaponaein tatsi xua Jesús pecaenaetsiwa tsainchi. Bapoxonaetha Jesús jeye, Judas jeichichi:

—Xua pocotsiwa jinya anoxuae exanaetsi, moya exande nainya, jei Jesús.

<sup>28</sup> Daxita barapomonae pomonae Jesús pijimonae tatsi, pomonae pebar<sub>u</sub> xunaecaexae, jopa xapain yaputaeyo pocotsiwa Jesús itoroba, xua Judas itorobatsi. <sup>29</sup> Tsipei bapon Judas paratixi doro capopona, daxota Jesús pijimonae tatsi nanta xeina xua mexeya itara Jesús itorobawejei xua pia tacomotichi pexaewa penabanae coyenewa nexa. Yawa nanta xeina xua mexeya itara Jesús itorobawejei xua Judas paratixi pecatsinexa peacopeibi jiwitha. <sup>30</sup> Poxonae Judas Jesús wecobe pitatsi pan p<sub>u</sub>r<sub>u</sub>wiyo, bapoxonae Judas ponataba. Ir<sub>u</sub>r<sub>u</sub> bapoxonae quirei tsanaichar<sub>u</sub>.

*Meje yabara poxonae Jesús yabara cuiduba jiwi pena peitorobi coyenewa*

<sup>31</sup> Nexata poxonae Judas pontaba Jesús pijimonae barai, jeye:

—Imoxoyo nama paca tsita it<sub>u</sub>t<sub>u</sub>sinchi taayapus<sub>u</sub>ya itorobiya coyenewa xua xan apara bara ponxaein Nacom Tananeitapetsin. Barichino paca tsita it<sub>u</sub>t<sub>u</sub>sinchi Nacom pia peayapus<sub>u</sub> itorobi coyenewa tatsi. <sup>32</sup> Icha xan ponxaein Nacom Tananeitapetsin, icha paca tsita it<sub>u</sub>t<sub>u</sub>tatsi Nacom pia peayapus<sub>u</sub> itorobi coyenewa, nexata Nacom xuya nainya paca tsita it<sub>u</sub>t<sub>u</sub>sina taayapus<sub>u</sub> itorobi coyenewa xua xan apara bara ponxaein Nacom Tananeitapetsin. <sup>33</sup> Pomonae be tapexui tapaca canatsicotaewichi pam, bara nama saya caeto paca bar<sub>u</sub> poponaeinchi. Icha ichin xua caena bayatha xua judiomonae tsipaeban, bara paca jumichichi anoxuae: ‘Jopa paca itac<sub>u</sub>rae tsane

xua pana nepuna ponaename ichaxota tapon-  
aewa tsane', paca jeichi. <sup>34</sup> Barapo pena itorobi  
coyenewe paca cuidubatsi, xua janje: 'Nantiya  
pana naantobeinde, icha paca ichichi xua paca  
antobetsi. Bewa bara paichim tsane xua nantiya  
pana naantobem tsane', jan. <sup>35</sup> Icha paxam nan-  
tiya pana naantobem tsurubenanaebiyam tsane,  
daxita jiwi paca cui yaputaena xua paxam bara  
apara tana nejume cowantsi jiwi pam, jei Jesús.

*Meje yabara poxonae Jesús namchi xua Pedro  
jei tsane: "Jopa dapon yaitaeinyo", pinae yabara jei  
tsainchi Jesús*

*(Mt 26.31-35; Mr 14.27-31; Lc 22.31-34)*

<sup>36</sup> Simón Pedro Jesús yainyabatsi, Pedro jeye:

—Tanecanamataxeinaem, ¿jinya exota ponaetsi?  
jei Simón Pedro.

Jesús jume nota, jeye:

—Anoxuae jopa caitacapaeyo xua tana nepuna  
ponaewam ichaxota ponaein. Ichitha bexa tsane  
caitacapaena xua tana nepuna ponaewam ichax-  
ota ponaein, jei Jesús.

<sup>37</sup> Nexata Simón Pedro jume barai, jeye:

—Tanecanamataxeinaem, ¿eta xua metha  
baxua paebame xua anoxuae jopa neitacapaeyo  
xua tacapuna ponaewatsi ichaxota poname?  
¡Ichitha xan bara copatan xua jiwi tana  
nebexubinexa tacapuna ponaenexatsi! jei Pedro.

<sup>38</sup> Jesús jume barai, jeye:

—¿Bara xaniwaicha xua xam bara copatame xua  
jiwi necabexubinexa tana nepuna ponaenexam?  
Jume, apra xaniyan catsipaebatsi barapo mer-  
awithe acoibi po jumeyobebe neyabara jam tsane:

‘Jopa dapon yaitaeinyo’, neyabara jam tsane. Bapoxonae irurur wacara pebto fibina, jei Jesús.

## 14

*Meje yabara poxonae Jesús jeye: “Xan apara pon jiwi matacaponan Taxa beicha”, jei Jesús*

<sup>1</sup> Equeicha Jesús pijimonae barai, jeye: “Jopa yabara nantur exabinde ichawan. Pana neyabara jume cowunteibare yawano Taxa payabara jume cowunteibareno. <sup>2</sup> Taxa pia nacua beicha bon nawita ichaxota jiwi pejinompaewa. Icha bon ajibi tsipae, metha bayatha jopa paca tsipae-bichipaetsi, daxota apara paeban tsipei xainyan. Daxota paca tsiwanaeya pacata tutu wunaetinchi bara po bon. <sup>3</sup> Poxonae wetan xua Taxa beicha taponawa xuano xua icha nacobe wetan xua bon paca tsiwanaeya tutu wunaetatsi, bapoxonae equeicha patopeicaein. Paca caponaeinchi ichaxoteicha xua tapoponaewa tsane. <sup>4</sup> Paxam payaputaneme ichaxota ponaein. Daxota payaputanemeno po coyeneya xua painya nepatsiwa tsane baxota”, jei Jesús.

<sup>5</sup> Tomás jeye Jesustha:

—Patatanecanamataxeinaem, jopa payaputaeyinyo po nacua beya ichaxota ponaename. Tsipei baxua jopa payaputaeyinyo, daxota jopa pana neitacupaeyo xua pata ponaewa po nacua beya ichaxota xam ponaename, jei Tomás.

<sup>6</sup> Jesús jume nota, jeye:

—Xan apara pon jiwi tamatacaponaein Taxa beicha. Matautano xan pon xainyeya tapaebin. Matautano xan apara pon jiwi tacatsin



peajuntayapusawa, po peajuntayapusawa ataya tsiteca. Saya meisa xan ba jiwi yawenan xua pepatsiwa Taxa beicha. <sup>7</sup> Icha paxam pana neyaputaneme bara paichim Taxa payaputaneme. Daxota anoxuae nama Taxa payaputaneme yawano patanemeno tsipei paxam pana netaneme, jei Jesús.

<sup>8</sup> Nexata Felipe Jesús baraichichi, jeye:

—Patatanecanamataxeinaem, copare xua Axa pata tha taetsi. Bapoxonae juntema pata jinom-paewa tsane, jei Felipe.

<sup>9</sup> Jesús Felipe jume notatsi. Jesús jeye:

—Felipe, bara bayatha cabarũ popoinchiba. ¿Eta xua came jopa neyaputaem? Pon ba netane barichi apara bara Taxa tainchi. Daxota jopa benejam: ‘Copare painta pata tha Axa taetsi’, jopa bepana nejam. <sup>10</sup> ¿Eta xua metha jopa jume cowantsim xua bara Taxa neyanta xua bara irũ Taxa yantandũ? Daxita pocotsiwan paca tsipaebatsi apara jopa paebinyo pocotsiwa tacoutha ichichipan. Apra Taxa pon neyantsiya popona baxua apra exana pocotsiwa xua exanan.

<sup>11</sup> Pajume cowunde xua Taxa neyanta popona, xua Taxa irũ yanta poponan xua daxota Taxa be caein panbe. Icha jopa paca itacũpaeyo xua pana nejume cowantame pocotsiwa yabara paca tsipaebatsi Taxa, moya pana necui yabara jume cowunde xua bayatha exanan pexeinya tatsita itũtsi coyenewan. Baxuan jiwi tsita itũban xua bara xainyei xua Taxa neyanta popona xua daxota Taxa be caeinbe panbe. <sup>12</sup> Xaniyan paca tsipaebatsi, pon nejume cowanta, bapon irũ exanaena pocotsiwa exanan. Mataũtano equeicha

ichawan mataropeicha exanaena pew<sub>h</sub>naewan beyacaincha xua pocotsiwa exanan. Tsipei xan ponaein Taxa beicha. <sup>13</sup> Daxita pocotsiwan pana new<sub>h</sub>n caununaya w<sub>h</sub>came Taxa beicha, bara baxua exanaein, tapaca catsita it<sub>h</sub>tsinexatsi Taxa pia peayapus<sub>h</sub> itorobi coyenewa tatsi. <sup>14</sup> Bara pacata exanaeinchi poxonae pana new<sub>h</sub>n caununaya w<sub>h</sub>came Taxa beicha, jei Jesús.

*Meje yabara poxonae Jesús tsiw<sub>h</sub>naeya paeba xua bexa Nacom najumope t<sub>h</sub>nax<sub>h</sub> itorobina ji-witha*

<sup>15</sup> Equeicha Jesús barai pijimona, jeye: “Icha pana neantobem, moya paexande taitorobi coyenewan. <sup>16</sup> Icha baxua paexanaename tha bapoxonae Taxa w<sub>h</sub>caetsi jan tsane: ‘Axa, ich<sub>h</sub>n itorobare xua barapomona peyawenaenexatsi’, jan tsane. Bapoxonae Taxa pacata itorobina pon ataya paca yantsiya poponeibina. <sup>17</sup> Pon Nacom itorobina, apara bapon bara pia Pejumope t<sub>h</sub>nax<sub>h</sub> tatsi, po Pejumope t<sub>h</sub>nax<sub>h</sub> tatsi paca yaputane exana xua bara xainyei xua pocotsiwa Nacom yabara. Ichitha pomona jopa nejume cow<sub>h</sub>ntsiyo, barapomona jopa yaputaeyo Nacom pia Pejumope t<sub>h</sub>nax<sub>h</sub> tatsi. Daxota barapo Nacom pia Pejumope t<sub>h</sub>nax<sub>h</sub> tatsi jopa itac<sub>h</sub>paetsi xua barapomona peyantsiya jinompaewatsi. Daichitha payaputaename barapo Nacom pia Pejumope t<sub>h</sub>nax<sub>h</sub> tatsi tsipei pacata patopaena yawano ataya paca yantsiya poponaena”, jei Jesús.

<sup>18</sup> Equeicha Jesús barai pijimona, jeye: “Jopa paca punapentsi tsainchi. Equeicha caibe patope-

icaein xua tapaca baru poponaewatsi tsainchi.  
 19 Bara caeto jiwí jopa netae tsane pomonae jopa tana nejume cowuntsiwi. Ichitha paxam pana netaename. Paxam equeicha asu paji-nompaename tsipei xan equeicha asu poponaein. 20 Barapo mataqueitha poxonae Nacom pia Pejumope tñaxu tatsi patopeicaena, paya-putaename xua xan Taxa be caein pana naex-ananbe iru xua paxam be caein pana necana exaname iru xua xan be caein paca cana exanatsi. 21 Pon yaputane taitorobi coyenewan xuanano xua exana xua barapo taitorobi coyenewan paeba, bapon tsita itapeinya xeina jiwitha xua xaniwaicha bara neantobe. Taxa antobe tsane bapon, pon neantobe. Xan barichin antobein tsane bapon. Matautano yaputane exanaein xua bara bapon baru poponan”, jei Jesús.

22 Iru Judas pon seicaya ichundu, pon Judas Iscariote aibi, barapo Judas Jesús tsipaebatsi, Jesús jeichichi:

—Patatanecanamataxeinaem, ¿eta xua jinya meisa pana neyaputane exanaetsi xua bara pana nebaru jinompame xua jopa daichim pomonaetha pomonae jopa cajume cowuntsiyo? jei Judas.

23 Jesús Judas jume notatsi, jeye:

—Pon neantobe bapon exana pocotsiwa itoroban. Bapoxonae Taxa antobe tsane bapon. Xan iruru Taxa pon caein panxaeinbe papatopaeinbe bapontha pata yantsinexa bapon. 24 Pon jopa neantobeyo, bapon jopa exanaeyo pocotsiwa itoroban. Po jume diwesi xuaunxuae pana nejume taneme apara jopa

nata paebinyo. Aparā baxua paeban tsipei Taxa nejume caitoroba pon tana neitorobixae, jei Jesús xua Judas tsipaebatsi.

<sup>25</sup> Equeicha Jesús pijimonaē barai, jeye: “Daxita baxuan paca tsipaebatsi poxonaē cataunxuae paca baru popoinchi anoxuae. <sup>26</sup> Inta paxam pacata Nacom najumope tūnaxu itorobina. Barapo Nacom pia Pejumope tūnaxu tatsi paca yawenaena. Matautano paca cuidubina xua pexainyeiwa xua Nacom yabara. Matautano barapo Nacom pia Pejumope tūnaxu tatsi paca cana exanaena xua pana neyabara cananta xeinaename xua pocotsiwan bayatha daxita yabara paca tsipaebatsi.

<sup>27</sup> “Poxonaē paca cuenta ponaeinchi jūntema jinompa paca cana exanaeinchi. Paca catinchi po coyene jūntema tapoponaē coyenewa. Barapo jūntema tapoponaē coyenewa jopa bara be jūta ichiyo xua jiwi barompaya jūntema pia pejinom-pae coyenewa tatsi. Jopa yabara pana najuntu exabinde ichawan. Matauta jopa junuwiya pajinompaeinde. <sup>28</sup> Bayatha pana nejume taneme xua ponaein jan xuano xua equeicha patope-icaein paxamtha xua paca baru poponaeinchi jan. Icha xaniwaicha pana neantobem tsipaem metha pajuntu coyene weiweinaetsipame xua tapon-aewa Taxa beicha. Tsipei Taxa bichocono ainya cui, beyacaincha xua xan poxonaē cataunxuae poponan po cae pin nacuathe. <sup>29</sup> Baxua paca tsipaebatsi xua tsiwunaē paeban painya tana nejume cowantsinexam tsane poxonaē xaniwaicha baxua tsane.

30 “Nama imoxoyo jopa neitacɥpaeyo xua equeicha caeto tapaca tsipaebiwa tsainchi, tsipei nama imoxoyo patopaenaba pon jiwi jɥntɥ coyene itorobeibatsi po jiwitha jopa tana nejume cowɥntsiwi. Ichitha bapon jopa xeinaeyo peayapusɥ itorobi coyenewa xua tana neitorobiwa tsane. <sup>31</sup> Bewa exanaein pocotsiwa xua Taxa neitoroba, xua daxita jiwi peyaputaenexa xua apara bara xan ponxaein Taxa bichocono tana neantobein.

“¡Panonoba ponde! Weye poinchi”, jei Jesús piji-monaetha.

## 15

*Meje yabara poxonae Jesús yabara paeba uva ɥnboto xua pepa ɥnboto*

<sup>1</sup> Equeicha Jesús jeye: “Icha pepa ɥnboto ichi xua petabɥ opina wejjuina mene xua uva thei penacoichinexa, xan bara pocotsi jɥta coyeneya cana ichin jiwi. Jiwi ajɥntɥcoyeneyapusɥya cana exanan pomonae tana nejume cowɥntsi jiwi, icha uva pabi pexeinaein ichi xua yabaca xueta xua xanepanaya petaxuwiwa tsainchi. Taxa bara jɥta coyeneya ichi. Taxa yawena pomonae tana nejume cowɥntsiwi, pomonae xanepanaya inta pejinompaewi. <sup>2</sup> Uva pabi pexeinaein daxita ucuboba po maxɥranan xua jopa nacoichiyo. Baroxonae daxita barapo remaxɥranan po maxɥranan xua dubena xanepanaya nacoita beyacaincha xua copiya poxonae nacoita. Taxa barapocotsi jɥta coyeneya exana. Taxa itaweta pomonae bequein nejume cowɥnta ichitha jopa beta jinompaeyo xan nexa.

Barichi pomonae bequein nejume cowanta ichitha saya tsiwiyo exana pocotsiwa itoroban, Taxa atene cana exana xua barapomonae atene, xua daxota barapomonae beta exanaena pocotsiwa itoroban. <sup>3</sup> Pajuntũ coyene wũanem painya tana nejume cowantsixaemxae xua bayatha po jume diwesi tapaca tsipaebixaetsi. <sup>4</sup> Pana necayawa jinompeibare icha ichin xua ataya paca cayawa poponeibinchi. Uva ũaboto maxũranawa ba poxonae iratha maxũrana boca jopa ba pipatotha matono xuwouncuaeyo xua pethei perubenaenexa. Bara jũta coyeneya paichim. Icha jopa pana necayawa jinompaem, jopa paxeinaem tsane xua po coyene pexeinya peajũntũyarusũ coyenewa.

<sup>5</sup> “Icha pepa uva ũaboto ichi xua xeina pemaxũranawan, bara jũta coyeneya ichin. Xeinan pomonae tana nejume cowantsi jiwi pam. Pepa uva ũaboto nacoita exana nawita pethei pemaxũranawantha tsipei poxoru pemaxũranawan dubena pepa uva ũabototha tsica. Bara jũtiya ichi icha pana necayawa jinompame bapoxonae bichocono paca jũntũ coyene xanepana exanaeinchi. Daxota icha pana nepentsiya jinompame jopa paca itacũpaetsipae xua paexaname pocotsiwa xua Nacom ichichipa. <sup>6</sup> Pon jopa necayawa poponaeyo bapon Taxa itawetsina, icha xua uva pabi pexeinaein ichi. Bapon petũpae maxũranawan nota xua bayatha ucobobeba yawa bapoxonae isotototha bebeya petautsinexa.

<sup>7</sup> “Icha pana necayawa jinompaename yawa icha jopa pajũntemainam tsane pocotsiwa bay-

atha paca cuidubatsi, bapoxonae pocotsiwa pana newu<sub>ca</sub>ename bara baxua pacata exanaeinchi. <sup>8</sup>Jiwi Taxa baru cui itura jinatsi poxonae paca tane xua betiya xanepanaya pajinompame painya nexanaexae pocotsiwa Taxa paca itoroba. Yawa Taxa baru cui itura jinatsi tsipei barapomonae paca cui yaputane xua paxam barapara pepa tamonae jiwi pam. <sup>9</sup>Paca antobetsi icha Taxa ichi xua neantobe. Ataya payacuiya jinompare xua paxam po coyene xua pomonae tapana nejume cowantsi jiwi pam. <sup>10</sup>Paexanaponde pocotsiwa paca itorobatsi, bapoxonae bichocono tsitecaeya paca antobe tsoponae tsainchi, icha xan ichin xua poxonae exanan pocotsiwa Taxa neitoroba xua daxota ataya tsitecaeya neantobe tsoponae.

<sup>11</sup> “Baxuan paca tsipaebatsi xua paca juntu coyene xanepana exanaeinchi xua bapoxonae bichocono pajuntu coyene weiweinaename. <sup>12</sup>Barapo taitorobi coyenewa baxue xua janje: ‘Nantiya paxam pana naantobeinde, icha paca ichichi xua paca antobetsi’, jan. <sup>13</sup>Yabara paca tsipaebatsi po peantobewa bichocono ainya cui beyacaincha icha peantobewa. Barapocotsi peantobewa xeina pebin poxonae peantobexae pia jiton yaitataba xua pebexubinexatsi xua pia jiton tatsi jopa bepetabexubiwa tsainchi. <sup>14</sup>Paxam apara tajiwimonae pam, icha paexanaponaename pocotsiwa xua tapaca itorobiwatsi. <sup>15</sup>Anoxuae jopa bepaca caunutichi xua paxam pomonae inta amanaya penacuichiwi pam. Nama po cae pin nacuathe pomonae petanacuichiwi jopa yabara yaputaeyo pocotsiwa exana pomonae pia pecanamataxeinaewichi

tsipei jopa baxua yabara paebiyo. Ichitha paca caunutatsi xua paxam apara tajiwiwimonaepam, tsipei nama xan paca cana exainchi xua payabara yaputaneme daxita pocotsiwan xuan Taxa necui itoroba. <sup>16</sup> Aparajopa pana neitapetsim. Jame apara paca itapetatsi. Paca cui itorobatsi xua xanepanaya painya neexanaewa pocotsiwa Taxa paca itoroba. Ichichipan xua jopa peweraweracaewa tsane pocotsiwan painta exanaename. Bapoxonae Taxa bara pacata exanaena poxonae Taxa beicha pawucame poxonae pana nebuχχna bobenouname. <sup>17</sup> Daxota equeicha paca jeichi: ‘Paxam nantiya pana naantobeinde’, jan”, jei Jesús pijimonaetha.

*Meje yabara poxonae Jesús jeye: “Jiwi necaseba, ir# paca caseba”, jei Jesús*

<sup>18</sup> Equeicha Jesús jeye: “Pomonae jopa nejume cowantsiyo icha barapomonae paca caseba pananta xeinare xua barapomonae copiyanecaseba daxota paca casebar#. <sup>19</sup> Icha paxam pomonae jopa pata tana nejume cowantsiwi jiwana pam tsipaem, bapoxonae pomonae necaseba paca antobe tsipae icha ichi xua barompaya antobe pijimonaepomonae xote jinompe, pomonae jopa tana nejume cowantsiwi, barapomonae pexantha tatsi paca itapetatsi daxota barapomonae paca caseba. Tsipei anoxuae paxam jopa barapomonae jiwana pam. <sup>20</sup> Pana nejume cayabara nanta xeinare xua bayatha paca tsipaebatsi xua janje: ‘Pon ba tanacuita ichan, bapon jopa ainya cuiyo,



jame pia pentacaponaein tatsi ainya cui pon peitorobixaetsi', paca jeichi. Tsipei jiwi inta abe exana daxota iru pacata abe exana. Jiwi jopa jume cowantsiyo tacuidubiwa. Barichi jopa jume cowantsiyo painya necuidubiwa. <sup>21</sup> Daxita baxuan jiwi paca cana exanaena xua painya neexanaexae pocotsiwa paca itorobatsi tsipei jopa yaputaetsi pon neitoroba pon Taxaxae.

<sup>22</sup> "Icha jopa patopaeinchipae po cae pin nacuathe, xuano xua icha jopa cuidubinchipae barapomonaetha, barapomonaе jopa natsicuentcipae, xua abe peexanaexae tsipei jopa yaputaetsipae xua abe exana. Ichitha anoxuae jopa itacupaetsi xua pejeiwa: 'Jopa payaputaeyinyo xua abe paexanan', xua pejeiwa, tsipei patopan yawa cuiduban barapomonaе. <sup>23</sup> Pomonaе xua necaseba, barapomonaе iru Taxa casebatsi. <sup>24</sup> Barapomonaе tane xua xan exanan pocotsiwa ichun jopa itacupaetsi xua peexanaewa. Icha barapomonaе jopa bayatha necui taetsipae xua exanan jopa natsicuentcipae xua abe peexanaexae jopa peyaputaexae tsipae xua abe exana. Ichitha barapomonaе bara xaniwaicha necui tane xua exanan. Matautano yaputane xua abe exana. Daxota barapomonaе necaseba iru daxota Taxa casebatsi. <sup>25</sup> Ichitha baxua bewa neyabara jume cui wetsina tsipei Moisés pia peitorobi coyenewatha neyabara tsiwanaeya jeye: 'Barapomonaе necaseba poxoru saya apatsi', jei barapo Moisés pia peitorobi coyenewatha.

<sup>26</sup> "Itorobin Nacom pia Pejumope tuxaxu tatsi xua po pejumope tuxaxu Taxa werena pona, po

pejumope tɨnaxɨ paca yawenaena po pejumope xainyeya pepaebin. Barapo pejumope tɨnaxɨ neyabara paebina poxonae bapon patopeicaena. <sup>27</sup> Paxam bara paichim tsane ichamonaetha pana neyabara paebiname. Tsipei poxonae aena tamropata pitaban tanacuichiwa barapo cae pin nacuathe, bapoxonae caena bayatha pana nebarɨ jinompame”, jei Jesús pijimonaetha.

## 16

<sup>1</sup> Equeicha Jesús barai pijimonae, jeye: “Baxua paca tsipaebatsi xua jopa painya nebarapentsiwa tsane xua tapana nejume cowɨntsiwam poxonae jiwi abe pacata exanaena. <sup>2</sup> Paca itawetsina judiomonaе pia penacaetutsi bon weya. Po mataqueitha poxonae jiwi paca jutebina, barapo jiwi catsawiya nanta xeinaena xua Nacom pecui itorobixae xua daxota painya paca necajutebiwa tsane. <sup>3</sup> Barapo jiwi baxua pacata exanaena, tsipei jopa neyaputaeyo mataɨta Taxa tsipei jopa yaputaetsi. <sup>4</sup> Baraxua paca tsipaebatsi xua painya tana necayabara jume cananta xeinaewam tsane poxonae barapo matabi tsane poxonae po mataqueitha jiwi abe pacata exanaena.

*Meje yabara po coyene xua Nacom pia Pejumope tɨnaxɨ tatsi exana*

“Poxonae aena tamropata pitaban tanacuichiwa baraxua jopa paca tsipaebichi tsipei paca barɨ popoinchi. <sup>5</sup> Ichitha nama anoxuae baxua paca tsipaebatsi tsipei ponaein, xua Taxa beicha taecaewa tsane pon tana neitorobixae. Dapon aibi paxam jiwana

pam pon neyainyaba xua nejei: ‘¿Eta xota ponaename?’ pon nejei, tsipei daxita pam bara pana neyaputaneme xua xota taponaeawa. <sup>6</sup> Nama anoxuae bichocono panthuthu wecoyam tapaca tsipaebixaetsi baxua. <sup>7</sup> Ichitha bara yatsicaya xainyeya paca tsipaebatsi. Baxua pacata wuna xua taponaeawa tsipei icha jopa ponaeinchipae, jopa neitacupaetsipae xua taitorobiwa Nacom pia Pejumope tñaxu tatsi xua painya nepaca cayawenaenexa. Icha ponaein barapo jumope pacata itorobinchi. <sup>8</sup> Poxonae Nacom pia Pejumope tñaxu tatsi patopeicaena, jiwi yabara yaputane cana exanaeinchi pocotsiwa daxita jiwi abe peexanae cuiru coyenein exana. Matautano barapo Nacom pia Pejumope tñaxu tatsi jiwi yaputane cana exanaeinchi xua xan saya xanepanaya Nacom tayabara paebin. Matautano barapo Nacom pia Pejumope tñaxu tatsi jiwi yaputane cana exanaeinchi xua po coyene poxonae Nacom exanaena xua Nacom yabara paebina daxita jiwi xua penatsicuentsiwa xua abe peexanaexae. <sup>9</sup> Poxonae barapomonae abe peexanae cuiru coyene exana baxua tsita itapeinya xeina xua barapomonae jopa tana nejume cowantsiwi. <sup>10</sup> Matautano jiwi yaputane cana exanaeinchi xua xan saya xanepanaya Nacom tayabara paebin, tsipei Taxa beicha ponaein yawa paxam jopa equeicha pana netaem tsane. <sup>11</sup> Matauta barapo Nacom pia Pejumope tñaxu tatsi jiwi yaputane cana exanaeinchi xua po coyene poxonae Nacom exanaena xua Nacom yabara paebina daxita jiwi xua penatsicuentsiwa xua abe peexanaexae. Tsipei

caena bayatha bapocotsiwa exana caurimonae pia pentacaponaeintha, pon jiwi j<sub>hnt</sub> coyene itorobatsi barapo cae pin nacuathe xua abe peexanaenexa. Matautano Nacom bapontha cana exanaena xua bexa bapon weraweracaena.

<sup>12</sup> “Ichawa bequein xeinan xua tapaca tsipae-biwatsi ichitha anoxuae jopa paca itac<sub>paeyo</sub> xua painya neyaputaewa tsipei jopa paca coyene c<sub>paeyo</sub>. <sup>13</sup> Poxonae patopeicaena Nacom pia Pejumope t<sub>nax</sub> tatsi, barapo pejumope t<sub>nax</sub> paca tsipaebina daxita xua xuan pocotsiwa pex-ainyeiwa tsipei apara jopa paebi tsane xua pia coutha peichichipaewa. Saya paebina xua Nacom bayatha jume tainchi. Matautano barapo pejumope t<sub>nax</sub> yabara yaputane paca cana exanaena pocotsiwa bexa tsane exanaena po cae pin nacuathe tsique. <sup>14</sup> Barapo Pejumope t<sub>nax</sub> jiwi cana exanaeinchi xua jiwi w<sub>nae</sub> tana ne-jainchiwa tsane. Pocotsiwa xua paca tsipaebatsi, barapo pejumope t<sub>nax</sub> xuya yaputane paca exanaena. <sup>15</sup> Daxita xua Taxa pocotsiwa xeina ir<sub>u</sub> apara xan tawa. Daxota paca jeiche: ‘Pocotsiwa tacuidubi coyenewa, barapo coyenewa barapo pejumope t<sub>nax</sub> xuya equeicha paca cuidubina’, paca jeichi.

<sup>16</sup> “Caeto tsane jopa pana netaem tsane. Ichitha bexa tsane bapoxonae equeicha pana netaename. Bapoxonae pirapaeyo Taxa beicha ponaein”, jei Jesús pijimonaetha.

*Meje yabara poxonae Jesús jeye: “Bequein copiya pawecoyam tsane ichitha bexa equeicha paj<sub>nt</sub> coyene weiweinaename”, jei Jesús*

17 Bapoxonae ichamonae pomonae Jesús pijimonae tatsi caemonae nayainyaba, najei:

—¿Eta xua bapon naca tsipaebara? ¿Eta xua metha naca jei: ‘Caeto tsane jopa pana netaem tsane. Ichitha bexa tsane, bapoxonae equeicha pana netaename. Bapoxonae pirapaeyo Taxa beicha ponaein’, naca jei? 18 ¿Eta xua metha ‘caeto tsane’, jane? Jopa baxua yaputaetsi, najei.

19 Jesús pijimonae yaputane xua pijimonae juntucuru yainyabatsi. Daxota pijimonae barai, jeye:

—Xuaunxuae paca jeichi: ‘Caeto tsane jopa pana netaem tsane. Ichitha bexa tsane bapoxonae equeicha pana netaename’, jan ¿baxua apara pana necayabara jume yainyabame? 20 Xaniyan paca tsipaebatsi. Tacoutha paxam pawecoyam tsane yawano paanthurewem tsane poxonae irũũ jũntũ coyene weiweinaena pomonae jopa tana nejume cowũntsi jiwĩ. Bequein caeto pawecoyam tsane ichitha equeicha pajũntũ coyene weiweinaename. 21 Poxonae yabũyo bũpana taecatsi pexuyo, poxonae imoxoyo naexanaena pexuyo, bapowa bichocono wecoyei. Ichitha poxonae bayatha pexuyo naexana, bapoxonae bapowa nacayabara jũntemaina xua bayatha yaporowa papai xua peatenexae. Daxota bapowa jũntũ coyene weiweina pexuyo bayatha penaexanaexae. 22 Bara jũta coyeneya paichim tsane. Poxonae tũpaein xua taponaein tsane, bequein pawecoyam tsane, ichitha panetaename poxonae asũn tsane xua ponaein Taxa beicha. Yawa bapoxonae pajũntũ coyene weiweinaename. Dapon aibi pon barapo jũntũ weiweinae coyenewa paca jũntũ coyene wejũntemaina cana exanaena.

<sup>23</sup> “Barapo mataqueitha, po mataqueitha Taxa beicha ponaein, equeicha bara nama jopa painya tana neyainyabiwam tsane. Saya meisa poxonae Taxa beicha pana newun caununaya wucaename, bara baxua daxita pacata exanaena. Baxuan pocotsiwa paca tsipaebatsi bara xainyan. <sup>24</sup>Caena bayatha xua beya anoxuae jopa pana newun caununaya wucaem Taxa beicha. Anoxuae nama pana newun caununaya wucaename Taxa beicha. Bara baxua pacata exanaena xua bichocono yatsicaya painya nejuntx coyene weiweinaewa tsane”, jei Jesús pijimonaetha.

*Meje yabara poxonae Jesús jeye: “Xan amanayabaxubin pon jiwi juntx coyene itorobatsi po cae pin nacuathe”, jei Jesús*

<sup>25</sup> Equeicha Jesús barai pijimonae, jeye: “Pocotsiwan xua bayatha paca tsipaebatsi, bara paeban pecayabara juta pepaebi diwesixitha. Ichitha barapo matabi patopaena, po mataqueitha jopa paca tsipaebi tsainchi pecayabara juta pepaebi diwesixitha. Barapo mataqueitha bara Nacom yabara jume penthiya paca tsipaebinchi. <sup>26</sup>Barapo mataqueitha pana newun caununaya wucaename Taxa beicha. Jopa paca tsipaebichi xua Taxatha tapacata wucaewa tsainchi tsipei apara bara painya coya paca itacupa. <sup>27</sup>Taxa paca antobe pata tana neantobemxaem yawa pata tana nejume yabara cowantsixaemxae xua xan bara yatsicaya Taxa wetsica ponan. <sup>28</sup>Taxa pia xainya wetsica ponan xua tapatopaewa tsane po cae pin nacuathe tsique. Ichitha anoxuae barapo cae pin

nacue cuenta ponan xua equeicha Taxa beicha taponawa tsane”, jei Jesús pijimonaetha.

<sup>29</sup> Nexata Jesús pijimonaexae baraichichi, jeye:

—Anoxuae bara yatsicaya jume penthiya pana netsipaebame. Jopa paebim pecayabara juta pepaebi diwesixitha. <sup>30</sup> Anoxuae payaputan po coyene xua bara daxita neyaputaewan. Matautano payaputan xua jopa pata nantawenonaewa xua paxan pata paca cayainyabiwatsi. Daxota pajume cowuntan xua xam bara yatsicaewa Nacom wetsica neponaein, jeichichi Jesús pijimonae.

<sup>31</sup> Jesús jume barai pijimonae, jeye:

—¡Anoxuae matapainya pana nejume cowuntame! jei Jesús. <sup>32</sup> Bara nama imoxoyo matabi patopa, po mataqueitha tsana parucupaename poxonaе jiwi paca yotabina. Paxam pana necuentarucupaename. Daichitha xan jopa companyo tsane tsipei Taxa neyanta bayatha. <sup>33</sup> Daxita baxuan paca tsipaebatsi painya nejuntа coyene weiweinaenexam tsane tapana necayawa jinompaexaem tsane. Poxonae cataunxuae pajinompaename po cae pin nacuathe jiwi paca atene exanaena poxonaе abe paca cana exanaena. Daichitha junteма pajinompare. Tsipei xan amanayabaxubin pon jiwi juntа coyene itorobatsi po cae pin nacuathe, jei Jesús pijimonaetha.

## 17

*Meje yabara poxonaе Jesús pijimonaе tawuca Paxatha*

<sup>1</sup> Poxonae Jesús baxua najume weta xua pijimonaē tsipaeba, bapoxonae Jesús itaboco necoicha. Paxatha tsipaeba jeye: “Axa, aunxuae patopaena xua poxonae jiwi tsita it̄tsiname xua xan, apara bara Nexanton, pon taainya cuin. Bapoxonae jiwi tsita it̄tsin xua xam jinya neainya cuim. <sup>2</sup> Xam, Nexantonxaein, daxita jinya neitorobi coyenewa necatame xua taitorobinexa tsane jiwi. Daxita po jiwi necatame, po jiwi tana nejume cow̄ntsiwi, barapo jiwi catsin peaj̄nt̄yap̄us̄wa, po peaj̄nt̄yap̄us̄wa ataya tsiteca. <sup>3</sup> Axa, yatsicaya compam xam Nacom, ir̄ xan Jesucriston compan ponxaein neitorobame po cae pin nacuathe tsique. Pomonaē nejume cow̄nta ir̄ xuano cajume cow̄ntano, barapomonaē xeinaena peaj̄nt̄yap̄us̄wa, po peaj̄nt̄yap̄us̄wa ataya tsiteca.

<sup>4</sup> “Po cae pin nacuathe exanan xua jiwi w̄naē necajainchiwa. Bayatha wetan xua bayatha necui itorobame xua taexanaewa tsane. <sup>5</sup> Axa, anoxuae equeicha ainya cui neexande neitabaratha, icha matha neichim poxonae caena bayatha ainya cui neexaname neitabaratha poxonae nexantha ponon poxonae cataunxuae po cae pin nacue jopa forotsinyo.

<sup>6</sup> “Pomonaē bayatha itapetame, pomonaē nejume cow̄nta, barapomonaē yabara cuiduban xua xam cayabara paebatsi. Barapomonaē bara jinyamonaē yawa nepuna pona exaname. Barapomonaē bara xanepanaya exana xua pocotsiwa itorobame. <sup>7</sup> Pocotsiwan xua xan paeban xuano xua exanan, daxita baxuan exanan tana necat-



simxae jinya pexeinya ayapusu itorobi coyenewa. Anoxuae daxita baxuan barapomonaе yaputane. <sup>8</sup> Pocotsiwan necuidubame xuya barapomonaе cuiduban. Daxita baxuan barapomonaе yabara nejume jejei. Barapomonaе yaputane xua xan bara yatsicaya xam wetsica ponan. Matautano yaputaneno xua xam tana neitorobiwam.

<sup>9</sup> “Cawuцatsi barapomonaе nexa xua neyawenaewa tsane barapomonaе. Apra jopa yabara cawuцаetsi pomonaе jopa nejume cowuцtsiyo xua neyawenaewa tsane. Saya jame yabara cawuцatsi pomonaе tana necatsixaemxae pomonaе jinyamonaexae. <sup>10</sup> Daxita pomonaе xua jinyamonaе apra tamonaeru. Daxita iruru pomonaе xua tamonaе, apra jinyamonaeru. Ichamonaе wуnaeya necayabara nanta xeina xua xan ainya cuin tsipei xanepanaya jinompa, pomonaе tana nejume cowuцtsi jiwі.

<sup>11</sup> “Xan jopa poponaein tsane po cae pin nacuathe tsipei ponaein nexainya beicha xua tapoponaenexa nexantheicha. Nama barapomonaе jopa daichiyo, saya po cae pin nacuathe dubenanaebiyaena. Axa, xam ponxae bichocono nejuntu coyene xanepanaein tsaibim. Pomonaе bayatha tana necatsixaemxae barapomonaе beberе jinya neayapusu neitorobi coyenewatha xua barapomonaе jopa pejuntu coyene cui itorobinexa tsainchi xua abe peexanaewa tsane xua caurimonaе pia pentacaponaein tatsi juntu coyene cui itoroba. Bapoxonaе barapomonaе be caein cana naexanaeinchibe waantobexaеbe barapomonaе icha ichichibe xua be caein naexainchibe.

12 Poxonae cataunxuae poponan po cae pin nacuathe, apara xan bebeteiban barapomonae jinya neayapusu neitorobi coyenewatha pomonae tana necatsixaemxae. Barapo tamonaexae beta bebetan yawa jopa copatsinyo xua ichan tana newepu aichurucuaewa, saya meisa caein nexubina barapomonae jiwana. Daxota bapon bewa tupaena tsipei bichocono peajuntucoyeneyapubein. Bapon abe exana tsipei caena bayatha nejume diwesitha bapon yabara paebatsi po coyeneya xua bapon tana necana exanaewa tsane.

13 “Anoxuae xan ponan nexainya beicha ichaxoteicha ecame. Ichitha daxita baxuan paeban poxonae cataunxuae po cae pin nacuathe poponanje xua barapomonae bichocono pejuntucoyene weiweinaenexa, po pejuntucoyene weiweinaewa bayatha xeinan. 14 Nejume diwesi catan barapo tamonae. Ichitha barapo tamonae inta casebatsi ichamonae tsipei barapo jiwi po cae pin nacuathepiwi. Barapo tamonae nama po cae pin nacuathepiwi aibi, icha ichin xua xan po cae pin nacuathepin aibin. 15 Apra jopa cawucaetsi xua barapo tamonae nenotsinexa po cae pin nacue weye. Saya apra cawucaetsi xua barapomonae nebebetsinexa caurimonae pia pentacaponaein tatsi pecuiyainwa. 16 Icha xan ichin xua po cae pin nacuathepin aibin, barichi barapo tamonae jopa barapo cae pin nacuathepiwiyo. 17 Nejume diwesi, apra po diwesi nexainyei diwesi jume. Poxonae barapo tamonae jume tane baxua barapomonae catame xua pejuntucoyene weiweinaewa xua

peexanaewa tsane pocotsiwa ichichipame. <sup>18</sup> Icha neichim xua neitorobame pomonaetha pomonae jopa jume cowantsiyo, barichin pomonae tana nejume cowantsiwi itoroban pomonaetha pomonae jopa tana nejume cowantsiwi. <sup>19</sup> Najantũ coyene catan nexainya beya tha xua exanaetsi pocotsiwa ichichipame. Baxua exanan tsipei antobein tamonae. Exande xua barapomonae irũ penajantũ coyene catsinexa nexainya beya xua pia peexanaewa tsane pocotsiwa ichichipame. Baxua peexanaenexa tsane pexeinaexae nejume diwesi, po diwesi nexainyei jume diwesi.

<sup>20</sup> “Jopa meisa cawũcaetsi barapo tamonae nexa, apara yawano irũ yabara cawũcatsi pomonae bexa nejume cowantsina poxonae jume taena tajume diwesi xua poxonae pepaebixae tsane barapo tamonae. <sup>21</sup> Cawũcatsi xua barapomonae be caein penaexanaenexa xuano xua cae penanta xeinaeya nacana barũ cayawa nanta xeinaenexa tsainchibe. Baxua exanatsibe barapomonaetha icha neichim xua neyantame xuano xua xam cayantatsirũ. Poxonae barapomonae be caein nacayawa naexana ponaeinchibe, bapoxonae ichamonae yabara jume cowantsina xua xam bara yatsicaya tana neitorobiwam. <sup>22</sup> Barapo tamonae peainya cui coyenewa catan, po peainya cui coyenewa xam necatame xua barapomonae be caein penaexanaenexa icha ichichibe xua bara caein naexanatsibe. <sup>23</sup> Xan tamonae yantan irũ xam neyantame, tsipei daxitatsi be caein naexainchi daxota barapomonae yatsicaya bara be caein

naexana. Bapoxonae daxita jiwi cui yaputaena xua xam bara yatsicaya tana neitorobiwam. Matautano barapo jiwi cui yaputaena xua tamonae antobem icha ichim xua neantobem.

<sup>24</sup> “Axa, necatame barapo tana nejume cowantsiwi. Ichipan xua barapomonae pomonae tana nejume cowantsiwi ponaena ichaxoteicha taponaeewa tsane xuano xua pia petaenexa tsane taainya cui coyenewa xua necatame. Tsipei caena bayatha neantobem poxonae cataunxuae jopa forotsiyo po cae pin nacue. <sup>25</sup> Axa, pon bichocono nejuntɔ coylene xanepanaem. Pomonae jopa tana nejume cowantsiwi jopa pepa jinyamonaeyo tsipei jopa cayaitaeyo. Ichitha xam bara cayaitainchi. Pomonae tamonae, pomonae tana nejume cowantsiwi barapomonae neyabara yaputane xua xam tana neitorobiwam. <sup>26</sup> Barapomonae pomonae tana nejume cowantsiwi yabara yaputane exanan xua xam cayabara paebatsi. Abɔ cataunxuae awiya baxua exanaein xua jinya necaantobenexa tsane icha neichim xua neantobem. Matautano barapomonae ataya yaitata poponeibin”, jei Jesús poxonae Paxa tsipaeba.

## 18

*Meje yabara poxonae Jesús waetabatsi  
(Mt 26.47-56; Mr 14.43-50; Lc 22.47-53)*

<sup>1</sup> Poxonae Jesús najume weta xua poxonae Paxa tsipaeba, bapoxonae pomonae Jesús piji-monaexae tatsi Jesús barɔ pona. Jesús barɔ pona foto iya icha muxunene beya, po foto cataunxuae ira tsewa. Barapo foto pewɔn Cedrón. Barapo icha

muxunene beya umena xua ponaein peubi naein, baxota Jesús pijimonae bar<sub>u</sub> patopa. <sup>2</sup> Judas, pon Jesús caenaetatsi, bapon yaputane barapo momiyó tsipei baxota matha matowa Jesús pijimonae bar<sub>u</sub> nacaetuteiba. <sup>3</sup> Judas patopa ichaxota Jesús pijimonae bar<sub>u</sub> uncua. Judas bar<sub>u</sub> pona soldadomonae ir<sub>u</sub>no policiamonae, po policiamonae pomonae Nacom pin pia bo peyabara umenaewi. Daxita barapomonae, pomonae Judas bar<sub>u</sub> patopa fariseomonae itoroba ir<sub>u</sub> sacerdotemonae pia pentacaponae tatsi itorobar<sub>u</sub>. Daxita barapomonae cusin capona. Ir<sub>u</sub> ichamonae lámpan capata ir<sub>u</sub> ichamonae banaxuton capata. <sup>4</sup> Bequein Jesús tsiwana yaputane barapomonae xua po coyene pecana exanaewa tsainchi, ichitha Jesús itataya yawa yainyaba, jeye:

—¿Jintam pawenawenam? jei Jesús.

<sup>5</sup> Daxita barapomonae Jesús jume notatsi, jeye:

—Apara Jesús Nazaret tomarapin pawenawenan tsompae, jei.

Jesús jume nota, jeye:

—Apara bara bapon uncuanje, jei Jesús.

Ir<sub>u</sub> Judas, pon Jesús caenaetatsi, baxota nauncuar<sub>u</sub>. <sup>6</sup> Poxonae Jesús, jeye: “Apara, bara bapon uncuanje”, jei, bapoxonae barapomonae peuma iyiya caibeya yawa xuirabathopa. <sup>7</sup> Equeicha Jesús yainyaba, jeye:

—¿Jintam pawenawenam tsompae? jei.

Equeicha barapomonae, jeye:

—Apara, Jesús Nazaret tomarapin pawenawenan tsompae, jei barapomonae.

<sup>8</sup> Nexata Jesús barai, jeye:

—Bayatha paca tsipaebatsiba: ‘Apara bara bapon uncuanje’, jan. Icha pana newenawenam bara tamonaē inta painta pu copabare, jei Jesús.

<sup>9</sup> Baxua exana tsipei caena bayatha Jesús jeye Paxatha: “Axa, barapo tamonaexae beta bebetan yawa jopa copatsinyo xua ichan tana newepu aichurucuaewa”, jei Jesús. <sup>10</sup> Bapoxonae Simón Pedro namara wejonta pia wato cusi. Simón Pedro muxuyoro catsoniba pon pewan Malco, po muxuyoroto pecoxa werucuiya. Bapon Malco pon sacerdotemonae pia pepa pentacaponaein tatsi tanacuitatsi. <sup>11</sup> Jesús Pedro baraichi, jeye:

—Cusi jeinca pentacuerutha. ¿Eta pocotsiwa daxua daichim? ¿Xam ichipame xua jopa taexanaewa tsane pocotsiwa caena bayatha Taxa neitoroba xua bara bewa jiwi atene tana necana exanaewa? jei Jesús.

*Meje yabara poxonae Jesús uncuā Anás peitabaratha tatsi*

*(Mt 26.57-58; Mr 14.53-54; Lc 22.54)*

<sup>12</sup> Bapoxonae soldadomonae iru soldadomonae pia pentacaponaein tatsi iruru policiamonae, po policiamonae pomonae Nacom pin pia bo peyabara umenaewi, daxita barapomonae Jesús waetabatsi yawa maxu cubatsi. <sup>13</sup> Bapoxonae Jesús capoinchi Anás pia bo tatsi beya. Bapon Anás Caifás paxuyo tatsi. Bapon Caifás barapo weitharu sacerdotemonae pia pepa pentacaponaein tatsi naexana. <sup>14</sup> Barapon Caifás, pon caena bayatha jei judiomonaetha: “Metha wunae xua bara caein piamonae yaitatsina pebexubinexatsi xua daxita

piamonae tatsi jopa petajutebinexatsi”, jei Caifás xua bayatha paeba.

*Meje yabara poxonae Pedro Jesús yabara pae-batsi xua jeye: “Jopa dapon yaitaeinyo”, yabara jeichichi Jesús*

*(Mt 26.69-70; Mr 14.66-68; Lc 22.55-57)*

<sup>15</sup> Simón Pedro iru ichun ponxaeru Jesús pijimonae tatsi jiwana Jesustha napuna ponabe poxonae policiamonae Jesús capoinchi sacerdotemonae pia pepa pentacaponaein tatsi pia botha tatsi. Barapon pon ichun bapon yaitainchi xua sacerdotemonae pia pepa pentacaponaein tatsi yaitane. Daxota bapon sacerdotemonae pia pepa pentacaponaein tatsi pia pin pia bo panatha tatsi Jesús puna jonyatsi. <sup>16</sup> Nama Pedro aisowatha uncua peboupa juma werena. Daxota bapon pon ichun pana weya pona peboupa beya xua yabuyo petsipaebinexatsi powayo yapu eeneiba peboupa. Bapon jeye: “Inta Pedro pu itorobarena xua bara jondenaena”, jei. Tsipei barapo sacerdotemonae pia pentacaponaein tatsi bapon yaitainchi daxota barapowa Pedro bara copatatsi xua bara jondenaena. <sup>17</sup> Nexata poxonae Pedro jondena, bapowa Pedro yainyabatsi, jeichichi:

—¿Bara xam, Jesús pijimonae tatsi caein jiwanamda? jeichichi Pedro.

Pedro jume nota, jeye:

—Jume, apara xan dapon aibin, jei Pedro.

<sup>18</sup> Yaitama iru aque tsuncuaeru daxota pomonae sacerdotemonae pia pepa pentacaponaein tatsi tanacuitatsi iru policiamonaeno, daxita barapomonae isoto itutaeta barapo panatha. Daxita

barapomonae nonopumena barapo isototha. Pedro iru baxota nanonopuncuaru.

*Meje yabara poxonae sacerdotemonae pia pepa pentacaponaein tatsi Jesús matowa yainyabatsi (Mt 26.59-66; Mr 14.55-64; Lc 22.66-71)*

<sup>19</sup> Iruru bapoxonae sacerdotemonae pia pepa pentacaponaein tatsi tamropata pitaba xua Jesús matowa peyainyabiwatsi. Jesús jeichichi: “Jesús, ¿jintam baru jinyamonae? ¿Eta po diwesi cuidubame barapo jinyamonae?” jeichichi Jesús.

<sup>20</sup> Jesús jume nota, jeye:

—Caena bayatha daxita jiwi peitatha cueicueijan tsaibin. Judiomonae pia penacaetutsi bontha ataya cuidubeiban. Matautano Nacom pin pia botha ichaxota judiomonae nacaetuteiba, baraxotano ataya cuidubeiban. Bapana jopa jiwi wepu nameicha paebin xua pocotsiwa jiwi jopa tana nejume taenexa. <sup>21</sup> ¿Eta pocotsiwa metha nejume yabara yainyabame? Jame maisa moya yainyabare pomonae bayatha nejume tane. Moya barapomonae catsipaebina pocotsiwa bayatha tsipaeban barapomonae petanejume yaputaexae pocotsiwa bayatha tsipaeban, jei Jesús.

<sup>22</sup> Poxonae Jesús baxua najume weta, bapoxonae caein policiamonae jiwana pin pomonae baxota umena, po policiamonae Nacom pin pia bo peyabara umenaewi bapon Jesús jumata cuaintaxotsi. Yawa bapon Jesús jeichichi:

—¿Eta xua dapo jume paebame poxonae baxua jume notame sacerdotemonae pia pepa pentacaponaein tatsi? jei bapon.

<sup>23</sup> Jesús jume nota, jeye:



—Icha bara pocotsiwa abe paeban, moya netsi-paebare xua abe. Ichitha icha xua wɛnae paeban, ¿eta pocotsiwa metha nexata nejumata cuaintax-ubame? jei Jesús.

<sup>24</sup> Bapoxonae Anás Jesús yamaxɛ cɛbiya itorobatsi Caifás beya. Bapon Caifás sacerdotemonae pia pepa pentacaponaein tatsi naexana barapo weitharɛ.

*Meje yabara poxonae equeicha Pedro Jesús yabara paebatsi: “Jopa dapon yaitaeinyo”, yabara jeichichi Jesús*

*(Mt 26.71-75; Mr 14.69-72; Lc 22.58-62)*

<sup>25</sup> Poxonae baxuarɛ, irɛrɛ cataunxuae Pedro nanonopuncua. Barapoxonae barapomonae Pedro yainyabatsi, jeichichi:

—¿Xam apara Jesús pijimonae tatsi caein jiwana mda? jeichichi Pedro.

Ichitha Pedro jume notsiya jeye:

—Jume, apara xan bapon aibin, jei Pedro.

<sup>26</sup> Bapoxonae equeicha ichɛn Pedro yainyabatsi pon sacerdotemonae pia pepa pentacaponaein tatsi tanacuitatsi. Pon Pedro yainyabatsi, bapon caein jiwana pomonae Pedro jiwana muxuyoro catsoniba. Bapon Pedro yainyabiya jeichichi:

—Xam bayatha caena catainchi poxonae Jesús paca barɛ pona momiyo beya. ¿Bara methara? jeichichi Pedro.

<sup>27</sup> Pedro equeicha jume notsiya jeye:

—Jume, jopa dapon yaitaeinyo, jei.

Bapoxonaerɛ caena nainya wacara pebto fiba.

*Meje yabara poxonae Jesús uncua Pilato peitabaratha tatsi*

*(Mt 27.1-2, 11-14; Mr 15.1-5; Lc 23.1-5)*

<sup>28</sup> Caemumbotha Jesús capoinchi Caifás pia bo weya pon jiwi peyanacua ewatsinchi pin pia bo tatsi beya, pon pewan Pilato. Ichitha judiomonae jopa joniyaeyo barapo botha pon jiwi peyanacua ewatsinchi pin pia bothaxae tatsi. Judiomonae pia juntu coyene cui xeina xua jei: “Judiomonae jopa bewa nanacaetutsi pomonae jopa be judiomonae naexanaeyo pia bothaxae tatsi po mataqueitha poxonae imoxoyo Pascua wan matabin xua poxonae jiwi penabanaewanexa pexaewa”, jei. Tsipei icha baxua exanaetsipa pia coutha najuntu coyene taxobichipa yawa barapomonae jopa itacupaetsipaetsi xua pexaewa xaena, po pexaewa poxonae xane Pascua wan matabintha. <sup>29</sup> Daxota Pilato aisowa bejoniya pia bo weya xua petsipaebinxatsi pomonae pesattha umena. Pilato jeye barapomonaetha:

—¿Eta pocotsiwa painya yabara netsipaebichi bapon xua abe peexanaewa? jei.

<sup>30</sup> Barapomonae Pilato jume notatsi, jeye:

—Icha bapon jopa abe exanaetsipae, metha bapon jopa caponaetsipaetsi nexantha, jei barapomonae.

<sup>31</sup> Nexata Pilato barai jiwi, jeye:

—Paxam papire bapon, barompaya painya neitorobi coyenewatha payabara paebare xua penatsicuentiwa xua abe peexanaexae, jei Pilato.

Barapo judiomonae jume nota, jeye:

—Ichitha paxan judiomonae pan, ro-manomonae pia peitorobi coyenewa jopa pana

copatsiyo xua ichan pacui itoroban xua jiton pebexubiwatsi xua poxonae abe peexanaexae, jei judiomonae.

<sup>32</sup> Baxua exana tsipei bayatha Jesús tsiwanaya nayabara paeba po coyeneya jiwi poxonae Jesús pebexubiwa tsainchi. <sup>33</sup> Bapoxonae Pilato equéicha pia pin pia bo bejoniya yawa Jesús wabatsi, jeichici:

—¿Xam judiomonae itorobiya pia pepa Nee-watsin? jei Pilato.

<sup>34</sup> Jesús jume nota, jeye:

—¿Apara jincoya necayabara cananta xeinaeya yainyabame? Apara ichan yabara necatsipaebixae baxua, ¿daxota barapo jumetha neyainyabame? jei Jesús.

<sup>35</sup> Pilato jume nota, jeye:

—Jopa taeinyo tsipei apara xan judiomonaepin aibin. Apara jinya nacuamonaepiwi iru sacerdotemonae pia pentacaponae wi tatsi, apara barapomonae cacaenaeta taxantha. ¿Eta pocotsiwa metha exaname? jei Pilato.

<sup>36</sup> Nexata Jesús jume nota, jeye:

—Taitorobi coyenewatha jopa itorobinyo jiwi po cae pin nacuathe. Icha baxua exanaetsipan, bara nexata tamona neyawenaetsipa xua judiomonae jopa tana newaetabinexa. Ichitha taitorobi coyenewatha jopa itorobinyo jiwi po cae pin nacuathe, jei Jesús.

<sup>37</sup> Nexata Pilato Jesús jeichichi:

—¿Apara xam pon jiwi itorobiya pia pepa Nee-watsin? jeichichi Jesús.

Jesús jume nota, jeye:

—Aa, apara bara xan bapon pon jiwí itorobiya pia pepa Taewatsin xuaunxuae bara pae-bame. Daxota naexanan po cae pin nacuathe yawa patopan tapaebinexa xua pocotsiwa pexainyeiwa yatsicaewa. Daxita pomonae ichichipa xua pejume cowantsiwa xua barapo pexainyei jume, barapomonae bara nejume tane, jei Jesús.

<sup>38</sup> Pilato Jesús baraichi, jeye:

—¿Eta pocotsiwa metha pocotsiwa pexainyeiwa? jei Pilato.

*Meje yabara poxonae Pilato jume baru jejei xua Jesús bara pebexubiwa tsainchi ichamonae (Mt 27.15-31; Mr 15.6-20; Lc 23.13-25)*

Poxonae Pilato baxua yainyaba, bapoxonae Pilato equeicha aisowa bejoniya xua equeicha judiomonae petsipaebinexatsi. Pilato barai judiomonae, jeye:

—Xan jopa jume itaraerowinyo bapon xua po jumetha nayaita anae exanaena xua pebexubinexatsi. <sup>39</sup> Ichitha paxam painya cui paxeiname xua ba caein tapacata isanaxubiwatsi pomonae jiwí pecabi botha nobatsi poxonae xua po mataqueitha Pascua wun matakabintha. ¿Bara anoxuae pacata saya pu copatinchi pon judiomonae itorobiya pia pepa peewatsinchi? jei Pilato.

<sup>40</sup> Nexata barapo judiomonae jume daunweya wawai, jeye:

—¡Jume, jopa dapon isanaxubinde! ¡Maisa jame Barrabás isanaxore! jei barapo judiomonae.

Barapon Barrabás, pon bichocono jiwí pecaibi.

## 19

<sup>1</sup> Nexata Pilato najume caitoroba xua Jesús bara pecuainchinexatsi xua pocotsiwatha eewa xua bichocono amꞑpiya xua xota ba jiwi cuain-teibatsi poxonae abe exaneiba. Soldadomonae baxua exana. <sup>2</sup> Barapo soldadomonae Jesús mata xatatatsi pee tepa. Mataꞑtano bapoxonae Jesús pia paparuwa juma xuenatsi. Icha paparuwa juma xatatatsi po paparuwa tsofia. <sup>3</sup> Bapoxonae barapo soldadomonae Jesús imoxoyo cacuita umenarꞑꞑpatsi. Yawa Jesús cui caponaeya jeichichi:

—¡Jaina, maisa wꞑnaem pon judiomonae itorobiya pia pepa Neewatsin! jei barapo soldadomonae xua Jesús cui capoinchi.

Bapoxonae Jesús itabara cuaintatsi.

<sup>4</sup> Equeicha Pilato pesato bejoniya judiomonae beya. Pilato barai judiomonae, jeye:

—Matha pataema. Bapon pacata carenaeinchi, painya neyaputaenexa xua xan jopa jume taeinyo xua po jumetha penayaita anae exanaewa xua pebexubinexatsi barapo pebin, jei Pilato.

<sup>5</sup> Bapoxonae Jesús pee tepa pesato beyawa joniya. Yawa paparuwa yawa joniya po paparuwa tsofia. Nexata Pilato barai jiwi, jeye:

—¡Pataema xote uncue baponje! jei Pilato.

<sup>6</sup> Bapoxonae sacerdotemonae pia pentacaponae wi tatsi irꞑ policiamonae, poxonae daxita barapomonae Jesús taerꞑꞑpatsi, jume daunweya wawaya jeye:

—¡Naetotha bara tꞑparucua bewa exanaem! ¡Naetotha bara tꞑparucua bewa exanaem! jei barapomonae.

Pilato barai jiwi, jeye:

—Moya paxam jame bara papire, moya painya coya naetotha t̃parucua paexande. Yaitama xan apara jopa jume taeinyo po jumetha xua bapon penayaita anae exanaewa xua pebexubinexatsi.

<sup>7</sup> Ichitha judiomonae Pilato jume notatsi, jeye:

—Paxan pata taitorobi coyenewa paxeinan. Bapon pia coutha Nacom Pexanto tatsi natsicotane daxota bapon bewa t̃paena tsipei pata taitorobi coyenewa baxua peyabara paebixae, jei judiomonae.

<sup>8</sup> Poxonae Pilato baxua jume tane, Pilato nama bichocono equeicha junuwa. <sup>9</sup> Equeicha Pilato Jesús caibe max̃ coniyatsi bo beya. Baxota Pilato Jesús yainyabatsi. Jesús jeichichi:

—¿Eta werenapim xam? jei Pilato.

Ichitha Jesús jopa jume notsiyo. <sup>10</sup> Nexata Pilato Jesús baraichi, jeichichi:

—¿Eta pocotsiwa jopa nejume notsim? ¿Apara xam jopa neyaputaem xua xeinan taitorobi coyenewa xua tana neitac̃paewa xua jiwi taitorobiwa xua t̃parucua necaexanadutsiwa naetotha? Matãtano xeinan taitorobi coyenewa po coyene xua jiwi taitorobiwa xua saya necapu sotabiwa, jei Pilato.

<sup>11</sup> Jesús jume nota, jeye:

—Icha Nacom jopa cacatsipae barapo peitorobi coyenewa metha ichamonae jopa itorobimchipae xua ichamonae abe tana necana exanaewa. Daxota pon necanaeta xamtha bapon jame bichocono abe exana beyacaincha xam xua abe necana exaname, jei Jesús.

<sup>12</sup> Poxonae baxua Pilato jume taeba, bequein bichocono nanta xeina xua Jesús bara saya pepu sotabiwa tsainchi, ichitha junuwa poxoru judiomonae jume daunweya wawai. Barapomonae jeye:

—¡Icha xam bara saya, pu sotabame, apara romanomonae itorobiya pia pepa peewatsinchi bapon jopa pia jiton tsipaem! ¡Pon pia coutha naexana xua be natsicotane pon jiwi itorobiya pia pepa peewatsinchi, bapon apara romanomonae itorobiya pia pepa peewatsinchi bapon pia peaitafaetabinchi jitontsi! jei judiomonae.

<sup>13</sup> Poxonae Pilato baxua jume taeba, bapoxonae ecoundeca ichaxota pia coutha cayabara cananta xeincaeya cueicueijei tsequeibi jiwi. Bapon baxota eca yawa najume caitorobeca xua bara berena Jesús pecarendenaenexatsi ichaxota Pilato eca, po pia peecaethopae tutu ibo pana tatsi hebreo jumetha, “Gabata”, jei. Baraxua jei: “Pefaratsiwa ibowa pana”, jei. <sup>14</sup> Bapoxonaer<sub>u</sub> barapo matacabi tsuxubir<sub>u</sub>, po matacabi copiya tsiwanaya ducua Pascua w<sub>u</sub>n matacabi. Barapo mataqueitha judiomonae pexaewa xaxaintajeba xua Pascua w<sub>u</sub>n matacabi nexa xua baya tsane. Poxonae mateinyaxae tsuxubi, bapoxonae Pilato barai judiomonaetha, jeye:

—¡Incane pataema pon itorobiya pepa painya Nepacacaewatsin! jei.

<sup>15</sup> Ichitha barapo judiomonae jume daunweya wawaya jeye:

—¡Maisa bara t<sub>u</sub>paena! ¡Bara naetotha t<sub>u</sub>parucua exande! jei.

Pilato jume barai, jeye:

—¿Bara itorobin jampa xua pebexubiwatsi pon itorobiya pepa painya Nepacacaewatsin? jei Pilato.

Ichitha sacerdotemonae pia pentacaponae wi tatsi Pilato jume notatsi, jeye:

—Apara ichun jopa paxeinaeinyo pon jiwi itorobiya pia pepa Peewatsinchi. Jame saya meisa painta bara compa pon itorobiya pepa pata Nee-watsin, bapon jame apara pon romanomonae itorobiya pia pepa Peewatsinchi, jei judiomonae.

<sup>16</sup> Barapo jumetha Pilato Jesús canacobena catatsi barapo judiomonaetha. Baxua Pilato exana xua Jesús bara tupa peexanaenexatsi naetha. Bapoxonae barapo judiomonae Jesús pitatsi.

*Meje yabara poxonae Jesús tūparucua exanatsi naetha*

*(Mt 27.32-44; Mr 15.21-32; Lc 23.26-43)*

<sup>17</sup> Jesús bara pona, yawa pia naeto utucurapona, xua barapo naetha pecobe matatabarutsinexatsi ichaxota po demxuwatha be jiton matasipa piwa. Barapo demxuwa caunuteiba xua jei tsaibi: “La Calavera”, jei. (Seicaya hebreo jumetha jei tsaibi: “Gólgota”, jei.) <sup>18</sup> Barapo demxu mata-soitha Jesús cobe matatabarutatsi naetha. Irū ainya pebinbe cobe matatabarutatsibe. Jesús tutiyotha yanaeto uncua, ichun Jesús pecoxa weya tayanaeto uncuatsi irū ichun Jesús petsoconae weya tayanaeto uncuatsi. <sup>19</sup> Pilato itoroba xua Jesús pentutu wetsica petarutsinexatsi napaeuyo. Barapo napaeuyotha jeye xua tinaduta: “Jesús, Nazaret tomarapin, pon judiomonae itorobiya pia pepa Peewatsinchi”, jei barapo petinae



napaeuyotha. <sup>20</sup> Pinmonae judiomonae yoroba barapo petinadutsiwa tsipei ichaxota Jesús cobe matatabarutatsi imoxoyo itama tayeca tomara, po tomara pewan Jerusalén. Barapo petinae napaeuyotha, hebreo jumetha tina, griego jumetha tinano, iru latín jumetha tinano. <sup>21</sup> Daxota sacerdotemonae pia pentacaponaeawi tatsi, pomonae judiomonaexae, Pilato baraichi, jeye:

—Jopa jande ‘Pon judiomonae itorobiya pia pepa Peewatsinchi tatsi’, jopa jande. Jame maisa jande: ‘Ponje najei: Xan pon judiomonae itorobiya pia pepa Taewatsin, najei’, jande, jei sacerdotemonae pia pentacaponaeawi tatsi.

<sup>22</sup> Ichitha Pilato jume nota, jeye:

—Xuaunxuae tinadutan bara ducuaena, jei Pilato.

<sup>23</sup> Soldadomonae poxonae Jesús canacobena wetatsi xua cobe matabobatsi, bapoxonae nota Jesús pia paparuwan tatsi. Tsipei cuatro po soldadopinbe daxota nata tsaba xua cuatro poyobe nexa xua soldadomonae. Matauta dorouto Jesús juma wejontatsi, po dorouto ompareca, xua jopa epa хххцаеуо. <sup>24</sup> Barapo cuatro poyobe xua soldadomonae caemonae natsipaeba, najei:

—Jopa tsana nata epa tsitsicae tsainchi. Jame metha xanepana xua ibotixi bebeya tsainchi. Bapoxonae yaputaeinchi xua pon ibotiyo beta xoya, moya copiya pichina, jei.

Baxua barapomonae exana peyabara cui wnae tsiwanaya jeixae pon Nacom peitorobi jume pepaebin. Bapon jeye Cristo yabara, Nacom Pejume Diwesitha: “Tapaparuwan nata tsabina yawa ibotixi bebeya tsane penacueranta

notsinexa tsane tapaparuwan”, jei pon Nacom peitorobi jume pepaebin. Bara baxua exana barapo soldadomonaē.

<sup>25</sup> Jesús pena tatsi imoxoyo uncuā ichaxota Jesús ducua. Barichi Jesús pena tatsi iru pamcho tatsi baxota umena. Barichi icha María, powa Cleofas piowa tatsi baxota uncuā. Barichi icha María, powa María Magdalena, powa Magdala tomarapiwayo, baxota uncuā. <sup>26</sup> Poxonaē Jesús taenota pena yawa poxonaē taenota pon bichocono Jesús antobe, pon pijimonaē jiwanapin bapoxonaē Jesús barai pena, jeye:

—Ena, taema bapon nexanto cata uncuareque, jei Jesús.

<sup>27</sup> Bapoxonaē Jesús barai bapon, jeye:

—Incane taema barapowa, powayo enaxae, jei Jesús.

Bapoxonaē barapowa barapon pena tsicotaeya waba pia botha.

*Meje yabara poxonaē Jesús tupa*

*(Mt 27.45-56; Mr 15.33-41; Lc 23.44-49)*

<sup>28</sup> Bapoxonaē pirapaeyo Jesús yaputane xua bayatha yabara jume cui wetatsi xua bayatha Nacom Pejume Diwesitha paeba. Matautano xua Jesús penajume cui yabara wetsinexatsi xua bayatha Nacom Pejume Diwesitha yabara tsiwunaē paebatsi, bapoxonaē Jesús jeye:

—Meratsipan, jei.

<sup>29</sup> Baxota juruwato eca xua yawa eca vino mera, po mera atsu. Nexata barapo soldadomonaē esponjatha mene yutsiya capita. Bapoxonaē Jesús naewatha tadutatsi yawa tayoichatsi pecoiboto

deca. <sup>30</sup> Jesús tsutsubiya apa barapo vino mera. Bapoxonae jeye:

—Bara daxita neyabara jume cui weta, jei Jesús. Bapoxonae Jesús nawisi jetataba. Tɔpanaicha.

*Meje yabara poxonae soldadomonaepin Jesús epa catsitsinaxubiya cawɪichatsi dejonatha*

<sup>31</sup> Cataunxuae barapo matabi po matabitha poxonae judiomonae pewɪnaeya nacui wɪnaeta pia pentaquei seicae matabi tatsi nexa. Barapomonae jopa ichipaeyo xua came naetotha dubenaena po pebiwi naetotha werapa poxonae jopaena barapo pentaquei seicae matabi, po matabi peainya cui matabixae. Barapo pentaquei seicae matabi, po matabi tamropata pitaba xua Pascua wɪn matabin. Judiomonae jopa ichipaeyo xua pejontsiwa pepon naetotha barapo pentaquei seicae matabitha. Daxota barapo judiomonae Pilato jume itorobatsi, jeye: “Soldadomonae itorobare xua petopa janacaenexa tsainchi pomonae naetotha dubena xua nainya barapo pebiwi tɔpa peexanaenexatsi. Mataɔta itorobare xua barapo pebiwi naeton wetsica penotsinexatsi icha xaniwaicha daxita barapo pebiwi bayatha werapa”, jei barapo judiomonae.

<sup>32</sup> Nexata soldadomonae bara beya pona. Yawa barapo soldadomonae copiya topa janaxuba ichɪn pon Jesús icha muxunene wetarucuiyatsi. Bapoxonae equeicha ichɪn topa janaxotsi pon Jesús icha muxunene wetarucuiyatsi. <sup>33</sup> Poxonae soldadomonae imoxoyo umenarɪcɔpa ichaxota Jesús ducua, bapoxonae Jesús tainchi xua bayatha

Jesús tupa. Daxota barapo soldadomonae Jesús jopa topa janaxuichi.

<sup>34</sup> Ichitha caein barapo soldadomonae jiwana, bapon Jesús epa cawñicha catsitsinaxubiyatsi dejonatha. Bapoxonae caena nainya jana othoparena yawano mera othoparenano. <sup>35</sup> Xan, Juan, baxuan daxita tan pocotsiwa soldadomonae Jesús cana exanatsi. Daxota pocotsiwa xua baxua pae-ban bara xainyan, xua daxota painya tana nejume cowantsinexam. <sup>36</sup> Barapomonae baxua exana tsipei bayatha Nacom Pejume Diwesitha Cristo yabara tsiwanaya jeichichi: “Jopa piwa janaxubi tsainchi bapon xua matauta cae piwano”, jei Nacom Pejume Diwesitha. <sup>37</sup> Matautano icha jume diwesitha xua Nacom Pejume Diwesi, jeye: “Necoichaeinchi pon xua cawñichatsi”, jei Nacom Pejume Diwesitha.

*Meje yabara poxonae Jesús petupaein ibo mñthñtha yaxatatabotatsi*

*(Mt 27.57-61; Mr 15.42-47; Lc 23.50-56)*

<sup>38</sup> Bapoxonaerñ pebin, pon pewñn José, pon Arimatea tomarapin, bapon Jesús irñ jume cowantatsi. Ichitha José baxua jopa nayopichiyo ichamonaetha xua Jesús pejume cowantsiwatsi, tsipei judiomonae jume cunuwatsi. Bapon José copiya Pilato muxu tsipaebiya jeichichi, jeye:

—Nejume barñ jejande tha jontichi Jesús petupaein naeto wetsica, jei José.

—Bara moya taema, jei Pilato.

Daxota José bara beya pona. Bapoxonae José jonta naetha Jesús petupaein. <sup>39</sup> Irññ ichñn napona Jesús pia mñthñtha. Bapon

pewun Nicodemo, pon matha Jesús siwa poinchi merawi. Daxota bapon Nicodemo patopa xua José peyawenaenexatsi. Bapon Nicodemo capatopa treinta po kilobe xua pocotsiwa pebena, po beno xua tuxuei. Barapo benothena muxunaxuba po petuxuei nain pewun mirra, xuano xua icha petuxuei nainwano po petuxuei nainwa pewun áloe. <sup>40</sup> Bapoxonae José irun Nicodemo pitabe Jesús petupaein. Yawa paparuwatha petuxuei beno muxuna capanaboinca mata quiyontabicabe. Baxua exanabe, tsipei judiomonae pia cui coyene xeina xua poxonae pon petupaein canacui wunae wetatsi poxonae namuthunqueiba. <sup>41</sup> Imoxoyo ichaxota Jesús po demxuwatha tupa, baxota peubi naein umena. Barapo peubi naein uniyotha ibo itapatororotha muthun boca pena muthun, po muthuntha cataunxuae jopa muthuntha xubichi petupaein ichun. <sup>42</sup> Barapo pena muthuntha Jesús boyatsi, tsipei barapo pena muthun imoxoyo boca ichaxota Jesús tupa. Matauta tsipei quirei tsanaicha xua poxonae patopa pentaquei seicae matakabi, po mataqueitha judiomonae jopa nacuichiyo.

## 20

*Meje yabara poxonae Jesús equeicha asun juina exanatsi petupae cuiru coyene weya*

*(Mt 28.1-10; Mr 16.1-8; Lc 24.1-12)*

<sup>1</sup> Bapoxonaerun domingo matakabi jopa, po matakabi xua copiya ducua cae semanatha. Bapoxonae caemumbotha poxonae cataunxuae quiriquirica, bapoxonae María Magdalena, powa Magdala tomarapiwayo, muthuntha patopa

ichaxota Jesús boca. Barapowa tane xua m̃th̃u yapusauncua xua bequein ichamonaē yapu xatatabanota pin ibo panawatha. <sup>2</sup> Bapoxonaē barapowa nainya pata taxainya becuinaerena ichaxota Simón Pedro uncua ir̃u xan, Juan, baxota uncuan ponxaein Jesús bichocono neantobe. Yawa pana nejei:

—Cou Jesús pet̃p̃aein pitatsi, pon Wanacanamataxeinaein. Jopa payaputaeyno ichaxota equeicha botatsi, pana nejei.

<sup>3</sup> Bapoxonaē Simón Pedro, ir̃u xan Juan, m̃th̃u bepaiyanbe. <sup>4</sup> Bara beya pana nacuara cuinayanbe. Ichitha xan, Juan, bichocono bichoinan beyacaincha Pedro. Daxota m̃th̃ũtha patopan copiya. <sup>5</sup> Yawa m̃th̃ũ beya nab̃x̃ũ tsutiya necobiyan. Paparuwa tan xua iratha boca, po paparuwatha Jesús pet̃p̃aein mata quiyontabatsi, ichitha jopa joniyaeyno. <sup>6</sup> Bapoxonaē Simón Pedro tacoya werena cotacaya patopa. Bapoxonaē m̃th̃ũ joniya. Barichi barapon barapo paparuwa tane xua iratha boca. <sup>7</sup> Matautano taneno po paparuwatha Jesús matasipa quiyontababotatsi. Barapo paparuwa nanta quiyontabiya tsanaya boca. <sup>8</sup> Bapoxonaē xan, ponxaein copiya patopan, ir̃u joniyan m̃th̃ũ iya. Poxonaē daxita baxuan tan, bapoxonaē nainya jume cow̃ntan xua Jesús bayatha as̃u. <sup>9</sup> Bayatha jopa payaputaeyno Nacom Pejume Diwesi, po diwesitha xua xota bapon yabara paebatsi po coyene xua bapon bewa as̃u tsane pet̃p̃ae coyene cuiru weya. <sup>10</sup> Nexata xan, Juan, ir̃u Simón Pedro caibe panawiyambe bo beya.

*Meje yabara poxonae Jesús María tsita  
naiṭṭatsi, powayo Magdala tomarapiwayo  
(Mr 16.9-11)*

<sup>11</sup> María Magdalena, Magdala tomarapiwayo, powa pana tsiw<sub>h</sub>n caya, bapowa equeicha caiberena m<sub>h</sub>t<sub>h</sub>ta patopa. Barapowa m<sub>h</sub>t<sub>h</sub> coiboto juma weya wecoyei tsuncuae. Poxonae wecoyei tsuncuae nantanuweya nab<sub>h</sub>x<sub>h</sub> japasota necobiya m<sub>h</sub>t<sub>h</sub> iya. <sup>12</sup> Baroxonae bapowa tane ponbe matatsunpinbe xua ecabe ichaxota bayatha Jesús botatsi pet<sub>h</sub>paein. Barapo matatsunpinbe po paparuwa apiya nama xatatabe pemainya paparuwa. Icha matatsunpin eca Jesús pentasipa coyo deca tatsi. Icha matatsunpin eca Jesús pia pesito coyo deca tatsi. <sup>13</sup> Barapo matatsunpinbe María yainyabatsi, jeichichi:

—María, ¿eta xua metha wecoyam tsauya? jei.

María jume nota, jeye:

—Yaitama cou Tanecanamataxeinaein pet<sub>h</sub>paein pitatsi. Jopa taeinyo xua equeicha xota botatsi pet<sub>h</sub>paein, jei María.

<sup>14</sup> Poxonae bapowa najume wetsiya paebaxoya, xuano xua poxonae napatomeicha necotaxoya, bapoxonae pebin taenotatsi ichitha bapowa jopa yaputaeyo xua apara bapon Jesús. Ichitha bapowa Jesús jopa yaitaetsi. <sup>15</sup> Nexata Jesús María yainyabatsi, jeichichi:

—Ja, ¿eta pocotsiwa came wecoyam tsauyam? ¿Jintam wenawenam? jei.

Barapowa nanta xeina xua mexeya itara pon pe<sub>h</sub>bi naein yapu eenawei. Daxota bapowa, jeye:

—Icha xam bayatha pitame pet<sub>h</sub>paein pon Tanecanamataxeinaein, incane netsipaebare

xua equeicha exota botame. Tha bapoxonae petapaein equeicha pitichi, jei María.

<sup>16</sup> Nexata Jesús barai, jeye:

—María, jei.

María equeicha napatomeichaxuba. Yawa hebreo jumetha jeye:

—¡Rabuni! jei (po jumetha xua jei: “Pon jiwi Necuidubin”, jei).

<sup>17</sup> Jesús jume nota, jeye:

—Jopa nejayatabinde tsipei cataunxuae jopa ponaeinyo ichaxota Taxa equiya. Jamaisa ponde, paebareno tajimonaetha xua xan paeban xua jan: ‘Taxa beicha ponaein, po Taxa painya Axa iru’, jan. ‘Barapon Nacom, Tanacom iru paxam painya Nacom’, jan xua, jei Jesús.

<sup>18</sup> Barapoxonae María Magdalena, powa Magdala tomarapiwayo, tsiwun caya Jesús pijimonae tatsi beya. Bapowa tsipaeba xua bayatha tane pon Pecanamataxeinaein jiwi. Yawano tsipaebano daxita pocotsiwa Jesús paeba bapowatha.

*Meje yabara poxonae Jesús pijimonae tsita naituta*

*(Mt 28.16-20; Mr 16.14-18; Lc 24.36-49)*

<sup>19</sup> Barapo mataqueitha poxonae cataunxuae awiya domingo, bapoxonae merawi Jesús pijimonae tatsi nacaetuta. Tsipei judiomonae cui cunuwatsi daxota bo bichocono boupa daunwei exana. Nexata Jesús barapo tututha patopa. Yawa pijimonae peitabarayo deca tauncua. Pijimonae jacobiya jeye:

—Maisa juntea pajinompare, jei Jesús.



20 Poxonae Jesús baxua najume weta bapoxonae tsita nacobe wan it̃ta pijimonae yawa naepa wan it̃ta. Poxonae Jesús pijimonae taer̃cupatsi bichocono j̃nt̃a coyene weiweina petaexaetsi Jesús pon barapomonae Pecanamataxeinaexaetsi. 21 Pirapaeyo equeicha Jesús pijimonae barai, jeye:

—Maisa j̃nt̃ema pajinompare. Icha Taxa neichi xua neitoroba bara paca ichichi paca itorobatsi, jei Jesús.

22 Nexata bapoxonae Jesús pijimonae matatsun ofutaba, jeye:

—Nacom pia Pejumope t̃nax̃a tatsi bara paca yantsina, jei. 23 Pomonae xua pacui cayabara j̃nt̃emainame abe pia peexanae cuiru coyenein tatsi, bara barapomonae Nacom ir̃a cayabara cui j̃nt̃emainana abe pia peexanae cuiru coyenein tatsi. Pomonae jopa pacayabara cui j̃nt̃emainam abe pia peexanae cuiru coyenein tatsi, bara barapomonae Nacom ir̃a jopa cayabara cui j̃nt̃emainayo abe pia peexanae cuiru coyenein tatsi, jei Jesús.

*Meje yabara poxonae Tomás tane xua Jesús equeicha as̃a*

24 Tomás, bapon Jesús pijimonae tatsi jiwana. Bapon icha w̃n Gemelo, po w̃n xua jei: “Nama naexanabe pexuyobe”, jei. Barapon Tomás jopa naecaeyo poxonae Jesús pijimonae tsita nait̃ta.

25 Pirapae poxonae Jesús napitaba ichamonae pomonae Jesús pijimonae tatsi Tomás tsipaebatsi, jeichichi:

—Paxan Jesús, pon Wanacanamataxeinaein, patan, jeichichi Tomás.

Ichitha Tomás jume nota, jeye:

—Jopa jume cowantsinyo baxua. Jopa bejume cowantsinyo icha jopa cobe wan taeinyo xua penain wan, xuano xua icha jopa jayabinyo tacobetha. Matautano jopa bejume cowantsinyo icha jopa yene wan jayabinyo, jei Tomás.

<sup>26</sup> Poxonae ocho po matabibe yapucaewa xua icha domingotha, bapoxonae equeicha bomuxhtha nacaetuta Jesús pijimonae tatsi. Bapoxonaerh Tomás jame naeca. Bequein bomuxh boupá bichocono daunwei exana ichitha Jesús jonarena. Pijimonae peitabarayo deca tauncua. Yawa jacobiya jeye:

—Maisa juntea pajinompare, jei Jesús.

<sup>27</sup> Bapoxonae Jesús jeye Tomás beya:

—Moya necobe wan jayabare xua penain wan. Moya taema xua nantiyabe tacobe wanbe. Yawano neyene wan jayabare. Jopa ainya muxu xeinaeinde. Moya maisa nejume cowande, jei Jesús.

<sup>28</sup> Nexata Tomás jume nota, jeye:

—¡Jaina, deta Tanecanamataxeinaem! ¡Yawa Nacom, Tanacom! jei Tomás.

<sup>29</sup> Jesús jume nota, jeye:

—Tomás anoxuae nejume cowantame tanetaemxaem. Ichitha pomonae bequein jopa netaeyo xua daichitha nejume cowanta, barapomonae bichocono juntea coyene weiweina, jei Jesús.

*Meje yabara xua eta pocotsiwa metha yabara tina barapo diboro*

<sup>30</sup> Jesús ainya coyenein matowa pijimonae peiṭtha exaneiba pexeinya petsita iṭtsi coyenewan. Daxita barapo coyenein awiya yabara seica xua jopa yabara tinaeinyo barapo diborothe. <sup>31</sup> Daxita xua xuan pocotsiwa yabara tinan po diborothe apara xua baxuan painya yabara jume coẉantsinexam tsane xua Jesús apara bara Mesías. Matạtano yabara tinan xua painya yabara jume coẉantsinexa xua Jesús apara Nacom Pexanto tatsi. Matạtano yabara tinan xua painya nexeịnaenexa tsane peaj̣unṭyap̣uṣwa, po peaj̣unṭyap̣uṣwa xua ataya tsiteca xua poxonae pajume coẉantsiname Jesús.

## 21

*Meje yabara poxonae Jesús tsita naiṭta siete poyobe pomonae pijimonaexae tatsi jiwana*

<sup>1</sup> Bapoxonae pirapae equeicha Jesús pijimonae tsita naiṭta Tiberias pucua itapatha. Poxonae pijimonae tsita naiṭta poxonae apara iche: <sup>2</sup> Jesús pijimonae tatsi nacaetuta. Barapo mataḅx̣yobe meje: Simón Pedro, iṛu Tomás pon icha ẉun Gemelo, iṛu Natanael Caná tomarapin, po tomara eca Galilea nacuatha, iṛu xan, Juan, iṛu taewe-icho xua Zebedeo pexantobe tatsi panbe, iṛu icḥunbeṛu. Daxita barapo mataḅx̣yobe panpanacaetutan Tiberias pucua itapatha. <sup>3</sup> Simón Pedro pana jei:

—Tha duwei yamonaetsi, jei.

Paxan pajanje:

—Paxan iru paca puna ponaeinchi, pajan.

Bapoxonae jeratha daxita panonobabiyan. Ichitha barapo merawitha jopa duwei pataeinyo, bequein payamonan. <sup>4</sup> Poxonae baya pentha tsina, Jesús pana tsita naitata pitapathiya, tuwatha payana dubendenan. Ichitha paxan jopa payaitaeinyo xua bapon apara Jesús. <sup>5</sup> Nexata Jesús pana nebarai:

—Incane, ¿jopa pataem duwei? jei Jesús.

—Jume, duwei aibi, pajan.

<sup>6</sup> Nexata Jesús pana barai, jeye:

—Jera coxa beya bara bepaxoyama peyacamon-  
aewa. Bapoxonae pacapirenaename duwei, jei  
Jesús.

Baxua paexanan. Pirapae jopa pana itacupaeyo  
xua patajutaxorenaewa peyacamonaewa, poxoru  
pin duwei tunto pacapirenan. <sup>7</sup> Nexata xan, Juan,  
ponxaein bichocono Jesús neantobe, Simón Pedro  
baran, janje:

—Apara bapon Jesús, pon Wanacanamatax-  
einaein, jan.

Poxonae Simón Pedro nejume taeba,  
bapoxonae paparuwa xua nama xuenabota  
nainya yacuinaya nama xatataba. Bapoxonae  
mene weitata jopiya. <sup>8</sup> Ichitha paxan pomonae  
jopa paraichinyo jeratha pajebounan. Barapo  
jera be conotha tajū tuwatha berucuarena saya  
cien metrobe xeina. Bewayo pajeboundenan  
tsipei peyacamonaewa mentha yawa  
ducuapona pin duwei tunto. <sup>9</sup> Poxonae jera  
wepanonobabiyan, bapoxonae isoto patan xua

barapo isototha duwein yutaboya yawano xua pan boquiya. <sup>10</sup> Jesús pana barai, jeye:

—Painta xawena duwei xuaunxuae pacaebouname, pana jei.

<sup>11</sup> Simón Pedro jeratha nontabiya. Yawa taetabo itapa bejutabotsina peyamaewa xua bichocono wunca duwei. Ciento cincuenta y tres po duwei matabuxumonaebe. Bequein duwei bichocono wunca daichitha jopa ucupanayiyo peyacamon-  
aewa. <sup>12</sup> Nexata Jesús pana barai, jeye:

—Antha matha paxaema, pana jei.

Paxan jiwana dapon aibi pon peyainyabinexa, pon pejeinexa: “¿Jintam xamda?” pon jei, tsipei daxita paxan payaitan xua bapon apara pon Patatanecanamataxeinaein. <sup>13</sup> Bapoxonae Jesús isoto bepoinya pepichinexa pan. Bapoxonae pana necatsiba yawa duwei pana necatsiba.

<sup>14</sup> Baxua exana poxonae nama acoibi po cuiyobe xua Jesús pana netsita naituta xua poxonae equeicha asu popona petupae cuiru coyene weya.

*Meje yabara poxonae Jesús baru cueicueijei  
Simón Pedro*

<sup>15</sup> Poxonae pana nain wetan xua Jesús pana apata, bapoxonae Simón Pedro, Jesús yainyaba, jeye:

—Simón, pon Juan pexantom, ¿bichocono neantobem, beyacaincha xua po pebiwe neantobe? jei.

—Aa, Tanecanamataxeinaem, bara caena bayatha neyaputaneme xua tacaantobewatsi bichocono, jei Pedro.

Jesús barai, jei:

—Icha neantobem, inta tamonaē tana nejume cowantsiwi yawende, icha pon ovejaxi pe-eenaēin ichi xua yawena ovejaxi, jei Jesús.

<sup>16</sup> Equeicha Jesús barai Pedrotha, jeye:

—Simón, pon Juan pexantom, ¿bichocono neantobem? jei.

—Aa, Tanecanamataxeinaem, bara caena bayatha neyaputaneme xua bichocono tacaantobewatsi, jei Pedro.

Jesús jume nota, jeye:

—Icha neantobem, inta tamonaē tana nejume cowantsiwi yawende, icha pon ovejamonaē pe-eenaēin ichi xua yawena ovejamonaē, jei Jesús.

<sup>17</sup> Equeicha acoibi po jume cuiyobe Jesús barai Pedrotha, jeye:

—Simón, pon Juan pexantom, ¿bichocono neantobem? jei.

Pedro jũntũ coyene wecoyeyi yaitama Jesús yainyaba acoibi po jume cuiyobetha. Pedro jeye Jesustha:

—Tanecanamataxeinaem, bayatha caena daxita yaputaibame. Mataũtano yaputanemeno xua tacaantobewatsi, jei Pedro.

Jesús jume nota, jeye:

—Icha neantobem, inta tamonaē pomonaē tana nejume cowantsiwi yawende, icha pon ovejamonaē pe-eenaēin ichi xua yawena ovejamonaē. <sup>18</sup> Xaniyan catsipaebatsi poxonaē matha cataunxuae pewowim jinya paparuwa bara jincoutha namaxatabeibame. Mataũtano matha bara poneibame xua ichaxota ba ichichipa neponaewa. Ichitha poxonaē perum tsane, ichamonaē camaxũ cũbiya yotsina.

Icham paparuwa cama xatatsina. Ichamonae camaxu caponaena ichaxota jopa ichipaem xua neponaewa, jei Jesús.

<sup>19</sup> Poxonae Jesús baxua paeba Pedro wuna tsiwanaya cui yaputane exainchi xua jiwi eta bichi tsane poxonae Pedro bexubinchi. Matautano Jesús tsiwanaya cui yaputane exana xua jiwi Nacom wuna jainchinchí xua poxonae jiwi taena xua po coyene cuirutha xua poxonae Pedro tupaena peexanaexae pocotsiwa Nacom itoroba. Bapoxonae Jesús jeye Pedrotha:

—¡Bara ataya yacuiya poponare xua tamonae jitom! jei Jesús.

*Meje yabara poxonae Jesús neyabara paeba ponxaein xua Jesús bichono neantobe*

<sup>20</sup> Poxonae Pedro napatomeicha necota, bapoxonae netaenota xua punauncuan ponxaein Jesús bichocono neantobe. Xan apara bapon pon bayatha matha imoxoyo Jesús caquita xunaecan, poxonae matha jan: “Tanecanamataxeinaem, ¿jintam pon cacaenaetapaeba?” ponxaein matha jan. <sup>21</sup> Poxonae Pedro netane, bapoxonae jeye Jesustha:

—Tanecanamataxeinaem, ¿incane ponje tsaneru? jei Pedro.

<sup>22</sup> Jesús Pedro jume notatsi, jeye:

—Icha xan tacoutha ichichipan xua bapon Juan bara ataya asu poponaena beya poxonae xua equeicha caewa patopeicaein po cae pin nacuathe, baxua jopa apara cata ainya cuiyo. Jamaisa xam bara ataya yacuiya poponde po coyene xua tamonae jitom, jei Jesús.

<sup>23</sup> Daxota Jesús pijimonaе tatsi, barapomonaе neyabara tsiwɛn capana pijimonaetha xua xan jopa tatɔpaewa tsane. Ichitha Jesús jopa paebiyo xua jopa tatɔpaewa tsane. Saya apara jei: “Icha xan tacoutha ichichipan xua bapon bara ataya asɛ poponaena beya poxonaе xua equeicha caewa patopeicaein po cae pin nacuathe, baxua jopa apara cata ainya cuiyo”, jei Jesús.

<sup>24</sup> Xan, Juan, ponxaein xua Jesús yabara paeban. Daxita pocotsiwa xua xuan paeban, apara pexainyeiwan. Mataɔta barapo diborothe xan apara tinan, pon Juan tsocuaein. Bara paichim daxita xua xuan tinan payaputanemerɛ xua baxuan apara bara pexainyeiwan.

<sup>25</sup> Awiya cui yapu seica xua tayabara tinaewa pocotsiwa Jesús daxita exana. Icha daxita diwesin tsana yabara titiniyaetsipan pocotsiwa Jesús exana, metha barapo diboron jopa po cae pin nacue tsijuntutu canaɛpaetsipaetsi.

Baja Juan.



**Nacom Pejume Diwesi po diwesi pena jume  
diwesi xua Jesucristo yabara tinatsi  
New Testament in Cuiba**

copyright © 2010 Wycliffe Bible Translators, Inc.

Language: Cuiba

Translation by: Wycliffe Bible Translators, Inc.

**Copyright Information**

© 2010, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

**The New Testament**

in Cuiba

**© 2010, Wycliffe Bible Translators, Inc. All rights reserved.**

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-22

---

PDF generated using Haiola and XeLaTeX on 21 Feb 2024 from source files  
dated 29 Jan 2022

e9c4c3a0-6dec-54a4-aaba-fb395e5eddc7